

賢劫經卷第一

亦名毘陀劫三昧
經晉曰賢劫定意

恃一

西晉三藏法師護譯

問三昧品第一

聞如是一時佛在舍衛國祇樹給孤獨園終
竟三歲始初三年悉具衣服所化已周著衣
執鉢遊維耶離與大聖衆無數百千諸比丘
俱菩薩八十億爾時世尊處在閑居安然庠
序從燕室興慧王菩薩喜王開士精專獨處
亦尋起出奉迎如來嚴治場地布設衆座彼
時四輩諸比丘比丘尼清信士清信女天龍

鬼神阿須倫迦留羅真陀羅摩休勒及人非
人咸來雲集一切諸會蒙衆菩薩光明所照
皆得安和諸會菩薩一切大聖神智暢達逮
得總持以成三昧具足五通目覩衆生一切
心念悉分別知所思道俗不懷望想普布弘
訓布施和意自持戒忍精進一心智慧善權
靡不開化逮不退轉班宣道法慈愍羣生不
抱瞋害不慕利養所演經要不冀衣食無所
著故逮深法忍無所從生度諸所生皆爲一
切無請之友爲師子吼十方啓受濟諸終始

使度彼岸勇猛無畏越衆魔事消諸陰蓋無
罣礙業了本清淨不疑諸法積功累德不可
稱載深入玄妙無極道元意和面悅先發問
訊言談庠序除去慍色棄捐僞諂歌頌正真
無際心行逮致聖忍辯才不斷遊無限會強
而有勢心如虛空功勲普流行如金剛無所
不入所至到處未曾有難識無數劫周旋所
歷所說方便一切諸法猶如幻化野馬影響
如夢所見水中之月芭蕉泡沫衆變無數黎
庶沒溺無所歸依往反五處而救濟之明達

衆生所趣善惡隨心所喜演真功勲常懷愍
傷無慮害心積無量德莊嚴佛土無限弘誓
成就無際諸佛境界覺意常定未曾忽忘歸
歎十方現在諸佛體解衆結塵積自大志樂
聖慧神通自娛以善權業遊億百千恒沙佛
土十方所講皆遙聞見明智所修悉能履之
雨法甘露潤澤一切道意無量一切普備其
名曰慈氏菩薩溥首菩薩光世音菩薩雨音
菩薩善德百千菩薩華嚴菩薩自大菩薩明
皤成菩薩暢音聲菩薩奉無數億劫行菩薩

覺意雷音王菩薩見正邪菩薩淨紫金菩薩
其心堅重菩薩威光王菩薩照四千里菩薩
越所見菩薩辯積菩薩慧王菩薩不虛見菩
薩颺陀和等八大正士又有衆香手菩薩無
量真實菩薩智積菩薩大淨菩薩師子吼菩
薩音王菩薩淨珠嚴行菩薩師子步暢音菩
薩無量辯無畏菩薩如是等菩薩八十億俱
於是三千大千世界天下正主四大天王釋
梵自在天王大梵天王諸龍王諸鬼神王諸
阿須倫王諸迦留羅王諸具陀羅王諸摩休

勒王諸犍沓和王皆往詣佛所各以華香供
養散佛上退坐一面或坐或住爾時喜王菩
薩觀衆集會即從坐起更整衣服長跪叉手
白佛願有所問聽乃敢陳佛言恣所啓問佛
當事事分別宣之喜王即問何謂菩薩常備
道心斷除非法特一奉何等業消除衆結修三品三
一經行二住立三坐定化諸不調從是超越
令其精進而無瑕穢何謂菩薩成就具足曉
知衆生心性所行言常至誠入諸佛業不論
諍訟隨其衆生音聲言辭入誠諦慧今現在

世覩見十方一切諸佛而無罣礙見真妙法
乃致諸佛至聖誓願愍念俗法雖遊世俗永
無所著修行禪定一切三昧不從此教而有
所生從泥洹法不取滅度不以不具諸佛至
願而中懈廢乃復現求緣覺之法不以此乘
而退轉墮落取滅度也意修無量不可限慧
心未曾亂入於若干諸種境界造無限業若
有所問以辯才慧悉為宣暢攝取無量清淨
佛土逮得無餘智慧聖達開化衆生心無所
著不有人想班宣經典不住顛倒顯示滅度

不永寂滅修行得道亦無所倚如有所好慕
於內行以棄有無今天中天唯見愍念性雖
不敏不敢重啓垂哀宣布爾時喜王菩薩歎
此頌曰

諮問殊妙月 救世演光明 諸菩薩所行

漸行至成就 入無量限衆 諸天人樂法

聞最道德行 無數人發意 信樂微妙勲

問普名聞度 無量稱智心 見勝無餘證

十方散說行 尊解勝功德 佛勲最無倫

大聖訓慧行 念俗結黑冥 速演道光曜

疾觀三千界	行道講如是	相好猶衆華
持道無量音	三昧等須彌	菩薩行如是
無等倫無諂	不我無三垢	最寂衆所歎
問人中尊行	意堅言和妙	所說不闕漏
聖正士燒塵	如佛道告我	歸命入佛道
晝夜勤無異	聞此順法最	常正如道訓
若持常定意	神足辯智慧	見十方諸佛
問聖致寂然	講慧無等倫	曉無數定門
所說不懈倦	故問十方行	不問入樂處
不諮境界限	妙勝大聖頂	惟宣十方行

佛告喜王菩薩善哉善哉所問甚深愍念一切有三昧名了諸法本菩薩若行此三昧定得是功勲輒逮此行威神巍巍具足成就二千一百諸度無極事致八萬四千諸三昧門八萬四千諸總持門體解衆生遍入諸行疾逮無上正真之道成最正覺佛言喜王何謂了諸法本三昧若有菩薩行六堅法身口心慈言行相應不違三乘不失要誓知三乘行如所造業開示人民言亦如是身行清淨口言柔和猶如甘露心念解明猶如日光常行

愍哀恒懷慈心無有害意不捨大悲無戀一切不慕貪婬身行清淨志樂法宜不失篤信言尚至誠不廢已願及一切分別寂滅不永寂滅度脫衆生隨其本行曉了罪福不亂世俗未曾貪身不務馳騁愍衆苦惱欲度脫之詩一勸衆施安不造危殆五化諸自大自大消伏懈者使勤轉進道教法藏修無上慧不安想人心無蔽礙不計所有拔諸根本斷除家業志定無爲剖判諸想無所希望不捨正定常求智慧離俗言談志惟逮住講度世業無俗計

念意不忽忘消除陰蔽常思經法心不荒入所應宜不失節立所行法曉知世無所犯負具諸業以六度行棄無信多懷誠信篤佛道常念佛法勤悔過樂助功德施衆生因勸諸佛轉法輪應嗟歎聖不諛諂積功累德常精進心不懈廢習勤修遵行道業菩薩法好布施衆念憐傷常抱弘意示正業不缺正度慎如教身口心淨無點汙如是至誠所依言教奉不違廢不住欲界不倚色界寂無色界從其所行可怙果報而信樂之堅住大乘而不

退轉入愚冥處若在慳慳心不習此等心供
養教化衆生令無諛諂不欺諸佛不抱害心
向衆菩薩不亂聖業虛妄之言見諸精進若
懈怠者而無二心不嫉他供具足弘誓棄捐
憍慢瞋恚之想愚慳邪行以消無明常省已
身不訟彼短慙愧自責不如佛法支身行道
又知止足棄捨親族厭於衰耗不務利養若
有所得以分與人戒無所犯不習衆人睡眠
之尤適被竊言常舍忍之恒慎口言常立道
化歎詠精進常悅和心與諸解脫親近相習

勤數諮問修學閑居不捨獨燕常行節限功
勲之德樂習空義不慕有爲不倚陰身不樂
諸種不受衰入不望財利不住境界去於顛
倒心行堅強修聖賢行觀明心本得衆祐地
休息衆行施無希望戒無所念忍無所想精
進不失禪無所生智慧無導奉正真法諸度
無極入平等住不稱已德不毀他功不依生
死不得泥洹是爲解脫消雪情愛建立真諦
面常和悅捨其慍色而先問訊恭敬長幼中
年之士心常諮講懷仁恩義無所燒害不在

言說常歎寂然憺怕之行所在和同合衆別離等心怨友無憎愛念求于總持哀愍衆生如父如母如身如子如師和尚尊長無異奉佛菩薩充滿順風供事如來好樂嚴淨不挾怯弱敬重三寶所在遊居無所畝積度衣限食不貪身命性常清淨恒行乞食不捨止足棄於衆會不慕家業不樂俗居不在校飾無有虛僞言辭可愛聞莫不歡勸助衆人使發道意使無惑行所入順教數數諮歎諸佛至真心習道法敬重聖衆尊順慧明習從智達

護衆禪思開化精進常宣道德恒遵行法信功德本開化衆生好樂篤信講導衆苦威儀清淨常立弘仁而有慚愧畏難羞恥棄捐惡人不賢之黨習究竟業志行脫門求賢聖行奉四意止習平等斷興發諸根遵修諸力觀察覺意不捨道行度于寂滅照耀所觀心無望想忻樂法典不犯精舍無所羞無所慚不顛倒無愁想慕菩薩行佛道曠然而無邊際患厭邪行消滅往古無數劫時所習邪業修身自淨而無點汙志寂行律遵承重教而無

特一

七

瑕疵所行隨時捐捨非時曉了從宜往來周旋孝順二親又知節限衣食供具暢達神通鮮明定意不毀正行度脫衆生奉受如來所宣經典將護隨順淨衆瑕穢迺諸佛子施衆菩薩諸佛遊居修衆明智從仁和行樂奉正真勸化一切使志好道多樂道義觀護三世惟好淨業國土報應嚴淨之樂常無痲痛如敬二親以逮總持用爲遊觀得致三昧則是浴池清白之法爲所生母以得堅住一切無爲專心定意雖有所度爲無所度無縛無脫

無相不相所導道化亦無衆好建立佛土以得總持剖判諸覺所說清明度魔境界戰鬥勇猛殺害衆塵刈除不善志願淨光魔不能壞所宣道慧而無窮盡世莫能稱外衆邪業所不能知過聲聞法緣覺之等所可歸仰立一切智解衆生趣所導真諦好喜樂法欲開衆生樂衆垢者今慕無爲以道法船度于彼岸載械相濟愍傷諸天班宣一法所立之處無所侵欺欲布施淨其心化悅解諸好戲使務道徑若欲博聞恭敬謙順不爲放恣得三

昧定志行高妙超須彌山樂于五根觀察衆
無心好精進遊不退轉是則名曰無從生忍
斯學菩薩所當奉行衆正士等執持慧幢務
求尊聖以勇力士了無吾我住一切智晉解
衆生所當度脫諸天所詔嗟龍神所奉仰人
民所承事疾得造立若干品業諸不學者咸
共歸命諸菩薩等貪共讚歎一切法主悉共
宣暢諸根寂定以爲城郭善權方便導利一
切逮得精思決衆狐疑斷諸猶豫去於塵勞
過度濟脫無數衆生若有病者爲設衆藥療

治諸病消除瘡痛常好思惟通大精進造建
無畏欲師子吼入分別辯敷演義理神足變
化樂聞衆法淨其道眼照至泥洹棄衆惡趣
度於欲界色界無色界建諸佛土興發如是
如幻三昧坐師子牀具足成就至阿惟顏未
曾忘失衆德之本化悅懈廢拔諸欲僻建立
勤修念濟懶墮將導衆生等化三乘棄捐居
業一切所有具一切智得無量門御第一義
其於法律解通空行則斷諍訟好信佛道無
上誓願雖在衆念不懷妄想等見三世不墮

邪觀善權方便普入一切興顯大道不輕得
度樂于法師猶如犢子不馱其母雖從法師
不貪利養觀察說法不慢衆會不斷法施所
問仁和敬三寶本決衆疑網奉行慇懃而不
休廢終不違失聖明之業依攝脫門和悅調
定消化塵垢心無所著思當所念興隆三事
諸菩薩業以此三事顯示衆會甘美道味若
欲變化班宣道業音如雷鳴訓誘生死十二
緣起開通正門向泥洹門愍入弘路其身安
隱心永無患衆聖所愛未曾違失堅固平等

如來功勳無能迴轉習思德本消滅無福示
衆善元學于聖慧恃怙畢竟鮮明之業所行
相好不自侵欺遵修佛道顯曜慧品講說佛
土諮問答報所難無際生清白法不馱佛道
不棄少智與勤學俱愛敬和同趣勇猛寶心
存在行欲有所說將護都講好喜若千一切
報應以示衆生使無所犯曉了諸法行善方
便心念吉祥所見審諦常自省已可悅他人
裂壞羅網消去無明離于諸行蠲除諸識刈
於名色寂滅六入斷去衆更截于痛痒消化

恩愛而捨所受盡於所有拔害所生度老病死永散苦惱無有衆難以離苦罪心無所著所行究暢長濟三厄所觀無穢宣布法典獨步男子洗浴衆垢消去貪身聞法執持攝御諸法學道不倦入衆德元未曾迴旋積不可計功勲真義懷來佛道光顯法目諮嗟聖衆降伏外學歎詠法訓行菩薩業不戲樂月消化日利使遠罪福學行猶日恭敬國王開導衆聖積清白典致不死果所行威儀識其宿命所生之處常念不忘愚戇愚法好諸如來

功德真正而建立之無量功勲所執法教歸一切智若以班宣致安住典書寫經文皆棄恐懼不墮邊際堅住不動有所講說一切世間咸共諷誦過去諸佛悉說是法常得親近現在諸佛當來諸佛所願具足無上功祚入於一切衆生所行曜聲聞乘現緣覺乘奉持佛法而不忘失一切行門則生佛子宣暢真正速成正慧諮問佛德覆護三世開化寂然危害之難逮權方便分別地種入於水種火種三昧建立風種又以空種至脫道門淨空

種慧導利三界不合衆患消除諸結令無有
餘捐棄諸著沒衆陰蓋令不憚怕曉修身行
遊居永安亦了他人所行存沒所立之處若
演文字不倚言辭棄捐吾我心已離此諸所
依欲雖在其中察如臭犬入於微妙稍稍開
悟懈廢衆勞越度諸流不壞他黨善進道法
而無所著恭恪善師捨於睡眠過諸礙岸斷
狐疑散貪婬捨懈倦將護吾我先導衆生不
立在命不貪求法所語不多言辭清和常諦
思惟宜當速行仁明道業不用生心喜樂閑

居行於衆中不懷怯弱不求他短自惟身行
常奉佛道應遵平等不久遊居在一土地釋
諸所貪所在准平滅身衆冥心不羸劣所修
有便將養意念亦無所思不以識著求于解
脫心常專惟興發梵行等遵慈心悲哀布恩
常以行喜和顏悅色以法樂之依蒙觀護救
衆墮害常以戒禁因濟於人入三昧定以是
智慧暢入諸法曉了文字思惟究暢解諸結
縛令不恐懼入諸音聲獲致利義恒好敷演
道法所施樂佛法衆不厭燕處志存於道無

有上下不毀諸法顯揚隨順不欺衆生志願
堅強以爲具足夙夜精進而不休懈是則名
曰了諸法本三昧正定菩薩行是遍入一切
衆生境界奉一切智佛爾時說是頌曰

行清淨大聖道

心信樂無惑業

曰覺意辯才要

是三昧安住施

降衆魔除諸垢

斷因緣生死欲

智名稱福德勲

護三界度無極

增慧聖道方便

賢明種消恩情

度衆患佛所歎

是三昧安住施

入微妙本際門
斷苦惱入永安
心中解覺意華
諸安住覺念鬘
覺意華脫照門
道所照遍三界
三達療令清淨
棄利養及諛諂
捐他非不蔽善
被三衣常乞食

以覺了無瞋恨
是三昧諸佛行
受聖文攝善權
說是勝三昧定
猶月盛耀衆星
是法超歎踰月
在閑居靜樹下
積行求是三昧
不以利歎身德
親求是行三昧

純行禁習賢聖
以諮講奉行要
衆生業勞諸味
當求是妙三昧
衣慚愧食解味
樂無我常歡悅^{特一}
忍他罵猶空響
欲逮得是三昧
勿習倒惡趣業
夙夜勤精進力

問明智常獨歎
疾得是三昧定
遠衆會樂寂然
勿諛諂慕斯藏
禪牀卧居觀寂^{十二}
講明哲意求安
在真業心不怨
當信知罪福報
常修空賢聖元
逮三昧至慧門

俱捨斯無益路
志平等道真實
立無生觀法義
行是者佛哀念

行品第二

佛言是喜王菩薩以逮得是了諸法本三昧
解一切法無有顛倒諸法無動不可傾故所
行志慕救脫五趣降化衆魔自然爲伏爲天
下人衆生愛敬智者欽仰求暢諸法及與非
法其得明慧猶月盛滿衆星中明在生死久
衆生所知勸化一切志性清淨捨諸所受則
爲三千大千世界之所救護成致道地分別

無我覺無所歸見三界難而化導之爲衆生
護逮得恭恪不以自大越諸陰蓋曉了諸佛
其所班宣演說滅度應時之宜以復逮致三
十二相有利無利若苦若樂有名無名歎毀
之事以解是世所有八法悉無所著救諸衆
生慰以甘露特一顯示滅度開悟一切去其惱熱
斷斯罣礙未曾倚著迷惑六根入十六文字
總持之門識其所至能班宣斯便逮總持何
謂十六一曰無二曰度三曰行四曰不五曰
持六曰礙七曰作八曰堅九曰勢十曰生十

一曰攝十二曰盡十三曰蓋十四曰已十五
曰住十六曰燒是十六事文字之教若解行
是十六文字之教逮得無量總持門地解一
切法而得自在擇求一切衆生慧意消衆塵
勞悉宣佛道受大勢力暢達眞法度脫黎庶
開化導利其音和雅猶如哀鸞逮得普住平
等之地爲師子吼致妙巍巍忍度無極具足
大哀越魔境界備通哀音至眞之聲去自大
得忍辱了深奧義禪定無非所至到處宣無
上法攝取一切衆要經典力勢難及分別一

切諸法道門知衆生行之所歸趣識念無數
所更歷劫常以諸法滅一切病淨除結網逮
斷狐疑速成正覺諮嗟光顯普入一切諸法
聖慧能以方便擿去惱熱講說諸法已身奉
行服甘露食裂衆猶豫捨所居土顯無蓋哀
以覆衆生念於宿命所更生處志泥洹德曉
衆愚駭諸行所趣獲至尊慧攝一切想建立
諸住不失道地超若干變達諸言聲而却一
切結解所在周滿佛土遠離五陰而不自大
疾了言辭用是之故便降伏魔棄諸外學見

不可計十方國土現在諸佛聞所說法受持
不忘如其所願得是三昧而自娛樂若有菩
薩得是三昧則當謂之逮一切智所以者何
以致此定發意之頃一生補處成最正覺從
一本起二二至三三至四從其發意趣得佛
道所以者何又斯定者則一切智爾時世尊
說此頌曰
無量無訓漏 而無有等倫 所出無所歸
以脫諸所趣 降化無所著 殊勝興無限
執持斯景模 十力之妙行 棄諍以娛樂

特一

十四

心患眾垢塵	人中上喜真	言辭甚流利	無有眾等倫	得護於十方	及他所不逮
勝尊無著訓	捐捨所生冥	總持是法目	勸樂人無底	長永修閑定	仁捨其家業
建立在十方	曉了過解脫	勸樂度彼岸	興法如甘露	奉持是經典	歸於最勝德
天人所尊敬	所施濟第一	諸行度無極	積累多功勲	訓誨無數人	勸悅眾愚等
勇猛而宣德	所修奉章句	至於十方種	終不久戲逸	諦解於六趣	寂勝而覺善
捐離難往來	乃能致本無	隨心之所好	好和安眾人	在此功德行	得殊特名勲
而開化眾人	得行遊正路	所宿止無垢	如月猶無塵	度脫諸天人	居前無所畏
以斯施明眼	所行遊無行	意強多愍愛	名稱普流勝	施殊妙甘露	遊此所當行
天人如赤子	人尊諸所至	勸教眾邪業	疾致得佛道	立於所應住	在十方佛所
永無所破壞	而眾中暢吼	於是造立行	班宣所當說	以化諸天人	所講甚微妙

亦宣至真行 奉修是行業 常樂甘露法
以降伏魔力 仁和安立之 超度衆苦趣
歸至佛正路 所到極善處 棄捐周旋徑
行勇猛方便 成就執持德
佛言若有菩薩學斯定意十方諸佛皆擁護
之以慧照心使得開明不爲陰蓋所見覆蔽
逮得神通所覩無極諸菩薩衆悉共將養使
得成就一生補處衆聲聞黨普來嗟歎欲早
成佛十方蒙度上第七天梵具足王典諸梵
天身自遙護遣諸天衆悉來將順忉利天上

天帝釋王宿命有德識其至心學斯定者遣
諸天人悉下宿衛使行安隱無妄犯者其四
天王身自臨之亦遣官屬護于法師四千里
外令無伺求得其便者令其正法安徐講誦
開化一切生死五趣四輩宗之供養無厭聽
受無倦爲人說經得同學意靡不亘然各得
其所無怨望者雖懷嫉心欲有所亂不能辦
之又是菩薩常自忍辱心懷仁和若向瞋者
不念其惡若有逆人欲來危害不與共諍唯
避捨去不與相見既路相見如不相覩慈念

十方皆降歸佛勿有惡心誹謗法師念法無惡唯愍其人用懷毒心墮于惡趣三塗之難傷之愚惑橫生毒害還自危身猶如樹木風起相指忽然火生還自燒形毒蛇含毒日日增多還自害身鐵生衆垢自喪其形愚闇閉

特一

十六

塞心不開解不念菩薩法師之恩反生害心逆其師父欲危滅之貪妬懷嫉一時自可放心自大不顧大難甚可憐傷諸天龍鬼神虛空天神阿須倫迦留羅真陀羅摩休勒悉往作禮稽首歸命欲見無厭數數奉迎聽受經

典問義受解思惟奉行曾無懈廢諸神愛敬奉事供養尊重道德如孝子與父母別積年彌久飢虛無已諸天神明人與非人愛重至德無窮竟已皆是菩薩精進至心學是三昧慈愍所致故有是德佛告喜王若有菩薩積功累德開化無數百千衆生歡悅踊躍適等無異不以戲笑因斯速得殊特功勲名德遠著十方咨嗟行如須彌安然不動明如日月普曜天下德重如地主生萬物道尊位高生諸道品六度無極菩薩法藏心如虛空而無

所著獨步三界無所罣礙猶如飛鳥飛行虛
空無有足跡猶如蓮華不著塵水十方諸佛
悉念菩薩行斯定意念佛故宣汝等精進勿
得疑惑若有比丘比丘尼優婆塞優婆夷及
諸凡庶九十六術六十二見十七蛸飛蠕動蚊行
喘息人與非人學是三昧若聞歡喜各得如
願然後會當逮是三昧於是頌曰

常光顯佛正法 信根樂第一慧
行如犀無吾我 持是寂妙三昧
得自在覺忍辱 覆三世猶如蓋

化建立無數人 習是慧猶如海
消吾我塵勞厄 說佛道諸滅度
以斷穢化三世 疾修行是寂然
識身命及他人 志存念諸佛道
立重慧一切業 及逮是妙三昧
名開導御本際 常講安滅苦惱
化布施甘露味 奉行斯佛種性
妙至明顯耀辭 稱流布普功祚
在衆中甚巍巍 如月滿秋盛明
諸眷屬財名德 在生死佛所知

其辯才猶水王
法自然無無我
如是周三千世
思惟計三千世
若學歸甘露道
毒不行及刀火
王羅刹不能害
不失財不亡家
若持是四句法
六十二億佛勸

習三昧逮斯功
不久達敷演義
真諦行是三昧
衆生滿如江沙
所獲慧過於此
無蟲蛇無杖畏
以和心精修是
無病憂無罪患
目不盲不重聽
設有學思惟是

若常奉斯總持
若有欲速成道
當學是經典本

精進行此三昧
樂第一勝福田
一切致寂然無

四事品第三

菩薩有四事疾逮斯定何謂四
一曰布施不
懷望想福施一切二曰持戒不犯諸禁以志
大道三曰常抱慈心怨憎親友無有二心四
曰察於三界衆生之類悉我親族未曾外之
是爲四菩薩復有四事疾逮斯定何謂爲四
一曰常行大慈加於衆生二曰常行大悲見

於三塗衆生苦惱之類爲之雨淚欲拔濟之
三曰觀衆迷惑展轉五趣不能自勉顯示正
路志德自然四曰察衆三流往反終始曾無
斷絕身苦心惱故愍念之爲宣罪福生死之
本無爲之限是爲四菩薩復有四事得斯定
意何謂爲四一曰觀衆邪迷六十二見猶豫
沉吟墮於羅網如鳥自投貪一小利不覺自
害二曰九十六種迷惑之徑自造癡冥猶如
飛蛾自投燈火已溺三塗五趣周旋輪轉無
際不能脫身唯有諸佛衆菩薩乃能濟之三

曰外衆蓋業符呪害人菩薩愍之如狂溺水
然後乃悔當何所及四曰如射獵師彈射衆
鳥羅網捕魚積其罪蓋無數億載墮三惡趣
捨身之安而往救之爲宣罪福生死之患示
無爲業或復顯之無上正真各使得安是爲
四菩薩復有四事疾速斯定何謂爲四一曰
作佛形像坐蓮華上若摸畫壁繒帟布上使
端正好令衆歡喜由得道福二曰取是經典
書著竹帛若長妙素令其文字上下齊整三
曰諷誦是經晝夜精進不捨經文使其通利

特一

十九

無一躋礙聽者得解四曰持是三昧諸佛本
末一一分別爲人暢義善開菩薩無上正真
使一切衆咸共諮受不生疑心各得開達是
爲四佛於是頌曰

聞是經樂至德

若有人求此道

善哉學斯四句
八十億人中王
常咸護斯學人
若聞是獲善利
是等成不疑道

故獲致十力種
諸六十妓安住
能諷誦是三昧
以得聽能信樂
等皆見生死元

行佛道得聞是
一切智如觀掌
識念徃百千劫
彼說斯最定意
棄國土作沙門
最後世命向終
若江沙復過是
從其所聞三昧
有佛名無厭寶
彼聞是得德果

樂功勲不懈怠
書寫持是經典
辯才英得至佛
王子月祥得聞
晝夜勤聽受法
便往生他佛國
諸天咸供養德
三劫中成佛道
錠光佛所開化
是故聞勿懈怠

永樂北藏

賢劫經

第四八冊

賢劫經卷第二

持二

西晉三藏竺法護譯

法師品第四

佛語喜王菩薩乃往過去無央數劫不可稱計爾時有佛號辯嚴淨雷音孔如來至真等

持二

正覺彼佛世時有一法師名無量德辯幢英變音曾聞如來說是三昧定學是三昧而分別說用化衆生濟無數億百千諸天人民以度一切有王太子名淨福報衆音聞是三昧心中欣然則百千價妙好之衣以覆法師口

發是言普使三界厄一切衆生皆悉興立得是三昧以是德本見八十億江沙諸佛造立衆行奉平等法在諸佛所聞是三昧皆以班宣悉能堪任奉是定意所生之處常識宿命在於無量德淨佛刹成最正覺淨福報衆音王太子者則今現在西方阿彌陀佛是也其法師教化度脫衆生者則大月如來是也其王太子供養自歸無量德辯幢英變音法師乃能終竟至七萬劫消衆罪蓋用聞說是三昧定故爲其太子除衆僧賓雪諸墨礙敷演

道品在在所生遠無量門總持之行發意一時彈指之頃不離佛法佛言時復有佛號曰面悅離垢月首藏威如來至真等正覺出現在世講是三昧有長者子名曜淨廣心聞說斯法以家之信不貪居業出爲沙門捨七萬姝女寶多若斯有四寶藏及衆珍琦若布積地各遍四十萬有千八百遊觀之處未曾興足妄蹈于地不用繫心棄國捐王行作沙門以作沙門萬六千歲一心經行常修精進未曾廢息初不生心念爲懈怠也除其左右飲

食澡手洗口未常睡眠恒自覺悟亦不極坐竟萬六千歲即時悉受佛所說法諷誦通利音響和雅逮得總持名普入諸聲皆令稽首爲佛作禮六十六姝諸天之衆從其諮受爲之給使身心精進隨時之安不失所當奉事

特二

二

如來今現南方得成正覺名一切德嚴世界曰德淨於彼土地成最正覺爾時世尊說此頌曰

我憶宿命時 無數江沙劫 佛號辯嚴淨
雷音吼如來 有比丘持法 時在師子座

講說是三昧	三太子聞之	好究竟衣被
以供養法師	普見諸佛尊	得佛阿彌陀
其前世有罪	往宿之所犯	聞說斯慧味
皆盡無有餘	有佛離垢月	說是三昧定
長者子聞之	敬尊便出家	於萬六千歲
奉進是三昧	未曾有睡眠	亦不住懈怠
逮斯尊佛道	用聽受聞故	不復還樂家
亦不慕恩愛	見不可計佛	皆從講諮受
悉入諸道業	疾逮成佛道	諸願盡具足
其名悅人意	尋時得佛道	誰不勤是業

於將來之世	聞是慧印已	財業亦無安
出家無所貪	罵詈若槌打	誹謗來加之
各各聞知法	宣布佛所說	遭厄百千惱
能忍姪欲難	觀察塵勞患	自說成佛道
夢中見於佛	自喜我正覺	而樂斯及法
我不疑佛道	倚求音響利	以聞斯經典
自曉喻其心	不久成佛道	聽是至要理
聞若干事業	無復有罣礙	所止如虛空
於是已出家	得無數利養	以用親族穢
生心相誹謗	分厄除患業	依聞而存意

特二

三

反輕易他人 我以成佛道 得遠見成光
供養大聖主 行步自驚喜 謂已得佛道
其有諛諂者 離道甚玄遠 數數懷愁憂
因輕他人故 若有聞此經 則知得佛道
不久成正覺 得見阿彌陀 依倚顛倒者
亦去道迫遠 若有不順本 佛不授彼決
觀斯長者子 施與財寶藏 然後行出家
家家而行乞 從錠光如來 曾聞如斯義
如是像三昧 精勤敬奉行
佛言菩薩行道以大慈悲護於十方及化他

人諸不逮者以六度無極四等四恩六通善
權化衆生類所度無底使長安隱各捨家業
興隆道法爲雨甘露宣傳經典猶如良醫以
藥療衆風寒熱病三合之病悉爲消除心有
四病一曰貪婬二曰瞋恚三曰癡冥四曰吾
我以慧正義刈斯四疾悉消無餘致十種力
四無所畏譬如日出衆冥消滅不知所去以
善權慧振大聖耀照于三界五陰六衰十二
牽連自然爲消不知所趣猶月在冥消夜衆
聞自然爲明菩薩如是以道慧明處生死界

三垢之穢心無所著開化終始無窮之患遠
得三昧無所從生度脫一切猶如大海出諸
珍琦殊異之寶其入採者靡不充備各得盈
滿菩薩如是入大乘海擇取開士玄妙之法
嚴治道場三脫之門周旋三世救濟危厄猶
轉輪王典主四域天下戴仰菩薩如是周流
一切生老病死具四等心化此四病永使無
餘終始朽亡忽然沒盡不知所處譬如船師
度人往反而無窮極以菩薩藏總持之箇數
演深要道法之真極無數劫不以爲勞猶如

二親生養其子至今長大成就爲人菩薩如
是以法權智行大慈悲勸化愚冥使發道心
五戒十善四等四恩六度無極行權方便普
至十方具足十住一生補處無上正真成最
正覺度脫一切溺在生死使心坦然反流達
源猶如種樹漸生根芽莖節枝葉華實結茂
菩薩如是從初發心便得喜意身意休息無
有五陰三塗之患八難之苦備悉六度施戒
忍進禪思智慧無所從生永無所倚悉無衆
計不復觀我人身壽命有無之元在所示現

多所救濟生老病死經存在世六事法住善權隨時導利衆生不使迷惑爲愚癡冥罪蓋所覆淨如虛空不畏衆難殊勝之慧不死之藥以療一切往來之厄猶如長者生子衆多各爲興起十重高閣使諸太子遊戲閣上作衆妓樂以娛上下諸遊觀者世尊^{特二}如是以無蓋慈無極大哀行權方便化導三界衆生之類開示正路十住本末從初發心見者喜悅莫不發意從一住起行菩薩道布施救窮三界之匱貧於道者施以七財以一切智正真

之戒堅住菩薩無極之慧不中取證學仁和意篤信三寶入無極慈立無蓋哀具四等心四等已具成就五通五通已成備悉六度六度已達得柔順忍以逮斯忍名曰第三第三音響忍解一切響本悉空寂三界之音皆虛無實無一真諦已了是義因斯漸入無所從生法忍悉暢三界皆無根本五趣無原了斯慧者乃逮無所從生法忍入諸所生心無所生猶如虛空無憎無愛因便受決以得受決致現在定見十方佛猶如明人其目清徹虛

空無雲夜觀星宿東西南北仰瞻虛空星宿
無限悉知其處菩薩如是得現在定覩於十
方一切諸佛悉知處所名號教訓菩薩弟子
眷屬多少說法所度悉知其數從三昧起爲
人說法行衆空慧其聞所說皆發無上正眞
道意從是積行正領國土教訓衆生見其根
本應病與藥令得服行上中下心而開化之
各使得所猶如聖王有子衆多隨才叙用或
爲太子後立國主典四天下或爲大臣侍其
左右以自衛身或爲使者宣帝王命菩薩如

是教化一切隨上中下而開導之或顯菩薩
無上正眞解眞本際一定之慧有佛無佛相
住如故心不入深不了是教或示緣覺誘進
前之至無窮慧乃達聖明本無二故猶水衆
流會歸于海合爲一味見畏生死三界之患
地獄餓鬼畜生之厄畏苦厭身而求聲聞故
爲宣示生死之難輪轉無際展轉五趣而無
竟已咨嗟讚歎泥洹之快不生不老不病不
死不飢不渴不寒不熱無怨無結不開不閉
無憂無喜無尊無卑不連不斷無往無反無

合無散長離衆難與道通同因詠難易苦安
之路使學無爲稍稍牽前乃至大道猶如四
瀆入海一味無若干別三昧如是至竟窮達
會致一至無上正真無際本淨逮至十住名
曰勇伏所以名曰勇伏者何猶如猛將大軍
之帥將諸兵衆降伏嚴敵靡不折伏菩薩如
是逮勇伏定周旋三界有無之上以道照心
莫不通徹各自歸之咸發道心坐佛樹下降
伏衆魔度脫十方佛爾時頌曰
菩薩行大慈 常自調其心 并化他衆生

所開度常安 賢療風寒熱 菩薩消三毒
日出衆冥盡 道化消牽連 長者十重閣
十住轉進然 如樹漸長茂 初發成道如
愚出爲沙門 心存親里眷 利物負重擔
心樂在家中 不以聞深法 不出家無戒
成就至佛道 持二 是覺無放逸 七 末世若學此
得聞斯經典 以供養利故 求名行誹謗
在前稽首禮 歎言甚善哉 與其別去後
便當說其惡 陽愁而雨淚 自歸念其身
因在衆會中 傳說其惡行 不欲敬奉師

不順長聖命	己身求其勝	亂寂常謂淨
欲毀他功德	自歎歎無限	知尊而懷嫉
妬他得供養	華香及衣被	妓樂幢幡蓋
供養佛舍利	自謂已得佛	若聞斯經典
乃為真供養	捐捨一切樂	常學是要行
用為奉色身	能捨斯陰蓋	當恭敬於經
猶如須菩提	棄忽貪愛命	常習在閑居
勤修是道經	壽在世且盡	今告於喜王
聞斯所行業	自知伏其意	既信奉順行
常誹謗於佛	是言真非真	在於四部眾

還自謂真諦	其貪利養業	不樂佛正道
是等謂見敬	去解脫其遠	其吾大神足
於是現大勢	皆以護禁法	奉行故得道
總持遵戒法	行如愚不及	悉棄於貪利
習寂在閑居	今佛建立斯	佛所說不虛
後將來末世	是經在其所	值光明無量
復見無怒覺	六十二億佛	眾會咸共見
佛悉囑累是	然後護是法	以是經見印
然後共將護	時雨細微華	二千世天人
悉咸咨嗟之	周聞斯法故	

爾時喜王菩薩三萬人俱聞佛所說目為淚
出恭恪竦慄衣毛為豎偏出右臂從座而起
叉手同音白佛我等世尊將來末俗五濁惡
世不輕法師若有不敬欲壞普明一切智者
臨法欲盡少於學識明不能多清白正法垂
欲盡時畏法無常侍二法欲亂時沒其身壽護是
如來一切智典使永弘安獨處專學一心如
犀當受將護如是經像如來至道若干品藏
其有學智諸辯才印曉了無量衆德之本當
勸化之法印印之總持種性降魔官屬解一

切智所行功勲受持是模書著竹帛若在地
獄為一切衆皆忍苦患不以為厭用是三昧
故周旋三界五趣之難不以為倦行四等心
慈悲喜護四恩勸導惠施仁愛利人等利救
濟十方愚冥之輩皆發道意地獄休息餓鬼
飽滿畜生得脫生天人間天人心開樂於道
法五趣心解信敬三寶不貪世榮觀察三界
猶如幻化影響野馬芭蕉見夢水泡沫暢
一切法悉知無真皆發道意欲度十方危厄
之難於是喜王菩薩心中悲喜即說頌曰

我以知是業 從意發道義 不輕如是明
咨嗟於世護 棄捐其身命 求是佛至道
於後恐懼世 持是三昧定 若無央數劫
在於地獄中 樂持是三昧 常當忍是苦
請一切衆生 說法無所冀 布施衆財物
行愍諸羣黎 假使身命肉 骨髓血脉斷
終不行懈怠 後世所生處 習在空閑居
棄一切所有 慈遍衆生類 疾者給醫藥
不當學此業 如反邪之行 當修是真言
從斯經中教 常奉無放逸 隨佛之所誨

衆生故忍之 我等之伴類 獨處若衆中
所宿無所畏 不貪求利養 班宣尊佛道
佛說是經時 七十江河沙等衆生從不可計
諸佛國來者聞是經典皆得不退轉當成無
上正真之道時 萬菩薩皆悉逮得是三昧定
其自要誓當來末世奉事法師以供養之三
十姪諸天人咸已逮立不退轉地當成正覺
六十姪諸天人得法眼淨十八億人及是四
輩諸法眼生三塗之惡皆已滅盡佛演光明
照於十方各江沙等諸佛世界遍無擇獄上

至極界三十三天一切衆生皆得安隱無復
衆患從其光明各自然化生無量寶淨億姪
百千葉蓮華一一蓮華皆如來坐其眷屬衆
諸來衆會亦復如是等無有異是諸佛邊各
有喜王菩薩長跪叉手勸諸如來說是三昧
定是一切佛化無央數不可計會衆生無底
悉令衆人了無邊際無所罣礙至平等覺
法供養品第五

爾時佛告喜王菩薩勿以衣食之施奉事如
來用爲第一也欲供養佛當以法供養而奉

事之所以者何乃往過去無央數劫不可稱
載有佛號金龍決光其壽不可限量國名無
量淨衆會不可稱計有法師名無限量寶音
行在末世最後窮俗學是三昧其餘一切諸
比丘衆皆共擯之時彼法師不懷怯弱不貪
身命故復勤精講斯三昧入於山中服衆果
實時四天王天上諸天人上至二十四阿迦
尼吒天人皆來聽經時無數衆咸共念之心
悉戀慕愁思欲見之欲服聲名聞其法音時
世有王名使衆無憂悅音爲轉輪聖王往詣

特二

十

其所聽是三昧已得聞之歡悅法師王白比丘恣意宣傳勿懷恐懼畏吾自遣人共相宿衛遣三萬人在於左右今與仁此勿以畏難吾當護衛是佛所說甚難得聞時轉輪王遣其千子勇猛傑異一人當千而衛護之三萬衆人皆以甘饌而供養之一切施安從其所使常以和心無傷害意而授所當一切所乏其彼法師建立威神己之力勢於半劫中演是三昧以是德本則悉和同王諸太子及衆眷屬更八十劫見六十億三那術姪諸佛世尊

皆從諸佛逮是三昧如心所願受取佛國喜王欲知彼時法師豈異人乎莫造斯觀則今現在阿彌陀佛是也其時國王名無憂悅音者阿閼佛是也其王千子颺陀劫中千佛興者是也佛言喜王爾時三萬人王使宿衛彼法師者今喜王等菩薩三萬人是也彼時種德於此如願獲其果報致安順恭是三昧定諸菩薩業是故喜王菩薩欲學逮是三昧當以恭敬受持書誦分別說之至意奉行佛爾時說是頌曰

欲施一切安衆生 具足諸藏滿億千
其有發心存尊道 斯功德福不可喻
假使十方衆生類 皆令成就緣覺道
一劫之中備供養 其福不比發道心
皆使衆生成佛道 隨其所安供一劫
其有發心在尊道 斯福甚多不可喻
若有志求諸佛法 而不發起興道意
不如取是四句頌 其福如順護道心
正使是世衆生類 皆建立之存佛道
若聞是句而稽受 心不恐懼其福超

億百千劫如江沙 一切珍寶滿諸刹
常以供施衆菩薩 護一頌偈是殊特
是三昧者不可議 若能受護四句頌
其以護道佛功德 一切盡歎不能竟
臨命終時無數佛 悉自然現在其前
十方佛土諸佛尊 將護四句之頌起
臨壽終時無數佛 來護其心不忽忘
隨其所欲受所生 用以書是三昧故
身常求安心以和 往至天上賢聖安
不知苦痛至佛道 而勸助之名勇猛

入億百千無量門 最勝光藏明無限
我住勢力班宣斯 當勤修是三昧定
諸佛於此能班宣 是故由斯奉精進
曼佛現在勤修行 無得後世復懷恨
便見是法執在手 清和奉行甚清淨
十二
皆是我子化無際 承佛前後行慈仁
爾時世尊說是三昧已以是三昧而復正受
喜王菩薩亦三昧定選擇因入七十正法適
選擇竟是三昧威神於時維耶離城中八萬
四千人城外亦復八萬四千人各心念言如

來至真甚難得值久遠世時乃有佛耳希可
見聞多所哀念多所安隱愍傷諸天及十方
人今在靜室而三昧定我等方便勸助如來
從三昧起於時維耶離城中內外衆人各各
八萬四千先詣舍利弗謂舍利弗佛興希有
信者甚難人命難得平等正覺三昧正受唯
爲我等能覺興乎使最正覺從三昧起惟見
愍念施一切護時舍利弗聞維耶離衆人所
說即從座起往詣佛所住於佛前罄揚其音
極力彈指手拍兩膝欲使如來從三昧覺因

其正受不知如來三昧所如時舍利弗詣目連所以是本末語目連曰維耶離城內外衆人欲願如來從三昧起時目連連以力神足動三千大千世界住於梵天暢其大音欲使如來從三昧覺不能使起時舍利弗及大目犍連共詣賢者阿若拘倫及波提波破大稱

時二

十三

欲界中不可限計諸天人等各各嚴駕皆詣佛所稽首佛足退住一面各自叉手咸歸命佛愁感戀慕梵天光音天清淨天離界天乃至淨身天不可計數諸天子等一切同心稽首歸佛欲令尊興

諸度無極品第六

爾時喜王菩薩燕坐七日無他異念七日已後試自思惟從燕坐起往詣高座稽首禮佛及謁一切現諸化佛并衆菩薩則住佛前叉手禮座於時世尊寂然庠序從三昧起普觀

衆會以觀衆會默然而住稽首自歸時喜王菩薩前白佛言道法玄妙不可攀逮無上正真不可譬喻一切菩薩比丘聖衆諸尊神天皆來集會一切渴仰飢虛於法會來甚久時以欲過願有所問若見聽者乃敢發言佛告喜王在所樂問狐疑衆結如來悉當分別說之令心解脫無餘罣礙喜王菩薩復白佛言唯然世尊我向在斯獨處燕坐心自念言斯諸菩薩積功累德習志調心好慕佛道諸度無極植衆善本以求至真或有菩薩爲衆生

故行度無極以成佛道或以諸菩薩故行度無極或以生死衆漏之故行度無極或以無漏行度無極合集此已隨其所志行度無極長益菩薩而成正覺如是弘普以是因緣初中至竟習法典目諦受興發諸菩薩衆善權特二方便顯隆道法惟說其意時世尊倍加咨嗟喜王菩薩言善哉善哉喜王菩薩乃能發意諮問如來如是異義殊特之慧仁以昔曾供養過去百千億佛之所致佛言諦聽善思念之喜王菩薩與諸大衆受教而聽佛言菩薩十四

有六事業習進行法修度無極有六事光曜
度無極亦有六事世度無極亦有六事爲衆
生故行度無極亦有六事住度無極亦有六
事生死度無極亦有六事有所著度無極亦
有六事益他人度無極亦有六事處所度無
極亦有六事道度無極亦有六事慧度無極
亦有六事已修立行度無極亦有六事有逮
得度無極亦有六事有念度無極亦有六事
有離三世度無極亦有六事造有所作業度
無極亦有六事休息道度無極亦有六事有

不置遠度無極亦有六事有應順度無極亦
有六事有造作度無極亦有六事有無作度
無極有意度無極有勤修度無極有正真度
無極有行捷疾度無極有深奧度無極有雜
度無極有清淨度無極有無際度無極有信
道度無極有爲衆生^{特二}厄故行度無極有法故
度無極有寂樂度無極有樂觀寂度無極有
一切所入度無極有說處度無極有無害度
無極有無敗度無極有貧度無極有不迴還
度無極有迴轉度無極有嚴淨度無極有堅

彊度無極有興盛度無極有充滿度無極有
爲世度無極有度世度無極有無上度無極
有不亂度無極有無怨度無極有怨敵度無
極有攝持度無極有無攝度無極有報應度
無極有無報度無極有自然度無極有無所
有度無極有廣普度無極有華度無極有無
量度無極有慕求度無極有所猷度無極有
妙樂度無極有無樂度無極有樂聞持度無
極有生死長度無極有無斷度無極有樂純
淑度無極有禪度無極有神通度無極有世

巧便度無極有慈愍護度無極有行哀度無
極有歡喜度無極有勸護度無極有勸邪見
度無極有勸正見度無極有勸住見度無極
有勸無住度無極有勸無倚度無極有勸意
度無極有忍度無極有造業度無極有無造
業度無極有有餘度無極有無餘度無極有
佛興盛度無極有明度無極有持住明度無
極有佛興成就度無極有意不忽度無極有
佛興立家度無極有出家來度無極有愍哀
博聞來度無極有出家不斷戒度無極有住

神通度無極有神通意不斷度無極有入欲
度無極有盜度無極有應進度無極有衆報
度無極有無報度無極有無樂度無極有時
進度無極有光明度無極有無量光度無極
有報安光度無極有不迴還度無極有娛樂
度無極有鮮潔度無極有成世法度無極有
淨世度無極有成種度無極有成眷屬度無
極有不壞眷屬度無極有除塵來淨度無極
有觀土度無極有宣誓度無極有無逸度無
極有周旋度無極有滅度度無極有豪貴度

特二

十六

無極有理眷屬度無極有無所忘失度無極
有三十二相度無極有順時度無極有知時
度無極有分別度無極有順世度無極有邊
際度無極有蠲除度無極有金剛度無極有
造救度無極有自然度無極有伏魔度無極
有無退度無極有一時度無極有無所著度
無極有三昧度無極有訓誨度無極有佛道
度無極有一切智度無極有無餘度無極有
有餘度無極有可止度無極有諸佛度無極
有方便度無極有愁感度無極有真陀度無

極有異度無極有四意斷度無極有四神足
度無極有四禪度無極有四意止度無極有
四諦度無極有信根精進根意根智慧根定
根度無極有信力精進力意力定力智慧力
度無極有七覺意度無極有八品道行度無
極有寂然度無極有所觀度無極有樂明度
無極有來解脫度無極有比丘聖衆度無極
有八部會度無極有歸解度無極有分別度
無極有別度無極有繫解法度無極有分別
順理度無極有辯才度無極有無厭度無極

特二

十七

有六度度無極有眼耳鼻口身心度無極有
愍他勸助度無極有愍己度無極有法度無
極有宜度無極有剖判度無極有勸樂度無
極有三脫門度無極有異行度無極有解他
度無極有勤用意度無極有十種力度無極
有四無所畏度無極有大哀度無極有五眼
肉眼天眼慧眼法眼佛眼度無極有自在度
無極有娛樂度無極有難得自歸度無極有
十八不共諸佛之法度無極有曉了方便度
無極有純淑度無極有自然度無極有三界

行度無極有觀清白行度無極有法種度無極有八等度無極有道迹往來不還無著度無極有緣覺度無極有菩薩度無極有盡慧度無極有無所生慧度無極有建立慧度無極有天眼天耳心知自在見過世事知他心念神足漏盡六通度無極有威儀度無極有慈傷度無極有行空度無極有捐捨度無極有滅度無極有變化度無極有流布法教度無極有分舍利度無極是諸比丘菩薩所行二千一百寂然度無極菩薩大士若逮解是

皆致得一切諸法殊特玄妙無際之行無等無倫懷來聖哲無所恃仰消一切塵無所至湊斷諸狐疑是二千一百其中別一百度無極主除四大去六衰令無有餘獨步三界往來周旋遍入三世猶如日月不畏衆冥成就萬物百穀草木仰天之茂皆因地生菩薩如是二千一百諸度無極及是百度無極其二千一百諸度無極貪姪怒癡等分四事各二千一百合八千四百八千四百各別有十事合八萬四千以能具足是度無極便已備悉

特二

十八

八萬四千衆要上業八萬四千諸總持門自
 然達矣便通諸佛五百聖功品第各別以娛
 樂化一切衆生曉成一切所行境界隨時發
 起靡不濟安至無極慧本際法身
 賢劫經卷第二

音釋

璠	匱	琦
詰定切 盡也	求位切 乏也	渠羈切 璚也
燭	竦	蹈
古玄切 潔也	竦慄切 慄力也	徒到切 踐也
湊	摠	撾
倉奏切 會聚也	摠懼切 懼也	陟瓜切 擊也
	籩	篋
	必乃切 斥也	告協切 箱屬

永樂北藏

賢劫經

第四八冊

賢劫經卷第三

侍三

西晉三藏竺法護譯

習行品第七

時喜王菩薩復白佛言我聞世尊粗舉目要諸佛境界本性不敏不能尋了義之所歸唯願大聖垂意愍念善哉之德當廣歎演斯經要典使一切解多所哀念多所安隱愍傷諸天及十方人復爲重敷佛告喜王菩薩諦聽諦聽善思念之今當爲汝一切比丘諸菩薩等重解敷之喜王菩薩與諸大衆受教而聽

佛言何謂修習行法度無極有六事從古以來未曾發意則發平等至真菩薩心在於過去平等覺所及於衆生布施持戒忍辱精進一心智慧志樂佛道心願至真未曾忽忘是謂修治習行而度無極是爲六

何謂光曜度無極有六事發顯明智道心之法已自察戒發菩薩心始從施起戒忍精進一心智慧是謂光曜度無極

何謂世度無極有六事所供養佛興功立德皆爲衆生六度亦然拘制六情志慕六通達

往業進大道是世度無極

何謂爲衆生故行度無極有六事若以布施攝於衆生心自念言使諸衆生常獲安隱亦復勸人入於佛道六度無極亦復如是以戒安之以若如空忍辱之法而度脫之精進濟之以一心攝護於衆生自投顛倒想逮智慧勸助於道欲安衆生求成正覺欲度衆生是謂爲衆生故行度無極有六事

何謂住度無極有六事若以堅固建立志願道心清和而無諍訟是施度無極所立遊土

勸無想戒志存道法不求望報是戒度無極住於道法忍一切苦堅住道要是忍度無極所立正行無央數劫不廢精進至一切智是精進度無極修奉一心志求法想欲成佛道是禪度無極住於道義暢一切法審如至真

特三

成最正覺心無有異不抱妄想是智度無極是住度無極六事

何謂生死度無極有六事所施無量而不可盡至德佛道周旋生死所在之處致大財富是施度無極以勸終始諸惱之患悉蒙福慶

具足壽命不可限量在生死中而不中天是
戒度無極若得他對而心不起是謂忍辱不
可計劫不厭禪定奉行善本是曰精進以所
生緣禪定正受是名曰禪若以不捨諸度無
極勸助佛道一切諸業建立技術從其智慧
皆令得所是爲智慧是在生死六度無極
何謂有所著六度無極有六事所欲立道衆
善德勲皆以勸化衆生之類是曰布施如師
子猶如聖王有八萬四千諸宮姝女姝女不
逮立佛道者終不與俱使歸三寶消除三百

衆塵勞如一疾致道術以是戒禁慈勸衆生
衆曰持戒戒之所度爲去塵勞順從他心不
是穢塵是爲忍辱精進所著何謂精進所度
以極去所著故故行精進恐怖於人如明王
無度知施業因而安之用所著故而行精進
持三
何謂爲禪有著之故行禪定耳以見吾我便
三
攝息之是謂禪定何謂所著之故行智度無
極若智度無極而不可盡慙傷光暉樂得聖
慧勸助道德是曰智慧是曰有所著六度無
極

何謂益他人度無極六事以樂德勲開化衆生是爲布施依倚慈心不懷傷害是曰持戒所治正法悉能忍之而不穢厭是曰忍辱若爲彼人勤修至行欲濟危厄悉得永安是曰精進若有以法心懷思惟積德清淨是曰禪定以斯因緣充滿飽足一切衆生顯揚道意是曰智慧是曰益他人六度無極何謂處所度無極六事以棄顛倒布施所作不望其報是曰施與所有財業因依戒禁用衆生故習於忍辱精進一切已身所住思惟

經典修行寂然而在憺怕住於其內是曰智慧是六處所度無極何謂道度無極六事若能習行無所從生法忍靡不堪任是曰布施若以不得身口心際是曰戒矣而以於法真諦修順悉無所諍是曰忍辱若身口心不住反逆不思雜碎勤修不懈是曰精進設奉行法心以精專志無所著好一切智所了如審是曰一心解三界空如幻化夢道無三世去來今也拔濟塵勞是曰智慧斯是佛道六度無極

佛告喜王何謂慧度無極若不毀斷善權方便開化衆生以慧濟之是曰布施若以造作五百頌偈棄捐九十六徑消衆苦惱奉遵正見超至善處永安之土是曰戒矣若除苦患慧室寂然默於姪欲勤修精進展轉相教以道相度是曰忍辱奉行自制如是所有國土特三人民象馬車乘欲恬怕已識求苦元了無根本是曰精進念已愍彼則致弘安猶如莖篲然後會寂其心堅固亦如師子鹿獸之王復若導師度衆賈人是曰精進若興一心色無

所生發聲聞法起緣覺法在於其業而不滅度是曰一心若以於法無有衆生無我無人四不有壽命猶如六事修道念法出家行學刈去十惡是曰智慧是慧度無極六事何謂爲己修立行智度無極有六事若有大財勸於己身及愍衆生救助惠之是曰布施設在天上及在人間來致安隱自然飲食是曰持戒若逮忍辱忻豫寂然顏色第一猶如蓮華至高豪貴無極之報是曰忍辱既行佛道不仰他人雖奉遵修身自獨立是曰精進

若受禪定常若劫毀劫成之時來到此國是
曰一心雖處世間懷誠信行護身口心是曰
智慧是曰爲己勤修六度無極

何謂逮得度無極有六事若了布施致大財
富以是所施逮得佛道勸助一切是曰布施

心無所著寂靜恬怕而不起想以是持戒勸

特三

五

濟衆生是曰持戒其不誹謗法無傷害心至
成佛道未曾有恨是曰忍辱設奉精進不抱
惱熱夙夜修行是曰精進身遵至教一切無
犯逮得三昧是曰一心心若奉行一切諸法

靡所不了達一切無是曰智慧是曰逮得度
無極六事

何謂念度無極有六事若得奉修布施之德
以勸助道濟度衆生是曰布施其身口心所
獲功祚戒禁之報以施合道是曰持戒設受
諸法合集在會所顯審如是曰忍辱設無所
決方便奉行彼此有慧精進無礙是曰精進
若發禪思所斷瑞應諮受大德是曰一心智
越彼岸聖超在頂以授道決將養其意所將
養者守護心行班宣道法是曰智慧是曰菩

薩念度無極

何謂離世度無極有六事若以方便斷諸有爲勸至無爲道果之德是曰布施若求禁戒慕道法義心不邪想是曰持戒若了無常苦空非身解內外法好斯法樂是曰忍辱其以精進無傷害意奉遵彼願往古之義心無所著是曰精進設以禪定不捨至觀以是之故滅除塵勞是曰一心假使不亂十二緣起攝權方便不遠塵勞從其衆人心懷所好隨時開化是曰智慧是爲六

何謂造有所作業度無極有六事以所施業四恩之祚加於衆生是曰布施若用禁戒爲無央數衆生之類皆令蒙恩而得濟度是曰持戒猶若飛鳥禽獸品類新生之時墮著火中菩薩見之滅火脫難彼適見安救施恩義

特三

六

因發道心是曰忍辱設復開化教訓無數國土黎庶隨時降衆若在八難造立忍辱假使截頭遭衆苦惱悉以忍之一切諸厄心不起恨是亦忍辱設有所見以四恩行有所加益隨時精進奉遵大慈無蓋大哀以化衆生不

可稱計以爲元首勸助一切斯心所行可見
所苦導利三界以蒙普覆是曰精進若未修
行智慧之元而以精勤一切諸法無所違失
有見解空了三脫門是曰一心若志一心衆
善德法而不忽忘使無衆想悉入佛道從其
所依因教訓之至於無相不願脫門是曰智
慧是爲六

何謂休息道度無極有六事若斯吉祥意所
好樂世俗之業以所布施入於正見合集功
祚勸助衆生是曰布施其心休息志信道慧

以所施與正語正命正業正方便是曰持戒
菩薩所作休息道者戒之所度其於無所從
生法忍不望想報是曰忍辱心不可得身復
精進而無所倚是曰精進捐去顛倒定意不
亂專精攝意令無放逸是曰一心若攝無想
執智慧聖度脫危厄衆惱之患是曰智慧奉
行正見正意興發一道乃不退轉是曰智慧
休息道度無極六事

何謂不置遠而度無極有六事若施一切以
權方便而發道心是曰布施心無所害無倒

爲道至長安隱所到無患若有菩薩從兜術
天具足來下動大千世界得淨深土是曰持
戒若以忍辱而爲懷來興建立道超世八法
是曰忍辱精進勸慈加於衆生是曰精進若
致一切正受禪定而無放逸受四等心是曰
一心以智慧度無極願行勸助成一切法方
便之宜靡不周濟是曰智慧是爲六
何謂應順度無極有六事若成明施與同心
俱而無異念是曰布施若以禁戒勸令離欲
無穢之行清淨猶水是曰持戒若以和心勸

化衆生使無恨恚是曰忍辱設以勤修方便
寂然是曰精進其用柔和醫藥法書能動天
地若以禪思消滅諸見六十二疑遊於塵勞
而無所畏是曰一心若以智度動於天地學
問書疏慧通大哀曉解善惡苦樂所趣依仰
恃怙於一切智開士由是見無所畏是曰智
慧是爲六

何謂造作度無極有六事旣自布施教他使
施復勸他人以惠衆生愍哀護之是曰布施
用衆生故常依慈心而不放逸斷衆惡業是

曰持戒其以將護柔和恩潤不起瞋恨是曰
忍辱設令功德善本至要興隆道化濟諸不
逮是曰精進其以禪思無常苦空非身之義
悉解是事不墮四倒是曰一心若以智度令
衆善本而不漏失建立現在消諸不善以權
方便多所開化度脫一切是曰智慧是爲六
何謂無作度無極有六事若以五欲功勲之
德教授衆生是曰布施設以將護無數衆人
用斯品次奉佛法戒護所生處是曰持戒以
是寂滅愛欲塵勞訓誨衆生使其殊特是曰

特三

八

忍辱在於世俗遊於無窮戲樂自在以斯眷
屬開化衆生是曰精進設以禪定志護覺意
無所不達是曰一心若信智慧覺無極明以
斯智慧度脫一切是曰智慧是爲六
何謂爲意度無極有六事若離勸助而不相
報是曰布施所奉禁戒無所毀犯勸助佛道
是曰持戒所修平等而行柔輒是曰忍辱勤
修不懈進退制已是曰精進若能奉行捨諸
放逸不懷憤亂是曰一心若有所聞聖明之
德以勸助道是曰智慧是爲六

何謂勤修度無極有六事一切所有無所愛惜而能放捨猶入大海致諸財寶以濟衆生是曰布施若護禁戒目離所瞻不著名色是曰持戒有懷毒意而欲加害乃至截頭節節支解心不懷恨是曰忍辱若能越度一切論議其心寬弘猶如大海一時枯竭恣意得過是曰精進若在中宮愛欲之中不失四禪是曰一心設能觀察一切萬物猶如幻化勤無所得深入微妙不失聖明是曰智慧是爲六何謂正真度無極有六事有所施與捨衆生

礙無所希求是曰布施奉修微妙不違禁法不棄聖義既有所施釋衆放逸離諸惡趣能建立志是曰持戒能忍一切不諍善法常抱仁慈是曰忍辱普於精學而不怯弱是曰精進若於禪思能自勤修入於三昧殊特之業調護其心乃至所願如大善見轉輪聖王雖在國土消除貪想瞋恚害想慈念衆生是爲一心而於聖明普無所著盡觀大哀無傷害心是曰智慧是爲六何謂行捷疾度無極有六事住無所逮而造

福施其心坦然而無所歸是曰布施若奉禁
戒不求產業無所想念是曰持戒遵一切法
不墮顛倒隨時行仁是曰忍辱從其所樂終
不迴轉日日勤修乃至成就是曰精進若執
智慧禪思無極是曰一心若有菩薩在於聲
聞行無餘慧於緣覺地慧至無餘不墮於欲
及凡夫中亦無缺漏欲有勸度故在其中悉
無所著是曰智慧是爲六

何謂深奧度無極有六事若有所施不念我
得施於一切是曰布施所持禁戒以順衆生

不倚生死斯則聖明之所教法是曰持戒棄
邪見法初發大慈建立仁和以是深戒用忍
無極遵解無我^{持三}不懷妄想無所榮冀亦無不
冀亦非不冀是曰無冀名曰忍辱在邪見法
立勤修行而於三界悉無所著不念滅度是
曰精進有在外學諸邪見業所行平等正真^十
之道是曰一心處於智慧修正真法而不惑
亂所在遊至而無罣礙其心寂然常無放逸
是曰智慧是爲六

何謂雜度無極有六事設有所施若干種味

品品各異可受者意殖若干福不自貪身復
爲班宣若干章句若取佛土具足所願是曰
布施建立禁戒嚴淨佛土不違所誓是曰持
戒若彼佛土所有衆生諸穢薄少心無瞋害
以是勸助是曰忍辱若能獨步聲聞緣覺及
菩薩衆是曰精進設諸衆會姪怒癡盛身處
其中而心不亂是曰一心其以智慧執權方
便在所遊入未曾虛妄無所依仰講深妙法
是曰智慧是爲六
何謂清淨度無極有六事若以己心自淨佛

土無有瑕穢是曰布施設能恭敬一切衆會
不被輕慢是曰持戒設能平等成就佛土平
如手掌細軟柔和猶如天衣若干種寶雜廁
其地而無放逸是曰忍辱若以周旋不可計
會一切國土莫不恭敬猶如渴仰是曰精進
若以相好悉能成就光明遠照去心穢病消
衆塵勞是曰一心若解衆生猶如幻化而爲
說法下及禽獸而不忘捨是曰智慧是爲六
無際品第八

佛告喜王菩薩何謂無際度無極有六事若

見衆人心懷陰蓋先布施已却爲說法而開
化之是曰布施若抱塵勞訓誨消除令無有
餘是曰持戒若世愚人迷起人想不懷怯弱
心無所畏爲分別說令無邊際是曰忍辱若
設方便去罣礙慧令無暗翳是曰精進住無
我忍棄衆邪業禪定不亂是曰一心若以智
慧成就辯才所入平等而說無邊一切禪定
定意脫門正受無所毀害是曰智慧是爲六
何謂信道度無極有六事若能決了所可布
施勸助道法是曰布施若察禁戒而無缺漏

所行具足是曰持戒住在四禪奉行空事消
所著想是曰忍辱若住空法行等方便身口
心行而無所犯是曰精進若修禪定於內於
外而無所著是曰一心以智慧無極住十二
緣不亂諸法順從聖明是曰智慧是爲六
何謂爲衆生厄故度無極有六事若行慈心
以爲元首志懷悅豫淨三境界是曰布施若
心專精清淨無垢是曰持戒若除地獄堪任
衆苦能制其意是曰忍辱若攝四等惠施仁
愛利人等利隨時方便救護危厄是曰精進

現阿須倫修行清淨身自往現安護衆生奉
無怒法救護他人是曰一心若意清淨所念
具足住於安諦開化衆生微爲分別不猷說
法消化塵勞是曰智慧是爲六

何謂法故度無極有六事若能逮得十八不

特三

十二

共諸佛之法是曰布施樂於經典建立至願
成就脫門護身口心是曰持戒若興大哀去
於小慈爲衆生故常懷柔輒是曰忍辱若四
神足輕舉能飛常行方便而爲元首是曰精
進住四意止禪定爲本究暢備悉四分別辯

是曰一心識試文字逮致總持所敷演法入
一切音攝四無畏宣不退轉是曰智慧是爲
六

何謂寂樂度無極有六事若布施時能攝其
心已攝其心願在獨處必能勸助是曰布施
以能拔去諸五陰蓋悉令清徹是曰持戒所
生之處解無常苦空制衆想著慕樂仁和是
曰忍辱若求於空無相無願至寂然法是曰
精進若以禪思消滅衆塵受是定意不捨覺
意是曰一心若以智慧樂於寂然恬怕光明

得八解門爲他人說不隨聲聞緣覺之地是
曰智慧是爲六

何謂樂觀寂度無極有六事若無妄想不計
有人是曰布施察於往古及當來事心自思
惟常所周旋悉識念之獲無所得是曰持戒

特三

十三

若心在罪等一切法觀往衆生壽命人想而
悉分別是曰忍辱堪任所觀普興發禪永無
所倚合集修行善權方便是曰一心若不見
欲棄諸瑕疵於瑕疵法無所犯負不失道意
無漏清淨棄捨無哀自調心意并化衆生在

於本地而不動轉是曰智慧是爲六

何謂一切所入度無極有六事一切諸法無
有與者而自逮得以是勸助救諸窮匱是曰
布施若以大哀勸助衆生而安立之常具聖
慧本無懷恨報應悅豫是曰持戒若能懷來
不退轉法執持堅固而不舒緩是曰忍辱若
信元首執持智慧設計方便是曰精進若以
禪定究暢成就療治無數一切黎庶而無危
害順從不雜是曰一心若以智慧住種性法
篤信精進其念及定所住無疑不計有命執

權方便其處世間學與不學及緣覺慧若成無上正真道法成一切智是曰智慧是爲六何謂說處度無極有六事若有所施無有二心常喜平等而無偏黨是曰布施若有文飾想於戒法諛諂犯禁解是妄想心無所著化諸犯者是曰持戒若倒住忍而不順從說是處所而有報應是曰忍辱精進求報所有方便棄於處所是曰精進若復棄捐一切所有在於所有而無所有是曰一心若以常觀諛諂諸報無益之業見其處所解無處所是曰

智慧是爲六

何謂無害度無極有六事若施衆祐及與凡夫等心無異是曰布施所奉禁法而無所著欲濟衆生是曰持戒不懷危害越世八法堪任本際是曰忍辱若能覺了魔所建立篤信勤修消諸罣礙是曰精進定無所毀入無罣礙道德之門逮平等果是曰一心若以智慧周旋往返一切世俗度世之法而無所損是曰智慧是爲六

何謂無敗度無極有六事志性專和不存在

色而順其理若以法施及衣食施是曰布施
雖奉禁戒其心質朴無有諛諂是曰持戒心
如虛空舍和而成是曰忍辱所修勤力一切
所說不用財業所宣妄言是曰精進其所禪
思永無所著是曰一心其奉聖達順其文字
以益他人是曰智慧是爲六

何謂貧度無極有六事若除色像所興立德
以法布施若衣食施是曰布施性不雜碎所
奉無諂順其禁法是曰持戒所遵仁和猶如
虛空無增減心是曰忍辱若在窮厄志存衣

食寂滅身心是曰精進若生梵天而爲講說
禪定之業勸助道德是曰一心豐於智慧而
在衆塵財業甚多放逸之中所在覺穢而不
捨遠不患厭之是曰智慧是爲六

何謂不迴還度無極有六事若有所施不著

寺三

十五

聲聞及緣覺法道不退轉是曰布施雖不迴
還不毀禁戒乃成佛道是曰持戒越諸聲聞
及緣覺地不中墮落而取滅度是曰忍辱若
以精進執權方便無所違失至一切智是曰
精進菩薩若在一切五樂能以方便禪思一

心滅衆塵勞。遵承智慧是曰一心。若執智慧化諸凡夫。沙門梵志。上至聲聞。及於緣覺。度世正見。建立大哀。是曰智慧。是爲六。

何謂迴轉度。無極有六事。若有所施。不志滅度。不厭習俗。是曰布施。若學禁戒。所聞甚少。不能廣博。是曰持戒。若習仁慈。不能遠離。住於瑕穢。瞋恨之地。是曰忍辱。若以勤修。志在榮樂。不能制限。是曰精進。若學禪思。在外忍辱。不計吾我。是曰一心。所志智慧。度於世業。不能自拔。是曰智慧。是爲六。

何謂嚴淨度。無極有六事。而有所施。不望其報。福加一切。是曰布施。所遵禁法。而無懈怠。恒奉勤修。是曰持戒。又以仁和。心無所倚。精進合道。是曰忍辱。捨我及彼。而無有異。是曰精進。若以禪定。不計所有。不造因緣。強而有勢。是曰一心。若分別解。一切陰蓋。不以疲勞。是曰智慧。是爲六。

何謂堅强度。無極有六事。魔所化現。不能動搖。毀其寂靜。菩薩所施。心無所生。一切所有。皆能放捨。是曰布施。若以禁戒。有所羨樂。不

著吉良不擇時節唯勸助道是曰持戒所懷
柔輒無能毀者消害衆結是曰忍辱若興精
勤不以爲患不厭土地所周教化是曰精進
若以禪思爲一切故而廣勸化正受自在遊
居無礙是曰一心若聖明法思惟忍辱一切

所行而不荒亂是曰智慧是爲六

特三

十六

何謂興盛度無極有六事若有所施不墮顛
倒住中正法是曰布施所執禁法永無所思
以是熾盛是曰持戒以仁和心而無所著棄
諸危害因緣之業是曰忍辱若於吾我諍訟

家業斷諸苦患滅衆所著身之塵勞永以滅
盡順從空教是曰精進設厭無常了於十二
牽連之義心性堅住是曰一心若捨智慧及
與無明永無有二是曰智慧是爲六

何謂充滿度無極有六事若有所興勸至解
脫不慕生死是曰布施奉持謹慎不忘他人
又菩薩心以念戒時終不建立聲聞緣覺怯
弱之法是曰持戒若以仁和嚴淨成就無數
佛國滅於三事志願教化是曰忍辱其用精
進常不懈倦心進至義是曰精進反覆解義

心寂不亂。是曰一心。設以聖明攝三脫門。不中取證。是曰智慧。是爲六。

何謂爲世度無極有六事。其有所施。心遊存俗。不勸於道。是曰布施。若以放逸不能謹慎。常猶豫行不能直進。是曰持戒。若合道力強。

特三

十七

欲自制堪任而耐。是曰忍辱。常以勤修習世俗法。是曰精進。其心有願所生之處而無二念。是曰一心。若以俗智開化教人。不出于世。是曰智慧。是爲六。

何謂度世度無極有六事。若以教施及衣食。

施宣解道意。用是道。故坐於樹下而自宣曰。快哉福之報。所願必如志。疾至最寂然。乃歸趣滅度。

是曰布施。入於聲聞緣覺精進。弘護消除諸罣礙處。是曰持戒。若無漏法常奉仁和。是曰忍辱。若以逮得無所從。生法乃坐佛樹訓誨衆生。是曰精進。若有菩薩平等三昧諸根具足。聖慧成就是曰一心。若以專心行道正法。無怨害心。無聲聞意。及緣覺行。歸一切智。是曰智慧。是爲六。

何謂無上度無極有六事若信無數清淨佛土愍念衆生而以不斷不可計劫而欲度脫是曰布施住於法想棄三惡趣取淨佛土是曰持戒若成佛道皆令衆會紫磨金色分別章句是曰忍辱若習等施猶如無怒佛爲菩薩時奉進至眞是曰精進若處家中奉於四禪不失定意若在中宮嫫女之間佛土清淨少欲塵勞衆會報應是曰一心若攝佛國壽不可計嚴淨無限有在衆中辯才無量是曰智慧是爲六

何謂不亂度無極有六事若有所施勸助應法疾得神通是曰布施所奉禁戒而不毀斷賢聖之法成就至道備菩薩地是曰持戒若能蠲除一切非法奉功勲法是曰忍辱若能厭世奉具足典諸佛所說善惡之義而悉信持三十八念是曰精進若住禪定智度無極而住愛欲觀察經道覺而不捨亦無所著是曰一心曉了菩薩道法根源是非瑕疵而悉分別是曰智慧是爲六

何謂無怨度無極有六事有所住處常能將

護令無有失是曰布施而不還墮聲聞緣覺
不中取證是曰持戒若斷吾我不計有身是
我所者除於結礙因緣之事是曰忍辱遠離
世俗第一愚惑歸於智慧順從方便是曰精
進其刈諸見聞念諸法得志永寂是曰一心
若消狐疑智慧平等遵無想行一心在道一
切智尊是曰智慧是爲六
何謂怨敵度無極有六事若有所施冀求望
報而與衆生心懷怨恨至於法寶是曰布施
若斷三惱勤苦之趣志願兜術乃至滅度是

曰持戒與諸菩薩真正衆生而懷怨恨是曰
忍辱若遵仁和多所開化非時勸助因其勤
修積化無數如觀世音菩薩所願有所度脫
倚於恩愛而自調習令成其道是曰精進若
說無礙成三昧定菩薩正受使一切人普得
安隱是曰一心若爲己身求於智慧道德根
源究竟道義自在正覺不解若干所好義者
是曰智慧是爲六
何謂攝持度無極有六事若勸所願攝持功
德是曰布施若興發戒執取衆生療治至義

特三

十九

是曰持戒若能建立攝取仁和是曰忍辱若以時節奉行勤修不中懈廢是曰精進隨時禪定勸化無數百千衆生是曰一心若以聖智消諸蔽礙而無所著是曰智慧是爲六何謂無所攝持度無極有六事若以所施逮得辯才所可遭遇不以增減已身建立若干品類是曰布施不樂家居慕菩薩法是曰持戒若能堪任深要之法而不疑結是曰忍辱專精究暢不依仰人是曰精進若以禪思了奉空事思惟人本遵承道法念無所生是曰

一心若遭義理及更滅度所學經典入三昧定消滅罪福是曰智慧是爲六何謂報應度無極有六事若能備悉所作布施不令缺漏究暢福慶是曰布施若能勤修重將其身具足所應是曰持戒其仁和行在所說事究竟成義是曰忍辱勤修所行一切吉利無所違失是曰精進其以禪定識於往古前世所處以慧證明是曰一心其成聖智班宣至誠靡所不通是曰智慧是爲六何謂無報度無極有六事若有所施建立勤

若見諸患難輒能覺了不念獲致無所希望
是曰布施若於中處致百千蓋建立滅度在
於種性不住顛倒是曰持戒若有所修不得
身口及心念行舍和柔順是曰忍辱所行寂
然無有妄想是曰精進若以禪思住寂滅地
不生想念是曰一心慧眼所觀不以滅盡歸
無所歸是曰智慧是爲六
持三
二十

行二法無有因緣是曰精進其在禪定不著
內外亦無中間是曰一心有所觀察永不分
別一切諸法是曰智慧是爲六
何謂無所有度無極有六事其心不念於當
來事所建立福是曰布施解於一切周旋三
界猶如幻化是曰持戒若衆善想若無善想
常抱仁和心不懷恨是曰忍辱若修行道而
無所行是曰精進在於三界無所希望其心
所在普歸將護一切衆生是曰一心若不想
有爲不想無爲造如是行是曰智慧是爲六

何謂廣普度無極有六事勸化無數百千衆
生使捨慳悋而好施與是曰布施所禁順業
普周一切是曰持戒所行方便靡不堪任是
曰忍辱若能建立住四意止而不懈怠是曰
精進若不慳貪將護六事存於道法而不迴
還能懷來致八萬四千諸三昧行是曰一心
若能覺了一切塵勞結滯之業誓願聖明是
曰智慧是爲六

不輕慢是曰持戒若能堪任決諸結縛裂衆
羅網是曰忍辱其勤修行應病與藥不墮罪
蓋是曰精進棄捐自大奉無蓋慈是曰一心
若以聖慧有所班宣無能當者是曰智慧是
爲六

何謂無量度無極有六事若有所惠常合智
慧是曰布施以無量禁常行謹慎無所犯負
是曰持戒所行仁和致三脫門勸助此已不
墮色想是曰忍辱若以勤修致四意斷是曰
精進若以禪思奉行慈愍致七覺意是曰一

心若以聖慧修立悲哀致八道行是爲智慧
是爲六

何謂慕求度無極有六事若能出家求鉢衣
服輒而得之是曰布施其行止足功勲戒具
是曰持戒致功德藏斷衆患難生死之厄若
作國王夫人侍女有所施與聞知默然不以
懷恨是曰忍辱求衆利義積功累德方便勤
苦從錠光佛來若有所施乃至於今而不懈
倦是曰精進若勸歎人而順其意曉衆塵勞
是曰一心若以隨時勸無上慧以是三昧致

最正覺欲度衆生而隨順之是曰智慧是爲
六

何謂有所厭度無極有六事若有所施致於
貧匱逮長者實是曰布施若以持戒遵修十
善不以厭足乃勸化人是曰持戒若漸護禁
啓受道力而獨寂爾是曰忍辱若不遠捨所
想恩愛而犯妄想欲至勤修是曰精進若以
禪思而至棄捐一切非法是曰一心若生苦
惱在於三界說已身慧是曰智慧是爲六
何謂妙樂度無極有六事所施福報來生人

間一切所欲皆以豐富而不自大是曰布施
 所奉禁戒生於天上若於人間壽命常長是
 曰持戒所謂得仁若能逮致無所從生法忍
 是曰忍辱所進勤修不虛方便必如至行是
 曰精進所云禪思棄於內外因緣之報其所
 生處輒如真諦所行如願是曰一心其智慧
 意無所妄想是曰智慧是為六
 何謂無樂度無極有六事有所救之無所妄
 施不捨衆見是曰布施雖家奉禁而有捨家
 不貪世榮是曰持禁其行柔輒而不懷恨是

曰忍辱所奉修行勤苦捨樂是曰精進禪棄
 等分致於苦惱想衆縛著與難合會是曰一
 心若於聖慧有顛倒想雖為諸苦不從法行
 是曰智慧是為六

賢劫經卷第三

特五

三

音釋

憤古對切捷疾葉切識楚諧切驗也朴匹角切
 心亂也息淺切厚也甚少也

賢劫經卷第四

西晉三藏竺法護譯

付四

聞持品第九

佛告喜王菩薩何謂聞持度無極有六事見
衆窮厄不能自濟若宣法施伏已致寶使衆
人聞是曰布施常以德本衆善之行既自身
行復勸他人若聞所持致大財富是曰持戒
若聞善說能忍衆苦不以為惱假使菩薩若
為梵志悉從愚人得有所聞修十二年興發
建立無上大道覺了所生是曰忍辱若能精

進棄捐家業不以為難是曰精進其解脫無
常而聞因緣不以懈廢是曰一心學無有師
方便平等於諸憎愛是曰智慧是為六

何謂生死長度無極有六事若惠施主得無
所從生法忍是曰布施其能依倚無極大哀
是曰持戒設以柔和勸慕弘誓是曰忍辱若
以博聞施於一切是曰精進假使寂然加於
無我是曰一心若以諸下徒使僕從教誨忍
和禪思弘聖是曰智慧是為六
何謂無斷度無極有六事若以所施興立四

恩救濟危厄是曰布施護身口心常謹慎三
是曰持戒其以仁宜身心和同志逮法忍四
事和業是曰忍辱若用勤修四意斷者無所
中傷皆由學是逮立至真是曰精進其用寂
靜逮四意止者是曰一心若以聖明修四諦
事無復虛偽是曰智慧是爲六

何謂欲樂純淑度無極有六事一切所有施
而不恪是曰布施開化功勲見空脫門是曰
持戒若以至德教訓周化戒禁在於行業心
生其上開度衆生顯以斯戒以忍順意而有

殊特仁和能受是曰忍辱其以用法隨時開
化若干品訓是曰精進曉了時宜奉行慈心
行四等意斷他苦樂是曰一心所欲訓誨衆
生一切哀護應法其所至宜隨時不失是曰
智慧是爲六

計四

何謂禪定度無極有六事若建所施在在所
欲不能違者是曰布施心懷謹慎棄衆不可
是曰持戒人仁和忍諸法自然入於和同是
曰忍辱一心勤修思惟建立處所悉散毀滅
諸非是曰精進若以禪思聞所棄捐身口心

安承諸智明是曰一心若蠲除欲以聖明德去衆穢行是曰智慧是爲六

何謂神通度無極有六事若以燈施因得其報天眼徹視是曰布施其奉禁戒專精聽經無所毀犯致天耳聽是曰持戒仁和無二以用勸助因發道意是曰忍辱成就逮得識念宿命過去世事神通自然爲衆生故處在世間積功累德每生自剋是曰精進懷來神通神足變化難逮無極捨諸識著受平等禪是曰一心以逮斯恩因緣之報以慧神通消滅

衆垢因其三昧究暢聖明是曰智慧盡諸漏矣是爲六

何謂世之巧便度無極有六事不能勸學諸度無極唯慕世俗巧術之宜俱授他行巧術所施使人修德是曰布施後當得報使無數人愛樂務道是曰持戒能使一切技術巧便皆達無餘靡不通暢是曰忍辱其速奉行菩薩之法能令成就是曰精進若心以好是曰一心諮受道法是曰智慧是爲六
特曰
三

護一切衆生以慈心施是曰布施用衆生故
不貪己身以是持戒以時誓願因得自在所
生之處訓化衆生因奉善事而建立道是曰
持戒猶過去王名曰摩調所興精進愁思勤
修遵承隨時是曰忍辱若作國王人求截頭
心不發恚無央數人得生天上以是精進若
能堪任復致財業以與開導是曰精進其不
逸禪無所藏匿消滅六情是曰一心設用聖
慧示無數衆人皆啓受報應大果衆德六事
諸所塵垢勇猛所執爲不見侵不以過去而

有增損是曰智慧是爲六
何謂行哀度無極有六事以能布施心自發
念欲使衆生一切普安是曰布施若棄他人
不自厭身悉散衆結是曰持戒若能忍己罵
詈杖捶悉以能忍亦化他人使令行忍是曰
忍辱心若以精進具衆德本不以患厭度無
數衆又以專精勸諸人衆使出家學是曰精
進若厭惡趣愛樂禪思功勲究竟是曰一心
愍哀滌除一切惡路而不懈廢所興法施訓
化衆生是曰智慧是爲六

何謂歡喜度無極有六事若能行思其心悅豫而不懷恨是曰布施篤信守禁而致善德是曰持戒若以柔和成就慚愧不執麤獷是曰忍辱若以勤修心無瞋恨自護安彼而善思惟不懷湯火是曰精進若樂寂然其心清淨建立成就斷衆貪欲是曰一心有所惠施特四心無所倚奉行道法休息望報觀於智慧而受覺意選覺意已遵修無願建立脫門不處顛倒無所傷害是曰智慧是爲六何謂勸護度無極有六事若有所施心無所

著奉平等法不懷妄想是曰布施若以謹慎觀諸覺意心受精進不懷惱熱是曰持戒行無所想心志顯明其內外安棄諸貪著是曰忍辱曉了有爲觀於無爲心不處二是曰精進若以禪思觀察勢力寂然精進在所遊至爲一切首是曰一心若信聖明遵修道義無極哀故開化餘人是曰智慧是爲六何謂勸邪見度無極有六事若在雜碎諸外異學入其祠祀順從其意而開化之猶如隨藍梵志所興福德之業是曰布施觀顛倒戒

衆賊集會爲賊所牽而顯其行緣斯化度是
曰持戒若在衆雜若干惱行而來犯之不以
患狀是曰忍辱有所施與若入世俗不與同
塵而爲班宣寂然之義是曰精進若興禪思
遊在冥中而樂於此樂無所樂以法樂之是
曰一心若梵志像欲化衆生隨其順行而訓詩四
誨之是曰智慧是爲六
何謂勸正見度無極有六事若入習俗爲設
法教布施得福持戒生天所作善惡皆有果
報以此濟之是曰布施若世無佛菩薩未曾

隨惡友教是曰持戒菩薩清淨鮮白無瑕猶
如雪山生好樹木未曾有諸天鬼神衆龍而
遊樂中是曰忍辱所奉勤修除去彼我譬如
賈客而遠遊行有所成辦是曰精進若以智
慧修治四禪亦無所護是曰一心若以聖明
多所慙傷一切衆生建立不逮猶如昔學本
之所教以一頌偈訓誨八萬四千國邑是曰
智慧是爲六
何謂勸住見度無極有六事菩薩假使在於
夢中心不慳嫉雖佛不興無有異心況現在

乎是曰布施若遇惡罪及失身命未曾犯禁
是曰持戒所生之處與光明俱適生輒聞本
清淨忍乃得佛道是曰忍辱所生之處常見
班宣開化衆生以此道法訓誨他人是曰精
進在在所生善思念道快速建立業有所覩見
本性自然故致如是是曰一心若以度世及
觀世事無師主者其身獨立不從他受其慧
如是常宣至誠其身口心未曾有欺是曰智
慧是爲六

救濟窮厄之士是曰布施謹慎身心無所
犯而無放逸是曰持戒逮不退轉不起法忍
是曰忍辱一切萬物思不可得勤修方便而
無所住以是無住勸六度無極是曰精進若
於內外悉無所著而衆生迷心塞不解計有
我想不了無我爲分別說了一切空是曰一
心若不棄捨聲聞緣覺以聖明法依一切智
是曰智慧是爲六

何謂勸無倚度無極有六事若集加恩一切
三界皆得悅豫猶如定光有所發起是曰布

施若以禁行而無所依不有所求是曰持戒
假使其心仁和柔輒未曾妄想一切諸法是
曰忍辱勤修衆行而無所著是曰精進禪定
所見入菩薩地不墮顛倒是曰一心若以聖
慧消衆塵勞歸於大道是曰智慧是爲六

何謂勸意度無極有六事意自念言菩薩所
濟欲成佛國因致究竟是曰布施其自守行
斷三惡趣不爲罪業是曰持戒以慈仁和報
得相好端正殊妙見莫不歡是曰忍辱以勤
修行往入大海致如意珠消竭衆難得自在

法是曰精進若以禪思蠲除塵勞如其志願
而致得之是曰一心若以聖明能壞衆魔所
立訓化莫不從教是曰智慧是爲六

何謂勸忍度無極有六事所出施與心在佛
道未曾忽忘是曰布施救護地獄以寂靜志

特四

魔不能犯法不迴轉是曰持戒順理所向奉

七

行正法不懷妬嫉如王太子號曰德先布施
自在一日悉捨一切所有施佛弟子欲得車
乘象馬滿四十里旛蓋柯茂瓔珞衣寶無數
華香捨八萬四千姝女棄國捐王手足耳鼻

頭目肌肉支體妻子不逆人意出家作沙門
奉是正法是曰忍辱所奉衆戒處於勤修而
無所著是曰精進若於夢中見衆玉女不以
爲貪具身相好顏貌清淨是曰一心若入城
中心懷明智設見比丘篤心敬之無若干想
是曰智慧是爲六

何謂造業度無極有六事若身自立淨修梵
行所可勸助得利養多臨法滅盡衣裁覆形
猶如饒華學志所行現毀佛身悉無所失五
枚新華五枚故華示往上佛以是報應道法

興隆正法得立至五百歲像法亦爾是曰布
施若以衆戒消除他人諸惡行業隨其所乏
以救濟之是曰持戒所遵仁和若有窒礙而
無吉利必得濟厄猶如賈客而入大海遇摩
竭魚忽有浴池數二十五各有白象輒乘其
上得出大難是曰忍辱假使遇值天上世間
快樂安隱猶如往昔無開導主欲令精進有
大梵天名曰英妙勸化天帝訓誨衆人令得
生天是曰精進禪無所生諸佛菩薩之所講
說假使菩薩勸喻衆生使生梵天從光音宮

至無想天是曰一心聖明之業爲諸世俗說
現世事講度世業修十善行利益羣黎猶昔
國主名曰得生王有好眼愛樂道法無數世
中曉了此義諸王慈行諸佛菩薩之所開導
以斯言教宣示一切是曰智慧是爲六

特口

何謂無所造業度無極有六事心中好喜所
樂功勲一切無著心勸助施所可勸助則爲
是著往昔菩薩見錠光佛以華五莖散供養
佛所植德本皆使獲此功祚道德永無妄想
至法沒盡皆共倚之是曰布施所學精進將

身口心無權方便計有土地生死處所是曰
持戒所修仁和有所慕樂求其善本是曰忍
辱有所精進建立俗事化入道法是曰精進
若修禪定觀於梵天壽命長短是曰一心所
遵聖明未曾有言猶如菩薩號名如來日隨
其衆生宣一品法其餘有身宣若干品造立
寂然而滅度之後正法住立若干歲後法乃
沒盡是曰智慧是爲六

何謂有餘度無極有六事往古菩薩錠光佛
時供養所奉以誓道願是曰布施身口有餘

依倚住禁多所不信而樂己身是曰持戒其性仁和而無麤獷歸燕坐力是曰忍辱假使勤修中間倚有所樂不至正真是曰精進禪思慕樂恃行空無以斯爲樂是曰一心若聞聖明心有所著或無所著是曰智慧是爲六何謂住名有餘度無極不能順真反向異門志空處所聲聞緣覺之所報應不長佛道入十地業而復退轉當知其意是曰菩薩有餘所行度無極何謂無餘菩薩所施度無極勸助生死衆生報應如所能忍聲聞緣覺寂然

持四

九

而定不隨退轉是曰布施禁法之報離於智慧而能深入是曰持戒其以仁和畏生惡趣勤苦之處心無所犯是曰忍辱若以勤修求於魔業欲消其界使無邪見是曰精進正行禪思知壽命限究竟根元是曰一心若以智慧見知宿命斷衆苦患而好志願是曰智慧無餘度無極何以得名曰度無極謂是菩薩得從順化隨世所好然後名曰無餘六度無極

何謂明度無極有六事菩薩所施奉於尊長

不望其報百千劫中服世飲食不以身故而
意懷憂也是曰布施所修法義詣佛樹下於
一切法不懷狐疑緣是乃至一切慙智是曰
持戒其以禪思無所著法斯一切智由從此
生是曰忍辱若奉勤修住于道慧化五陰蓋
是曰精進若以禪定成最正覺逮得天眼識
其宿命覩所更歷是曰一心其以聖明諸漏
悉盡逮得佛眼普達諸法心不猶豫是曰智
慧是爲六
何謂持住明度無極有六事住於正法供養

佛教存立經典是曰布施行所止處入於如
來身明口淨無有衆想是曰持戒其柔順行
不近俗法無所動轉是曰忍辱曉了聲聞緣
覺之業消衆塵勞乃至滅度是曰精進所以
禪思求於衆生心念所行以慧音盡是曰一
心以知得脫不失時節行聖明慈是曰智慧
是爲六
何謂佛興成就度無極有六事佛興世時成
大財業賢聖無量受於過去諸佛之教是曰
布施以行勸助而得解脫佛興現世消衆塵

勞是曰持戒而以仁和受世尊教又知止足
不懷懈倦乃至大行是曰忍辱若以勤修建
立弘誓其人功德若在王位心不違法是曰
精進若以禪思心常念佛不失至真是曰一
心若以聖明勸助滅度如佛開化五人身心
是曰智慧是爲六

何謂意不忽度無極有六事行恩如意願誓
奉道以化他人是曰布施遵其至行以護他
人御身口意是曰持戒所修仁和是深妙忍
正法沒時堅固其志是曰忍辱所立勤修懷

來道慧心不迷惑是曰精進假使禪思執持
空無不有相願心無希冀是曰一心以其聖
明思惟愁感慈念一切欲救濟之是曰智慧
是爲六

何謂佛興立在家居度無極有六事若以所

特四

施興發五事何謂爲五一曰成坐二曰說處

十

三曰成眷屬四曰成就法樂五曰成其書疏
是曰布施所施立行其禁具足而無所犯是
曰持戒其以仁和棄捐人想不計壽命是曰
忍辱若以勤修奉平等業顯示道義是曰精

進以心禪思普修平等奉行至德意無所願
是曰一心若以慧明歸諸聖諦靡所不通是
曰智慧是爲六

何謂出家來度無極有六事若有所施與心
俱合致無漏行是曰布施其以謹慎護身口
心合於滅度是曰持戒若以仁和猷於三界
而無所著是曰忍辱勤修正行歸四意止而
生道慧是曰精進所以禪思遵四等心患猷
周旋生死之難是曰一心若以聖明而放遠
捨愁感之思遵修至真是曰智慧是爲六

何謂愍哀博聞來度無極有六事若以班宣
訓精進教給衆窮匱是曰布施奉受道法捨
其身命無所貪愛是曰持戒所以仁和正法
欲沒菩薩發心順其時宜自沒其身愛護正
法是曰忍辱若以勤修逮得總持恒識不忘
是曰精進若以禪思其心體解十二緣起而
無所起是曰一心若以智慧諸所更歷遵修
寂靜是曰智慧是爲六

何謂出家不斷戒度無極有六事所濟他人
如意所願奉法師命是曰布施所行禁戒遵

于大哀無有微恨是曰持戒所志仁和不懷
危害謙下恭順而不自大是曰忍辱所奉勤
修強而有勢不爲怯弱是曰精進所志禪思
行七覺意通於遠近靡所不達是曰一心所
志智慧因能具足不起法忍是曰智慧是爲

持四

十二

六

神通品第十

佛告喜王菩薩何謂住神通度無極有六事
若有所施至有重財不以貪悋奉於道法而
受真教是曰布施行無所著不倚邪正志于

大道是曰持戒其以仁和不懷狐疑永無猶
豫是曰忍辱志在勤修建立弘誓不違本願
是曰精進所以禪思光明所照通於遠近是
曰一心聖明所遵應於道地事事有緣牢堅
持受是曰智慧是爲六

何謂神通不斷度無極有六事若有所救建
立如來佛寺精舍以爲元首是曰布施求於
道業致智慧根拔無明源是曰持戒所志柔
和達於本際而興正真是曰忍辱奉行勤修
通達色想而無所想是曰精進所以禪思寂

然定意乃至脫門是曰一心遵承聖明修治
總持觀於正行住憺怕地是曰智慧是爲六
何謂入欲度無極有六事若有所濟合集勢
力以給怨家是曰布施所行羸劣次第順力
建立大勢是曰持戒其以柔和消諸陰蓋奉
修道義是曰忍辱若斷怨心猶王太子樂於
持四
清白是曰精進若常禪思心不放逸專惟定
十三
意是曰一心所以聖明有所度脫惡趣地獄
生死之難勤修精進猶如往古學之所行是
曰智慧是爲六

何謂立度無極有六事有仁行者救於惡趣
誘在生死使得超出如頂相報是曰布施所
奉行者若世無佛開化衆人各令得所猶如
往昔摩調聖王慈化天下是曰持戒所以仁
和不起瞋恚如羸提和截其手足耳鼻不生
恚心是曰忍辱其以精勤難可制持終不瞋
滯猶如海中如意明珠從其 sought 輒得所願
是曰精進所修禪思如在中宮開化貴人使
發道意超無等倫猶如師子太子自在有所
教勅如風靡草是曰一心若入聖明衆智境

界一切悉捨能惠與人不斷所倖猶如古王
頭首布施是曰智慧是爲六

何謂應進度無極有六事所持衣物施與衆
生猶如鼈王海中救厄是曰布施所奉持法
猶如師子眷屬圍繞救濟賈客亦復如是是
曰持戒所聞柔和猶如梵志欲來害王而取
其頭即惠與之是曰忍辱所修精進如梵志
子名曰思義棄五所欲救護他人而勸度之
是曰精進其所禪思如阿離念彌在於異學
救護弟子及與他人是曰一心以聖明事開

化無數百千衆人猶如象王救無反復是曰
智慧是爲六

何謂衆報應度無極有六事若愍世人有所
救濟猶如離垢化衆行淨是曰布施所奉至
行住於梵天爲閻浮利人造立德本令得入
法特四是曰持戒所行仁和加於衆生十四不惜身命
猶如在海見其船壞自殺其身以度衆人是
曰忍辱所行精進開化無數多所成就猶如
導師名曰福事採海衆寶以濟窮匱是曰精
進所以禪思愍傷他人而行勸助猶如童子

名曰意義於八萬歲奉行慈心用安衆生是
曰一心若以聖明解了現世度世智慧以是
智慧覺了虛無如須菩提解空識喻衆塵樹
葉悉能分別其勸助者報應過是是曰智慧
是爲六

何謂無報度無極有六事其所救濟不受報
應乃至滅度猶如大蓋有所覆護菩薩所濟
如是無極如江河沙衆生得度是曰布施所
奉法行諸漏已盡至不退轉攝受普護是曰
持戒所志仁和未曾有恨逮致佛道是曰忍

辱所以勤修捨棄身命一切萬物供養三寶
是曰精進所修禪定在佛樹下宣歎頌偈遵
承法觀以此行護是曰一心所遵聖明不論
道慧猶如海中尸舍和樹華香美療病菩薩
如是以道德香化於一切使發大道心是曰

智慧是爲六

修門

十五

何謂無樂度無極有六事所濟衆生猶如滅
度譬如賢者名曰漢林度衆迷惑故當曉知
菩薩本行此宿所喻是曰布施其禁無量患
厭衆難志願無爲猶如往古菩薩所行精進

入海致無量寶故引譬喻是曰持戒其仁和行若迦夷王而截其頭及鼻手足不懷瞋恚是曰忍辱若勤修行出迦維羅衛無有見者所以平等入山得佛是曰精進所以禪思四品具足淨修梵行慈悲喜護是曰一心猶以智慧度無極成其亦難致在世正受心常等定是曰智慧是爲六

戒所志仁和親近衆行歸護身口猶如仁賢所行慈忍斷其諸節不抱傷害是曰忍辱所修精勤佛興世時所在見佛如來平等其三昧印於一切行三千歲未曾休懈是曰精進所曰禪思在於中宮妓女間常修清白而不放逸是曰一心順智慧時在於生死在在所生將護諸我使了無我是曰智慧是爲六何謂光明度無極有六事若以華香拂飾貢上諸佛菩薩是曰布施所謹慎行愍傷他人猶如飛鳥空身飛去無所慕樂是曰持戒所

志仁和解一切空以逮法藏是曰忍辱勤力
橋梁救濟危難是曰精進所思禪定如往古
劫始初菩薩之所奉行深入道行是曰一心
所修聖明興發法忍如雨童子執心如地是
曰智慧是爲六

特四

十六

何謂無量光度無極有六事善權方便而有
所濟因以報致佛大光明周遍無數諸佛國
土是曰布施所奉勤修勸助逮得不起法忍
是曰持戒其仁和者勸助法想而無所著是
曰忍辱所可精修奉行空法勸助大道歸此

空無是曰精進所以禪定勸化衆生常不懈
廢使不退轉是曰一心所修聖明住第八地
在所勸化莫不蒙荷是曰智慧是爲六
何謂報安光度無極有六事若至魔徑臨壽
終時其功報應猶兜術天忽沒來下開化餓
鬼除其飢厄是曰布施降伏魔徑所奉愍哀
放捨身縛亦脫罪厄猶如往古國王太子名
曰須賴所脫苦患是曰持戒其行仁和在於
魚中安諸黿鼉隱樂得食是曰忍辱所勤修
行諸玉女等而在恐懼危厄艱難愍傷濟之

是曰精進所修禪思在疾疫劫以藥療之猶如往古童子所作長益以五頭首救閻浮提諸非邪惡是曰一心以此聖明救濟一切猶往古喻五百賈客以五百玉女及諸玉女就爲導師護五億人一心宿衛是曰智慧是爲

特四

十七

六

何謂不迴還度無極有六事既有所濟不樂聲聞緣覺之業願求無上正真之道是曰布施所奉謹慎觀於至義而不懈廢是曰持戒所遵仁和能暢究竟不中懷恨是曰忍辱所

行遵修執權方便有所救濟使不放逸是曰精進所修禪定顯明章句而不迷憤是曰一心所謂聖明得至七住不退轉地是曰智慧是爲六

何謂娛樂度無極有六事有所給與以開難化衆令發道意是曰布施以行將養佛興世時說其報應而度脫之猶如往古太子勢首救衆危厄是曰持戒所修仁和如功勲國王安和萬民如是安身亦安他人一切適安我身亦安是曰忍辱所進勤修逮得總持辯才

無量是曰精進所習禪定以用勸助是功福
報令衆生安是曰一心其以聖明在六住地
柔順法忍至不退轉是曰智慧是爲六

何謂鮮潔度無極有六事若有所與無所依
倚亦不想報加於衆生是曰布施所修謹慎
常抱篤信懷來七覺覺諸不覺是曰持戒所
修仁和慈念衆生不貪其身亦不惜命是曰
忍辱所志勤修選擇諸法合會至行致諸覺
意是曰精進若以禪思無所想念而不放逸
是曰一心所以聖明致得佛道而度一切是

曰智慧是爲六

何謂成世法度無極有六事若以所濟報應
無數致於永安無復衆難是曰布施所以謹
慎慕求道法八正之業至平等慧是曰持戒
所念仁和不疑道義決壞羅網是曰忍辱所
行勤修於現在法長得安隱是曰精進所謂
禪思精進本行滅寂正受是曰一心其遵聖
明所作以辨受四意止是曰智慧是爲六
何謂淨世度無極有六事其以所行救三千
世界從始至終無有異心是曰布施從始生

來普安一切周旋往來三界衆生是曰持戒
發意以來教化羣黎至無所至便無處所是
曰忍辱使三千世界一切衆生精進滅度猶
初發意出家學故其心難當是曰精進所謂
禪思令諸衆生攝其惡意專惟經法而不放
逸是曰一心其以聖明至於地獄救濟危厄
適生墮地口有所宣論講經道逮得法典是
曰智慧是爲六
何謂成種度無極有六事其救護者致眷屬
和無極大財是曰布施所謹慎行致眷屬和

而無罪殃是曰持戒所修仁和若干眷屬各
各自安無能壞者是曰忍辱若有勤修所有
眷屬不使自恣放逸之行各各辦業用意不
廢是曰精進所遵禪思若有瞋諍皆令和合
致明眷屬是曰一心所修聖明一切眷屬皆
有智明而無闇蔽是曰智慧是爲六
廿四
何謂來成眷屬度無極有六事於五百歲開
化勸誨諸大衆會使發道心是曰布施所奉
謹慎勸悅和同無數衆人不以爲煩如佛眷
屬是曰持戒其所仁和爲無央數衆生之藏
十九

猶昔摩竭有一大魚海水能受所有究竟從
始至終若有伴行如井中魚是曰忍辱所謂
勤修多護衆人除姪怒癡猶如海中明月珠
藏隨時消水是曰精進所行禪思如阿離念
彌學外異術多愍衆生而勸化之生于梵天
是曰一心遵修聖明多所愍傷猶須菩提見
有異人收捕鹿王五百衆眷閉在窮厄悉解
脫之乃化天下一切衆生建立十善是曰智
慧是爲六
何謂不壞眷屬度無極有六事若捨兩舌言

常至誠不鬪亂福是曰布施常懷慈心不抱
危害緣名遠聞靡不敬愛是曰持戒所云仁
和常有等心慈愍衆生而不偏黨是曰忍辱
所以精修不以衣食開化衆生唯以道法是
曰精進其志禪思逮得總持辯才無量是曰
一心所以聖明執持解脫解諸結縛令無罣
礙是曰智慧是爲六
何謂除塵來淨度無極有六事若有損耗使
增功德療諸疾疫普令安隱是曰布施若在
蔽礙不能自濟爲作救護令心開解是曰持

戒若有師父尊長罵詈恭敬歸命不懷瞋恨
是曰忍辱其所勤修在胎心正治衆療疾將
護開化及諸比丘比丘尼清信士清信女是
曰精進若母疾病瞻視給使與諸可乏醫藥
飲食是曰一心若以聖明爲無數衆而決狐
疑各得開達奉無上真是曰智慧是爲六
特四
二十
何謂觀土度無極有六事常抱仁慈不以惡
眼加視衆人是曰布施而無罣礙無陰蓋心
謹慎心念是曰持戒志性仁和見諸怨家念
如赤子不懷毒害是曰忍辱具足神通内外

無蔽覩化十方不中懈廢是曰精進若淨修
行嚴治天眼見於一切五趣生死是曰一心
若無數世柔和其意言辭和雅分別聖慧是
曰智慧是爲六
何謂宣誓度無極有六事以報應德勸助衆
生得受功勲是曰布施所謹慎行消衆罣礙
而無結滯是曰持戒如無所著不以爲聞了
響悉空興發仁和是曰忍辱所志勤修日日
增進至未曾有入無上道是曰精進若以四
等慈悲喜護護於一切迷惑之衆是曰一心

開明衆生愚獸不可奉柔順法乃至賢和是
曰智慧是爲六

何謂無放逸度無極有六事有所施與勸助
於道不與俗業是曰布施若眷屬羸護奉行
道業其有人來節節解之不生毒心慈勸道

法如射獵師心懷怨結若有人來節節解之

獵師心悅不以懷害是曰持戒若以仁和宣
善義理投之於火欲危其身不以懷結是曰
忍辱所以勤修竟至滅度觀於有爲如火然
熾消之以法是曰精進所謂禪思除一切塵

獨樂一處若以戒法救衆人愚是曰一心慧
無所樂而等其心猶國王子施得土地令其
無罪而有勢力是曰智慧是爲六

何謂周旋度無極有六事多有財業所加以
慈而不懷害是曰布施所可謹慎不抱諛諂
而自顯己是曰持戒其性仁和所作功勲不
以爲放捨宮殿無所貪愛隨時惠施是曰
忍辱所以精勤奉平等法而不放逸是曰精
進若以禪思而不迴還隨不可法嘿然憺怕
是曰一心若以聖明立一切法堅住不動不

落聲聞緣覺之法是曰智慧是爲六

何謂滅度度無極有六事若作餓鬼不行慳
貪見苦衆生而慙傷之是曰布施心見衆生
星礙之業而慈哀之示以無敵是曰持戒所
行仁和聞地獄苦觀惡形色益用四等而哀
慙之是曰忍辱所奉勤修斷諸邪見多懷慈
哀猶昔阿育王子字鳩那羅棄諸姝女受辱
不怨是曰精進若禪脫門樂此寂靜猶昔菩
薩坐閻浮樹道德巍巍影覆其身是曰一心
若以聖明滅婬怒癡如王棄國出家爲道衣

毛爲豎衆黠啼哭不以顧戀是曰智慧是爲
六

何謂豪貴度無極有六事其所聞者能以割
情所珍愛寶惠與作福是曰布施奉修謹慎
而不自大謙下恭順奉敬三寶佛法聖衆是

持四

廿二

曰持戒不求名稱不慕世榮唯法爲上是曰
忍辱所遵勤修奉事尊長父母師友是曰精
進所以禪思開化衆生猶如往古拘修摩王
有太子多所救濟往來周旋奉行至法本性
清淨未曾懷害是曰一心以出家學求智度

無極精進聖明是曰智慧是爲六

何謂眷屬理度無極有六事若以所救勸化
道法愛樂出家志存放捨是曰布施其以謹
慎奉順愍哀所有子孫開示義理班宣至教
是曰持戒其行仁和所至惱熱教訓開導不
可計衆如是無厭是曰忍辱其勤修行志存
聽法見不達者而爲敷演各令心解是曰精
進所以禪思助合衆生示之罪福化不使亂
猶如往古善目轉輪聖王是曰一心將護聖
明二俱同黨若能自制不犯貪欲而以救護

班宣說法建立衆人是曰智慧是爲六

何謂心無所忘度無極有六事自制伏心不
隨邪見出于慚難不隨貪厄是曰布施報所
可遵行衆禁具足不斷三寶興隆道教化衆
不怠是曰持戒報所云仁和安柔心行身雖
遭苦由博聞故能忍衆患猶如須賴人來加
毒其心不恨是曰忍辱報若以勤修行自伏
其心超出羣中將護他人使不危厄長致安
隱是曰精進報其以禪思棄捨放恣奉不貪
欲不限寂定是曰一心報其以聖明宿止威

儀禮節之法心所依倚供養諸利加以法施
度衆盲冥是曰智慧報是爲六

賢劫經卷第四

音釋

恚於避切 匿昵力切 獷古猛切 羴提梵語
恨怒也 隱也 惡也 羴也
云忍辱羴 瞋於計切 鼈介並切 鼈龜也
初限切 胡八切 七艷切 龜也
河切 黯悲也 漸坑也

永樂北藏

賢劫經

第四八冊

賢劫經卷第五

特五

西晉三藏竺法護譯

三十二相品第十一

佛告喜王菩薩何謂諦住安平正度無極有六事適從平地舉足前行追慕三昧是曰布施報若建立安勸化衆人不更惱害終始無患是曰持戒報一切衆人不能動搖心不起恨意和顏悅色是曰忍辱報所立其意奉開士法不以有勞徑前不退是曰精進報顯發慕樂無止正真令衆生安敷演禪思是曰一

心報說其報應所生之處常見諸佛諮受大道是曰智慧報是爲六

何謂來千輪度無極有六事若以致來衆物所有若干種輪持用布施致千輻相報是曰布施報若以各各奇異殊特好妙顏色身在其中無所破壞是曰持戒報若生異品若干種香心不以著無增減意是曰忍辱報其勤修者堅持其志猶有術師執持大瓶若因桴筏徑汭度江及安眷屬是曰精進報若演光明普耀遠近通於十方由得自在是曰一心

報若振大光一切蒙荷悉得聖明衆冥消索
是曰智慧報是爲六

何謂肌輓細度無極有六事若書文字斯非
怙怕以用開化一切衆生示以罪福是曰布
施報其依言教奉仰真正不爲虛僞而懷來
義是曰持戒報其以具足衆德之本來妙神
明心不起滅是曰忍辱報若諦超越衆惡之
瑕致衆開士來相化導是曰精進報若無恚
恨獲致功勲和顏悅色踊躍存法心無所著
是曰一心報在於生死所生安和化衆愚冥

是曰智慧報是爲六

何謂足下平度無極有六事若足下平所至
無難足下所蹈蟲蟻永安是曰布施報其舉
足時心無瘡病行不犯法其心仁和是曰持
戒報若舉足時庠序安隱性不卒慌亦不惶
懼是曰精進報其舉足時福致曠然猶如虛
空用救衆生是曰一心報其足底滿功德熾
盛而無邊際是曰智慧報是爲六

何謂長指度無極有六事其指長好宿德所
致無有惡穢是皆所施報應之功是曰布施

報其指纖好漸稍相應而不邪亂宿命行安是曰持戒報應是功德指長順調是妙柔輒是曰忍辱之報德行相應指長微妙漸稍細滑無麤文理是皆精進之報也指長吉祥見者悅然無不吉和此者皆是一心之所報其指光澤隨次和順正齊不亂是皆智慧之報是爲六

何謂手足縵中度無極有六事手足滿平而縵中者前世之時若有所施滿足與之是布施報其指平正建立安隱無有不正視之心

悅是持戒報手足無瑕清淨極姝本行仁和是忍辱報諸佛手足紫金色者不受塵土往昔勤修不以懈怠是精進報手足柔輒而無麤惡光澤甚好是一心報其手足鮮赫赫明好與衆超異見莫不歡是智慧報是爲六

何謂膝平度無極有六事其膝興正稍漸轉上特五普具有異德行殊絕見莫不敬是布施報其膝安和不相切摩是持戒報手足膈好而不進退咸宜有常是忍辱報儀則仁慈行步舉足安和庠序亦不卒暴是精進報善修平

正亦無偏邪常行寂然是一心報觀者悉歡
光像分明是智慧報是爲六

何謂寂藏度無極有六事其寂藏安光色赫
耀而不現體是布施報其寂以清潤澤一切
皆使蒙荷是持戒報其毛右旋各各齊正而
不邪行是忍辱報其德巍巍在所至到化變
度人是精進報其演光明無所不照多所安
隱是一心報使他人見瑞應懷來無上聖明
是智慧報是爲六
何謂臍深度無極有六事其行日進稍至玄

深乃至大道是布施報其威神德淡然無畏
心不懷難是持戒報其奉柔潤深至平和是
忍辱報其行具足不以恐怖是精進報亦如
好華柔軟和安精專不迷是一心報其臍無
毀長益一切行不損減是智慧報是爲六

何謂毛一一生度無極有六事其毛上向右
旋清正順理獨立是布施報其髮紺色光
明好見無不歡是持戒報毛柔軟細滑澤
然是忍辱報其色潤澤不受垢塵是精進報
毛色柔好各各右旋是一心報各各跣立而

不卒暴不相切摩各各齊正是智慧報是爲六

何謂紫金色度無極有六事其色光明如火中金是布施報其柔潤色不爲麤獷是持戒報清淨無瑕色踰日月是忍辱報其光晃曜

特五

四

照於遠近是精進報其無垢塵以爲清明是一心報其光柔妙色和曜好是智慧報是爲六

何謂師子宵臆度無極有六事其身漸滿而不缺減是布施報身盛妙好有巍巍德是持

戒報身以堅強無能犯者是忍辱報衆所觀仰視無厭足是精進報其身弘廣猶如難逮是一心報身無能壞堅如金剛是智慧報是爲六

何謂常善次度無極有六事其身所行具足充滿是布施報尊不可逮吉祥以滿是持戒報端正絕好有見樂喜是忍辱報其行德業平等滿者是精進報計其相好色若雜珍師工好畫是一心報柔潤光澤清淨無瑕是智慧報是爲六

何謂長臂報度無極有六事其身香熏而無斷絕普聞一切是布施報直住正安而不可動是持戒報和順庠序堅固不起其心和調是忍辱報若以自致其臂長姝與衆超異是精進報行步庠序臂長出勝天人所奉是一

特五

五

心報現身柔潤光明赫赫照於一切是智慧報是爲六

何謂臚髀度無極有六事若以身髀臚順雅好心慈志和是布施報獨立坦然無能牽掣常得自在是持戒報善能分別處所至安而

無禍難是忍辱報身以齊正肢體漸臚是精進報威光巍巍無見頂相是一心報一切衆生目所觀仰莫不愛敬是智慧報是爲六何謂腦合充滿度無極有六事以漸覺滿功德成就是布施報心諦堅住常懷和安是持戒報淨如明珠而無自大者是忍辱報若以平等而興治行無有懈廢是精進報身口柔和其心安隱是一心報和潤無毀莫能壞者是智慧報是爲六何謂鉤鎖度無極有六事見衆求者常和悅

豫是布施報漸以覺悅消衆不達是持戒報
其德各各若干晉同善相依因道法成行是
忍辱報若有所說咸共默然悉和等受適是
奉行是精進報其光紺青煌煌照遠是一心
報若令世間一切衆生所縛衆厄自得解脫
見無厭足是智慧報是爲六

何謂牙齒白淨度無極有六事齒極白淨編
合不踈是布施報柔潤白好而無點汙是持
戒報以順次第猶白蓮華平等安隱是忍辱
報齒堅白好而無雜黑是精進報所施建立

弘安無危是一心報身以潤澤柔軟光光觀
其明耀未曾厭足是智慧報是爲六

何謂牙齒齊平度無極有六事下齒齊平不
以邪傾是布施報上下柔澤悉以無麤具持
戒報次第合綴間無所受是忍辱報其齒臚

特五

平亦無高下是精進報齒不毀損堅強妙好
是一心報下齒正上上齒正下安隱牢固見
莫不歡是智慧報是爲六

何謂四十齒度無極有六事其四十齒具足
而悉平正不減是布施報齒不邪傾正齊如

水是持戒報齒妙殊特與衆不同是忍辱報齒皆通利間無所礙等定不踈是精進報齒生吉祥見無不利是一心報齒甚堅固不可動搖可悅人意是智慧報是爲六

何謂廣長舌報度無極有六事爲菩薩時耳

聽經典擇說至言是布施報去舌上垢乃傳佛語淨口宣義是持戒報口說平均不爲偏黨是忍辱報舌極廣長色如蓮華光明赫赫是精進報其相生妙各各別異是一心報舌如百葉光色奇好晃昱遠耀是智慧報是爲

六

何謂梵聲報度無極有六事行菩薩道班宣經典高舉唱音令衆人聞了了無疑是布施報音響可愛聞莫不喜是持戒報若干品音所宣各各得解是忍辱報未曾有音和不可逮是精進報音常和調言辭安隱而不斷絕特五是一心報一切音好哀合和雅動衆人心是智慧報是爲六

佛言復次喜王何謂如來身方正報度無極有六事將順身心常使和安是布施報其以

身行身口心定寂然安和是持戒報若以十善興發所生志存天人使爲道業是忍辱報教告一切開化衆會無所犯負是精進報悲和之音柔潤響哀告於衆生是一心報音宣法化決衆狐疑莫不解悅是智慧報是爲六何謂味中上味度無極有六事若以食饍一切所供其味殊特可衆人意是布施報其所惠與食者得安快而無患是持戒報受者和同與檀越心無諍訟意是忍辱報所施供具多少使平令身無疾是精進報食饍極妙於

口甘美而無穢臭是一心報不熱不冷其味和適而好輕柔是智慧報是爲六

何謂師子頰車度無極有六事其背廣平如師子形獨步三界是布施報猶如蓮華光澤好色行如師子是持戒報若如師子轉進而前無所畏難是忍辱報所以顯現大神巍巍尊妙殊特是精進報其餘所宣歡悅一切衆生所敬是一心報其目見者莫不自歸面色喜悅觀德奉敬而無厭足是智慧報是爲六何謂眼如牛如月懷來以度無極有六事其

眼細妙引長而好如月初生是布施報其目
分明善諦巍巍無一短乏是持戒報其目是
明柔軟鮮好殊絕難比是忍辱報面無怯弱
光澤益潤是精進報顏貌妙好身形平正如
日初出是一心報光如日月照于八方上下

特五

闇冥無能逮明是智慧報是爲六

八

何謂目紺青色度無極有六事若有見佛心
中悅喜以一心歸而敬眼視是布施報眼之
所覩而目寂定無一不正是持戒報目微妙
好無能訶者遠近皆伏是忍辱報眼之所視

亦無傷害多所加益是精進報遠見玄迥解
一切結是一心報所見無厭不可得底所覩
平等是智慧報是爲六

何謂鼻如鸚鵡度無極有六事鼻如鸚鵡隆
平正妙是布施報常以寂定無有邪非是持
戒報鼻好潤澤耀如明珠是忍辱報柔軟諦
忍仁和威儀莫不奉仰是精進報衆人所見
敬愛無已而無厭足是一心報意捨所念受
不可倚不存諸香以道爲香是智慧報是爲
六

何謂頂髻相度無極有六事其髻團圓自然
興起光明昱昱是布施報髻髮紺色煒煒難
量而各各右旋是持戒報髻曜赫赫光明所
照不可得際是忍辱報肉髻充滿無有邪非
峙立而安是精進報滑澤迴旋安諦相斷不
相雜錯是一心報振耀光光所照無限是智
慧報是爲六

持五

九

何謂如來肉髻度無極有六事髮生青色如
無上紺滑澤耀耀踰瑠璃光是布施報髮毛
右旋各順本根而不相倚是持戒報其身清

淨塵垢不著猶如蓮華不著塵水是忍辱報
三十二上下諸天無能覩頂是精進報三界
衆生莫不樂見威德遠顯是一心報言若天
雨不能汙之淨如虛空音猶雷震是智慧報
是爲六

何謂出遊步度無極有六事其獨步出而無
窒礙是布施報若棄捐非能一心者志行弘
安乃名佛子是持戒報無央數天往見奉敬
伏地自歸是忍辱報能自護己目無所著是
精進報勇高遊騰神足無極是一心報一切

所有能惠不悞宣暢道訓是智慧報是爲六
順時品第十二

佛告喜王菩薩何謂順時度無極有六事消
治衆瘡心無所著行如蓮華是布施報遵修
春夏生百草木時節除寒是持戒報其身好
妙巍巍殊妙如衆星明是忍辱報平等隨順
無所違失是精進報皆已杜塞一切惡趣示
其和安是一心報假使衆生在於惡路各以
若干光明照之使得解脫是智慧報是爲六
何謂知時度無極有六事若於卧寐向曉後

夜忽以明了思惟正法是布施報身能棄家
捐其財業行作沙門是持戒報告其車匿歸
解喻家父王及妻成佛還國當相度脫是忍
辱報其身修行志性出家受著袈裟是精進
報若慕解脫求無上道是一心報入於寂然
分別頌音還入家居有所度脫是智慧報是
爲六

侍五

十

何謂分別度無極有六事愍傷衆生入羅閤
祇分衛福人是布施報上在天上爲諸天人
宣布道化是持戒報入羅閤祇遊行以訖還

上天頂以寂化衆是忍辱報直身而立無所
依倚三昧正定是精進報若禪思惟解念三
界一無真諦是一心報思惟察視十二緣起
根源所由皆因緣對是智慧報是爲六

何謂順世度無極有六事行入分衛各各得
利受者安隱是布施報順隨世意饑饉之時
拔其虛乏猶如羅摩子所遊至處多所濟難
是持戒報逆諸非法解難不疑受此道業是
忍辱報若於六年超越衆礙無有一蔽是精
進報堅固行禪解於一切所有悉無如聚泡

沫是一心報不違犯法飲食自然聞名皆歸
坐佛樹下降伏衆魔是智慧報是爲六

何謂邊際度無極有六事若降伏魔并及官

屬因轉法輪度脫一切是布施報勸化一切
三千世界衆生之類使得永安而無衆患是

持戒報訓誨衆生其鬪亂者令作五和合之建立十二

賢行使無所犯是忍辱報若三千界興亂令
和同其道味是精進報行成四禪定意正受
奉行十善不以放逸是一心報斷消無明衆
冥盡索使永無餘逮致顯耀是智慧報是爲

六

何謂蠲除度無極有六事往昔遊在迦夷羅衛國土止頓周流七年教化窮罪悉滅除其患難是布施報刈滅斯垢遊於三界而無所著是持戒報若能方便三毒消滅心無所生是忍辱報觀於衆生生死罪福等於慈哀是精進報其以患厭分別禪思逮致八品而不忘失是一心報永無所忘斷於貪欲消害無明興發道慧除一切法令不虛妄一心奉行智慧度無極是智慧報是爲六

何謂金剛度無極有六事若有逮致金剛三昧心不傾動是布施報若以方便棄捐無明奉行至德是持戒報趣于道義無所受焉悉捨衆穢是忍辱報一切將護三界衆生隨俗開化度脫一切是精進報已身功勲止頓次第隨順發起盡其本元是一心報知於一切衆生心性成最正覺是智慧報是爲六何謂造救度無極有六事以成正覺諸天所說一心棄捐衆惡之行寂以禪定思惟世法救護一切是布施報消滅惡趣地獄苦惱衆

罪之患是持戒報曉了諸根德行成就諸不
具足皆令備悉是忍辱報消化一切諸衆生
類塵勞之厄永以無餘是曰精進報諸所妓
樂不鼓自鳴悅一切意悉發道心是一心報
三千世界衆藏財寶常造布施無央數億百
千天人是智慧報是爲六
序五
何謂自然度無極有六事三千世界樹生華
實冬夏恒茂以用惠與諸所窮乏是布施報
除一切惱諸不可計勤苦之痛使長安和是
持戒報一切衆生諸根具足究竟自然是忍

辱報所有自然三千世界平如手掌是精進
報諸色形像入於垢穢實不虛妄諸天蒙恩
是一心報降伏四魔慧無等倫成最正覺是
智慧報是爲六
何謂降伏魔力度無極有六事行菩薩道療
治一切三千世界三毒之病成最正覺是布
施報消衆塵勞滅一切魔諸諍訟業是持戒
報化諸天子衆害惡鬼不和之難悉令永安
是忍辱報其諸死魔官屬自然降伏歸命奉
佛聖教是精進報無有五陰身魔自解而無

縛結是一心報如其所願成最正覺爲一切
智是智慧報是爲六

何謂無退轉度無極有六事坐佛樹下一心
精思而不厭足是布施報若以見魔而無所
畏自致正覺度于一切是持戒報其身不亂

侍五

十三

本末寂然心定永安是忍辱報其心忻然寂
定安隱無有衆患是精進報用等惠施所行
平正等無有異是一心報言行相副身口意
定逮得佛道是智慧報是爲六

何謂一時度無極有六事一時之須勤修智

慧成無上正真道爲最正覺心所奉行導御
隨時是布施報從其伴黨消除衆塵常奉清
淨是持戒報世尊意念永害三毒興隆三寶
是忍辱報所度正受滅盡諸垢使無三毒是
精進報曉了分別十二緣起斷諸牽連是一
心報以能逮得無所忘失識於三世去來今
現一切諸法是智慧報是爲六

何謂無所著度無極有六事以肉眼見一切
衆生在苦惱患立于大安是布施報若以天
眼見諸生死合散善惡化使度世是持戒報

勸化他人聲所聞處令無所著是忍辱報若以神足變化所爲往來周旋濟三界卮是精進報若有所念以觀如是清淨之行所班宣法猶如梵天是一心報若以知時普願聖慧講說經法通于十方是智慧報是爲六

何謂三昧度無極有六事坐禪思惟無衣食想在佛樹下處於道場是布施報其篤信法覺意順理不失精修是持戒報喜悅覺意樂於道義心不存俗是忍辱報分別經典十二部業正覺之行以化一切是精進報而棄憤

開無有邪心其三昧定而修正受是一心報其護覺意將養衆生令至大安是智慧報是爲六

何謂訓誨度無極有六事若得佛道觀察本末開化衆生是布施報正使無請無說經法

特五

十四

爲班宣慧是持戒報光耀解脫奉持不犯志性慙傷變化巍巍是忍辱報猶如優爲迦葉兄弟伴黨三人以自專以爲道真佛所勸化皆使至道是精進報衆生問義不以疑礙講說宣傳各令得解是一心報分別發遣決了

聖明靡不通達是智慧報是爲六

何謂佛道度無極有六事其以無明班宣經典示以聖慧是布施報佛所遣使安隱無明令至晃昱道德之光是持戒報滅一切穢順從不忘辯才無量是忍辱報其法平正致是不忘常念十方是精進報普入一切奉行至德強而有勢是一心報勇猛無畏曉了道元志無上真是智慧報是爲六

何謂一切智度無極有六事在諸通慧目之所覩而無蔽礙是布施報知衆會心所念本

末因爲說法令心坦然是持戒報能聞遠近所演至要平等坦然是忍辱報隨時說法從一切意各各得解是精進報其宣經典不失次叙各得其所方便有宜是一心報從其所樂講論正慧而無所受發起一切成其詩頌

詩五

十五

是智慧報是爲六

何謂無餘度無極有六事若心安隱奉行道法發起至義至無餘難是布施報若用道法以爲快樂速爲他人開化不逮是持戒報篤信諸佛所說經法等無有異是忍辱報等觀

三世去來今事永無罣礙是精進報若以禪思脫門三昧因斯正受隨其所樂恣其所爲思惟定意是一心報各爲講說若干品法皆得開解志無上法是智慧報是爲六

何謂有餘度無極有六事減度之後舍利分布以福訓誨使得無爲是布施報思惟禁行親近無爲恣其所樂是持戒報其於如來精舍神寺諸天一切皆來自歸皆當作禮是忍辱報佛滅度後勤行訓誨精進不廢爲聲聞行不令罣礙是精進報稍漸進前三昧正受

得至減度是一心報以聖明根修度世慧普遊弘行是智慧報是爲六

何謂可止度無極有六事在於佛世教化衆生受食利養行正不邪是布施報悅可福報猶如梵志字披羅陀罵詈誶謗佛時和顏不以瞋恨爾時三億天人悉發道心是持戒報須陀利者此曰善妙謗毀如來如來因是開化外學萬二千人令得解脫是忍辱報勢力堅強心常自視猶如菩薩行正慈心若墮獸中爲師子王假有侵剋默然受之用化畜生是精

進報若離其意加之不可默不與諍靜然受之。不抱在心是一心報。若以禪思講宣道化答所問義靡不得解。是智慧報。是爲六

何謂諸佛度無極有六事。若班宣法徧告佛國。悉使聞音。乃達上方。一究竟天。阿迦尼吒

特五

十六

是布施報。若演光明徧三千界。開化衆生。普令安隱。是持戒報。其以法雨弘寬曠。至化諸編髮梵志之等。使入大道。是忍辱報。變化神足顯其威神。優爲迦葉等類。悅豫伏爲弟子。是精進報。心念梵天。其心觀察。我不以虛妄

志存梵行。欲度諸梵。是一心報。以時開導。如師子吼。莫不蒙慈。慈如虛空。普覆一切。是智慧報。是爲六

何謂方便度無極有六事。昔有梵志名曰隨藍。廣有所施。各八萬四千。皆以勸助建立佛道。如比丘尼名大愛道。佛勸喻曰。以金織成。上於聖衆。說是語時。八百比丘悉入法律。是布施報。諸滅度佛。猶安隱學。以開外士。名曰須摩。在於欲中。則以六事調護其意。使受道律。是持戒報。雖在仁和。猶如往昔。有一菩薩

行忍辱時名羈提和加夷國王斷其手足及
與耳鼻血化乳澆心不起瞋無有瘡病念懷
大哀愍如赤子當時開度八十億天是忍辱
報勉已勤修猶如五通菩薩大士勉出五百
梵志童子令歡喜悅悉受道教是精進報若
聞經典勢力轉增乃至無極定意正受是一
心報恣意任力而班宣法隨其所好而度脫
之是智慧報是爲六

特王

十七

招致道乘來於一切造立道業成就具足是
曰持戒猶如申日此曰首寂因外異學興惡請佛
緣是受教入於佛道是曰忍辱亦如往昔盧
羅龍王心毒勇猛霜雹五穀及害萬民佛化
開導是曰精進本成佛道爲最正覺時佛默
然禪思不倦梵天來下請佛勸助唯垂說法
救濟三界是曰一心猶如蛇虺懷毒甚盛佛
來入火室開化入律降伏自歸是曰智慧是
爲六

何謂開化真陀度無極有六事夫自安身救

護他人一切所有施而不吝是曰布施猶如
菩薩名蓮華藏以金剛行心大堅強無所貪
吝一切衆生心計有身言有吾我用吾我故
等奉行法爲彼衆生寧失身命終不毀戒是
曰持戒猶如昔鼈度衆賈人令不溺死反懷
惡心抱無反復而念還害殺於鼈身一心安
慈無怨忿意是曰忍辱猶若有魚在於水中
牽掣人取食其身體及諸雜蟲來危人身在
中救之令有慈心是曰精進假使諸獸來欲
殺人悉能舍耐而不加惡是曰一心若諷誦

學億載經卷姦數譬喻以是聖明度脫他人
是曰智慧是爲六

何謂爲異度無極有六事若有所見飢乏窮
厄隨時與之是曰布施如號名聞梵志道士
大祠祀施我在中食因開化之而發道心是

增五

十八

曰持戒又其梵志勤設醫藥以治衆病加示
法藥咨嗟至德悉使衆生得生天上是曰忍
辱勤修身行解出家業雖未成佛勇悅如斯
是曰精進其以禪思超在山頂無上正真受
以三達知去來今是曰一心若以體解十八

永樂北藏

賢劫經

第四八冊

賢劫經卷第六

西晉三藏竺法護譯

侍六

三十七品第十三

佛告喜王菩薩何謂四斷度無極有六事諸惡不善未有生矣護令不起是六度無極合

侍六

集勢力消滅塵勞常使清淨是曰布施求不善報消除衆惡非宜事業是曰持戒解於自然非法之元化使入道是曰忍辱未生衆惡尋則盡滅興隆道法是曰精進勸化他人使入正真宣傳道業是曰一心究竟自然諸惡

不善使不復生因是心行長養道化是曰智慧是爲六

何謂適起尋滅度無極有六事若塵勞興親入其中覩見菩薩方便習真是曰布施患厭愛欲歎之不淨奉清淨業是曰持戒在彼斷穢遵修清白若盡惡習非法之元功德未生勤勸使興是曰忍辱若解了慧分別塵勞消衆愛欲是曰精進常在燕居專心禪思定意三昧是曰一心篤化他人六度無極興發善德度脫一切是曰智慧是爲六

何謂未與衆德因而興之度無極有六事若發諸善不捨虛乏積功累德每生自剋是曰布施若致善德益以好樂令使增長以惠一切是曰持戒遵空無事不盡德本以消衆惡不善之行是曰忍辱身心立行方便無緣因興道德是曰精進若奉法教攝衆倚想而不忘失定意正受是曰一心所造得興無不起發成就道明開化一切皆荷道慈是曰智慧是爲六

何謂以發立德度無極有六事以起衆善功

德之元不生惡行無益之義是曰布施以斯欣樂唯思至真不念小業無益一切是曰持戒察諸應宜而不懷恨除衆不順是曰忍辱所可將護未曾虛妄皆入於道是曰精進奉遵道力不爲羸劣強而有勢是曰一心順從習俗一切不墮邪見六十二疑勸助一切不抱妄想是曰智慧是爲六

何謂神足度無極有六事斷衆貪穢思惟經典以成神足未曾忘失是曰布施云何菩薩而具足成就從意所樂無所好念若以法義

而喜施與救濟危厄是曰持戒其樂堅固不可毀壞心不生根是曰忍辱若慕出家棄世榮樂以法自娛是曰精進若以正觀一切如幻三界若化是曰一心設好決疑無餘結網深入微妙是曰智慧是爲六

何謂四神足勤修精進度無極有六事若獲神足飛到十方無所罣礙開化一切是曰布施若以慇懃志於大業心進願樂願樂輕舉遊行天下是曰持戒勤修發意日日增進而不解廢并化衆生是曰忍辱逮得方便所當

興爲出家學道不好邪術是曰精進決衆狐疑悉使開化可意欣豫因發道心是曰一心所可勸助普入一切諸閭蔽人使識正真十方蒙恩是曰智慧是爲六

何謂心行神足度無極有六事其心平等盡

特六

衆垢塵常行清淨是曰布施若離愛欲不淨之行奉修清白是曰持戒曉了所生如是滅盡不得久存唯道可恃是曰忍辱逮得無想雖有所逮逮無所逮是曰精進心所建立除去所倚而無所住常遵正真是曰一心斷衆

結著未曾有縛心等如空是曰智慧是爲六
何謂所試神足度無極有六事所謂造行使
離愛欲無復貪塵是曰布施若逮真正不爲
危諂一切無犯是曰持戒勸助清淨而無瑕
穢常順衆諍是曰忍辱所可越度普入一切
衆生蒙荷是曰精進若能覺知諸所罣礙皆
是損耗不爲放逸是曰一心以棄蔽塞脫無
罣礙不失大辯開導不逮咸令深入是曰智
慧是爲六
何謂第一禪度無極有六事所勤方便逮得

功德不可限量是曰布施所觀察事善權隨
時不失一切是曰持戒其第一禪受攝方便
不失一心志存定慧常思仁和是曰忍辱若
消五陰成就五通遍入五趣而往化之是曰
精進以致一定專精心寂而無所生覩見十
方是曰一心五人至願不能堅固而違本誓
稽首歸命順從道教是曰智慧是爲六
何謂第二禪度無極有六事若以禪思斷衆
妄想疾得堅固是曰布施曉了無限不可計
處導利戒法因荷其恩是曰持戒覺悟衆生

自能分別一切悉空心不復起是曰忍辱若
靜燕居習自攝心而不放逸是曰精進若樂
解脫存不退轉不志小節定意正受是曰一
心所觀發明慙已哀彼一切普等不爲偏黨
是曰智慧是爲六

特六

何謂第三禪度無極有六事行第三禪忻樂
順安棄捐衆惡不善之業是曰布施方便勤
修捨諸妓樂志存禁戒是曰持戒其心專精
離於所好外衆邪欲不以歡喜是曰忍辱而
於其內察無常苦空不淨非身無所忘失建

立其志是曰精進其意堅固靡所不達行不
馳騁是曰一心以盡諸漏無復報應罪福之
患有無之業是曰智慧是爲六

何謂第四禪度無極有六事若以四禪斷一
切苦志於法樂永除衆惱無復諸難是曰布
施悉棄衆苦三界終始長樂無患是曰持戒
盡察一切周旋三界生死危厄究竟本無是
曰忍辱以得燕寂未曾想求存念逮得而無
所望是曰精進以致獲安禪思不慌定意正
受是曰一心以成清淨勸助甘露不死之藥

名曰法訓以療一切盲冥不達是曰智慧是爲六

何謂身意止度無極有六事云何身意止盡身不淨殺盜婬業奉身淨行不計有我是曰布施棄捐所有親親之宜無所戀慕是曰持

付六

五

戒若以好樂無吾我法不貪三界是曰忍辱一切所見放逸其心令得自在不從非法是曰精進若觀一切三世自然本無所有猶如幻化是曰一心見諸所非法自起滅本無所生悉亦無處緣對而興是曰智慧是爲六

何謂痛痒意止度無極有六事若使不顯心無所貪痛痒意止寂然休息不追衆緣是曰布施以觀苦痛不造禍福無復衆患是曰持戒篤信空義心無所生堪任一切諸所可行是曰忍辱不倚痛痒善惡苦樂亦無所著是

曰精進其以樂痛在於三界消三毒苦永無有餘是曰一心若以善斷一切諸痛志慕道法未曾有患是曰智慧是爲六何謂意止度無極有六事斷諸所樂五欲所思自見其心興發法念是曰布施觀彼瑕穢

自調其心柔順隨真是曰持戒觀察諸法令
意念止遵奉六度是曰忍辱若能禁制心所
馳逸使不邪行是曰精進若想他人心中愛
欲解悉本無是曰一心所見篤信依於緣便
奉空無相不願之法是曰智慧是爲六

何謂法意止度無極有六事觀諸法實爲示
顯明各使心開是曰布施一切所觀皆悉本
空盡察諸法猶如幻化觀衆本無是曰持戒
遵奉經典勤修報應以施一切無所增損是
曰忍辱若見危他常抱慈心棄捐衆害志存

道法是曰精進雖遊諸法了一切法無所倚
著其志寂定是曰一心順其上下十二緣起
曉斯元際本末悉寂是曰智慧是爲六

何謂見其苦諦度無極有六事自觀三世心
解皆空捨衆苦患無所希求是曰布施見諸

特六

苦元無一可樂因致生死皆爲憂惱是曰持
戒察衆苦事從已緣對而有此難悉虛無本
是曰忍辱觀諸苦惱悉從微起不能分別用
無覺故是曰精進視其諸苦由因集生自救
邪冥悉令清淨是曰一心如是觀者不爲邪

行斷一切苦使無根元何有枝流是曰智慧是爲六

何謂集諦度無極有六事若以集行心捨衆業五陰六衰是曰布施若見衆生五陰六衰十二諸入除去諸集是曰持戒若以和同生度無極成諸法行無上道業是曰忍辱若捐愛欲具道品法觀一切法覩見其元所因由生是曰精進若斷衆結一切受處而無所受是曰一心其觀衆難無益之法消害苦惱虛僞之患是曰智慧是爲六

何謂盡諦度無極有六事逮得盡苦遵修道義奉行無願是曰布施若以志樂滅盡之行盡無所盡爲以都盡是曰持戒除去衆想罣礙之本而復自然悉無所著是曰忍辱從本以來所更勤苦以滅衆惱長得安隱是曰精進

特六

志存精修燕坐獨處思惟三昧自伏其意是曰一心若不取證志盡衆塵無有愛欲正受定意心不懷亂是曰智慧是爲六何謂道度無極有六事若獲至真行與道俱和同不慌救濟衆厄是曰布施其觀道業順

從經典不反邪教因而化之是曰持戒其念非法若不念道勸助入法存在正真是曰忍辱其總持法攬三界無宣布經典傳承道教是曰精進假在道行不修世俗因其正真而不虛妄是曰一心若能解道隨其形類一切悉了各開化之是曰智慧是爲六何謂信根度無極有六事信斷衆惡悉爲本寂除不善行爲顯道元是曰布施奉行篤信樂一切法衆德之元悉無所生是曰持戒以懷至信得歡喜悅無有瞋恚是曰忍辱達無

所有以妙真有究竟執持一切諸法是曰精進以解脫根道德之原信勤精進衆根寂定是曰一心以能存信志在道品不慕邪念是曰智慧是爲六

何謂精進根度無極有六事所可勤修志御堅固奉行方便永無貪悋是曰布施不倚有爲不捨顯明寂於無爲是曰持戒身之所行一切形類都無犯害是曰忍辱志存玄迥慕大弘誓無極之哀是曰精進聽隨時節聞輒奉行而不懈廢是曰一心所學法普悉暢現

在後世之事度世之業是曰智慧是爲六

何謂意根度無極有六事若見真諦觀家居業衆穢之患棄捨所處是曰布施觀有爲貪不念無爲消諸所著是曰持戒察其逆順不習衆苦無所貪念是曰忍辱若能總持一切諸法永不忘失至道德本是曰精進行寂然持六義入諸所生心無所生是曰一心從如審諦不隨虛妄思惟諸法無有根本是曰智慧是爲六

何謂定根度無極有六事以定意根消除塵

勞難及玄虛無復衆患是曰布施棄捨諸亂得三昧定開示一切是曰持戒若心寂然未曾有亂得住定意正受之業是曰忍辱若志不樂諸因緣事甘樂法樂爲無上法是曰精進其心專一而無二念定意正受導利一切是曰一心強而有勢志不怯弱伏心自制行三昧定是曰智慧是爲六

何謂慧根度無極有六事志存聖明一切所有而悉消除衆塵之行是曰布施以致明達至遠玄妙心無所倚是曰持戒能爲衆生忍

一切勞生死周旋世世不廢是曰忍辱曉了
道義總攬至要解本清淨是曰精進以上聖
明寂然憺怕爲衆生故宣其本原是曰一心
以慧解脫奉無所行靡不通達三界蒙恩是
曰智慧是爲六

特六

九

何謂信力度無極有六事若有所信無所違
失如師子王子與衆共約未曾失信是曰布
施戒所立處而無所懈猶如往昔有象子食
以長其身菩薩如是服柔順法能思惟此以
成佛道是曰持戒正使人來破碎骨髓續習

慈心猶如蘇摩菩薩大士救諸蠕動雖有害
者其心不變是曰忍辱勤修精進未曾退悔
欲盡其原如竭大海所行如是消姪怒癡是
曰精進若以禪思如法悅豫行轉增進消除
衆想是曰一心所修聖慧而無所受所行如

法不違道教是曰智慧是爲六

何謂精進力度無極有六事行其忍辱隨時
方便度脫一切是曰布施若以勢力致於最
勝然可所作猶如俱耶國王之子力伏怨敵
是曰持戒若聞虛無隨順可之猶如須涅國

王夫人所行殊特柔輒仁和莫不歸伏是曰忍辱所奉勤修能行至真致大通達不樂懈廢是曰精進所行禪思普無不入救脫一切而無放逸是曰一心因明所生遂致成就隨時順義猶如往古鬱多童子誘衆伴黨是曰

智慧是爲六

何謂意力度無極有六事若在天界而無斷除天上五樂心不犯欲亦無所顯是曰布施若觀諸天天上玉女見其患難而無所著是曰持戒雖在天宮不貪天上不樂寶殿自然

百味是曰忍辱以作天人志在解脫離衆甘樂以法爲樂是曰精進若在諸天住在衆會其心不亂定意志法是曰一心爲諸天人班宣經典而志庠序不懷恐怖是曰智慧是爲六

十六

何謂定力度無極有六事一切所有施而不悋寂然悅豫若摩調王棄國捐王行作沙門是曰布施慎護身行無有口過將養其意心不追世是曰持戒舉動作事隨順安隱不墮非義是曰忍辱觀察諸法觀如真諦而無邪

念是曰精進其一切法衆學四輩志無上正
眞觀觀諸法空無所有是曰一心不倚世法
其心誓願猶如陶家成就衆器是曰智慧是
爲六

何謂慧力度無極有六事有來索頭即以施
與不逆其心若如往昔加夷國王敢有求者
輒施與之是曰布施救護他人不貪己身猶
如閼義斷絕王路菩薩爾時不惜軀命與鬼
神闘而降化之爲一切故開通王路使衆賈
客安隱往來是曰持戒昔者菩薩三反入海

欲脫諸難使衆人安將從歸家是曰忍辱所
興施與得其處所越衆河源七反入海致衆
財寶以救窮匱是曰精進以禪思度恣其心
意欲生何所天上人間十方佛前是曰一心
所遵聖明解如野馬善將護已勸助聖尊使
宣道法是曰智慧是爲六

持六

十一

何謂念覺意度無極有六事捨不善念專精
道念因思功德發無上正真是曰布施意所
依念思惟法相而自檢已令不馳騁是曰持
戒若志惟念合集諸法令不馳逸柔軟和調

是曰忍辱志所勤修無所望捨懷抱道志以
愍一切一心定意是曰精進強而有勢救攝
諸力令不羸劣是曰一心已脫意念順從義
力高德之義聖明難及是曰智慧是爲六
何謂法覺意度無極有六事選擇諸法奉清
淨行棄衆瑕穢是曰布施順求解脫宣傳諸
法以化一切三界之患是曰持戒棄捐吾我
無所戀慕唯念道寶無上正真是曰忍辱所
行正義選求經典六度無極三乘之藏是曰
精進普求諸法無有色像坦然玄虛無有處

所是曰一心推於一切諸所有處不可護持
本原自然是曰智慧是爲六
何謂精進覺意度無極有六事若能覺了一
切財業悉不可保心無所著棄世所有是曰
布施所行勤修永無所樂慕于道法志無上
真是曰持戒所勤修行了於三界天上天下
悉如幻化無所依倚是曰忍辱自調己心教
化衆生靡不究暢各得其所是曰精進所念
禪思斷諸結著求其本末不見根源是曰一
心明無所依不從他受曉了一切諸術音響

入第七地是曰智慧是爲六

何謂喜覺意度無極有六事和顏悅色愛法
無厭是曰布施護身三事口四意三是曰持
戒心柔輒好未曾起恚是曰忍辱念十方佛
無有邪想是曰精進其心寂安悉無所生是
曰一心聖明了了解一切空是曰智慧是爲
六

特六

十二

何謂信覺意度無極有六事身行篤信表裏
相應是曰布施心懷篤信無有邪想是曰持
戒在於生死不廢貪嫉是曰忍辱所懷篤信

未曾斷絕通達大理無所蔽礙是曰精進合
集諸信而不散失無上正真度脫一切是曰
一心觀察諸盡使無所滅好樂正真救濟三
界是曰智慧是爲六

何謂定覺意度無極有六事所行精進而不
懈廢若得定意見十方佛是曰布施逮得寂
靜離衆愛欲不貪榮利常志大道是曰持戒
所止定意受諸道品奉八正路菩薩之法亦
無所取是曰忍辱其意平等了一切空本末
自然無所破壞是曰精進使諸住見六十二

事羅網自纏陰衰蓋已了本無自然消盡
是曰一心若得逮聞以諸法盡本無所生一
切寂靜解空無礙是曰智慧是爲六

何謂護覺意度無極有六事皆能放捨所可
愛重無所貪惜能救衆厄窮於道法是曰布

持六

十三

施護身口心不犯十事奉行十德是曰持戒
寂察衆生十二牽連用無覺故菩薩暢之無
所倚著是曰忍辱遠諸本末攀緣稱說而無
所習奉行六度是曰精進心思衆生由犯穢
行墮在惡趣爲之愁悵慙傷雨淚是曰一心

斷諸所生使無所生見衆患難一切諸法本
無所有是曰智慧是爲六

何謂正見度無極有六事若解正見捨衆邪
業無益之原是曰布施暢達以至終不虛妄
常行至信是曰持戒體了行已清淨伏意歸
於大道度脫一切是曰忍辱以能自制慙念
他人一切三界生死勤苦遵奉勤修是曰精
進志於無上棄捨三世而離自大卑心自伏
是曰一心得真諦報捨衆邪見行關士法靡
所不通是曰智慧是爲六

何謂正念度無極有六事等思斷除一切所作而無所作功德善本是曰布施以正諦念常思道法不捨愛欲猶如蓮華是曰持戒所云地者謂其地主從其因緣而堪任之受佛法教分別身空是曰忍辱以平等念棄捐衆想在於一切諸所合會而無合會積功累德是曰精進勸助一切諸善功德悉皆本空不可分別是曰一心所修正見現世後世度世之法真諦清淨是曰智慧是爲六何謂正方便度無極有六事古無惡言善教

加人開示道法以救一切是曰布施所行清淨而無穢濁宣菩薩法是曰持戒宣至真言不傳世俗無益之教是曰忍辱處在世間常護語言不樂俗談是曰精進常行專精其心無想寂然憺怕其行無二定意正受是曰一心所言至誠論道說義不演餘談是曰智慧是爲六

何謂正業度無極有六事所修正業無有罪殃以德自衛奉行三寶是曰布施速得所願具足衆德而無非法無益之行是曰持戒所

應隨順無有顛倒悉解無常苦空非身是曰
忍辱一切所趣不御現在不可之業是曰精
進所受奉行十善六度永無所著是曰一心
所遵正業未曾妄想不志邪本是曰智慧是
爲六

何謂正命度無極有六事又隨時宜方便化
人以時行可意立正命矣是曰布施若已滅
度所習住命不貪其身是曰持戒若見衆生
本元純淑而興愍哀欲使入道是曰忍辱若
以諸法知之歸盡道不可盡是曰精進在於

衆生無所用命以道開化一切衆生是曰一
心不以衣食而自立命唯志道法是曰智慧
是爲六

何謂正意度無極有六事意普觀察有爲之
事本悉無爲雖在無爲而不取證是曰布施

特六

十五

若等善惡功勲穢濁而無有二一切諸法亦
復如是是曰持戒德行不斷日日轉上至不
退轉地是曰忍辱甚吾快報不可限量念施
一切十方人民是曰精進等見一切諸法根
源皆如是諦本無所有是曰一心若奉寂然

本末悉空無所忘失無能侵者是曰智慧是爲六

何謂正定度無極有六事若樂正見不隨邪疑斯行正見無有邪業是曰布施建立平等正真之行奉菩薩法是曰持戒若以正定見安隱脫不爲邪業是曰忍辱其以等寧奉開士本夙夜不懈無所受倚是曰精進懷來安隱如心所願所作善業詎受泰然是曰一心以三昧行斷絕伴黨無是非心是曰智慧是爲六

寂度品第十四

佛告喜王菩薩何謂寂度無極有六事假使能斷諍訟之法性常和調是曰布施若身口心篤信悅豫不犯諸法與道合同是曰持戒以無陰蓋五陰六衰受正無礙是曰忍辱其三昧定無能動搖姪怒癡心不能染之是曰精進聖慧所行無能分別隨時方便度脫一切是曰一心所願普至周遍一切去來今法三世無礙是曰智慧是爲六何謂所觀度無極有六事所未聞法而得聞

之以用開化一切衆生是曰布施不得諸見
本無邪疑以度一切瑕穢衆罪是曰持戒能
得開化無數衆人使發道心愍念危厄是曰
忍辱口所宣布佛正真行常得成辦并化他
人是曰精進若能次第暢達諸法三十七品
持六
十二緣起是曰一心其在智慧了一切空不
有相願解無所有是曰智慧是爲六
何謂樂明度無極有六事若能應時離老病
死衆患之難宣示道法無上正真是曰布施
以明消滅愛欲之惱無上大道自然爲伏是

曰持戒若以聖慧一切普定等無邪業悉行
菩薩是曰忍辱一切普安以晃昱明志存道
地靡不周遍是曰精進若以明耀普受一切
諸法根源了無處所是曰一心其用聖慧皆
知一切諸法經典十二部藏是曰智慧是爲
六
何謂來解脫度無極有六事志所解脫柔輭
安隱常好救厄衆生苦患是曰布施除於一
切所止罣礙使無闇蔽是曰持戒若有所受
棄捐衆穢常修梵行因其行業恒奉行德是

曰忍辱一切普愍十方世界歡悅憺怕心無所生是曰精進常能隨時堪任忍辱一切苦樂不以增減是曰一心常以法教不違道法所在一切至真無虛是曰智慧是爲六

何謂入比丘聖衆度無極有六事若能化立

作六

十七

一切諸願志存道願是曰布施隨其所樂建立一切化之以道是曰持戒其以寂然所願憺怕心不憤鬧化之節限是曰忍辱所行殊特與衆超異不與俗同是曰精進心所受法常使真正總持諸法而無放逸是曰一心寂

然專行至于脫門空無相願不中取證是曰智慧是爲六

有八部衆會亦復如是等無有異何謂八部義度無極有六事若宣布義爲解非義不可用心了正真義是曰布施可一切衆三界天人心之所好法誨宣布是曰持戒若敷演義無有瑕穢常修清淨慈仁心和是曰忍辱所講至誠具足廣布爲他人故班宣道教至于阿迦膩吒天宮悉荷道義是曰精進以義等意可悅一切是曰一心所住立處無瞋恚法

以法勸化是曰智慧是爲六

何謂繫解法度無極有六事若逮諸法而無所失順從道慧不違正法是曰布施除彼我想不計有身三界自然無所倚著是曰持戒言行相應不相違越身口心行常定相應是曰忍辱夙夜勤修而不斷絕戒定慧解度知見法是曰精進常住道法不順非義化以四思加於衆生是曰一心常行至德不爲小節無益一切無有異意是曰智慧是爲六何謂分別順理度無極有六事若宣化說十

二隨順壞惡衆穢消於五濁是曰布施若以寂然化諸迷惑至于滅度及度一切是曰持戒其隨世俗言談說事因而教之普至一切是曰忍辱若以能捨姪怒癡行是一切非衆想邪心是曰精進靖思禪定三昧正受不發衆念無益之思是曰一心所以奉行聖達至慧以歸解脫無著無縛是曰智慧是爲六何謂辯才順理度無極有六事若爲衆人宣若干品辯才之慧是曰布施言辭至妙和柔潤澤遠近無不歸之是曰持戒能可一切來

持六

十八

聽者意以開著心是曰忍辱教言普遍無有
邊際聲聞十方是曰精進名德遠著天上天
下功德悉足未曾斷絕是曰一心其至法藏
無所從生入於三界乃達滅度是曰智慧是
爲六

何謂無厭度無極有六事爲諸會者講說經
道未曾懈倦念度一切衆貪嫉者是曰布施
愍傷衆生而開導之示以三寶佛法聖衆初
亦不厭是曰持戒自以精進不行瞋恨寧碎
身骨建立周遍普等之心使法流布是曰忍

辱若以神足飛行遍至用心慇懃時化愚冥
諸應度者是曰精進隨其所欲三昧正受而
訓誨之令存道行是曰一心諸欲聞經從其
人數願樂時聽尋爲說法是曰智慧是爲六
何謂施度無極有六事若有法教所可施與
以用勸助普於一切各使得所是曰布施所
可施與其身口心柔軟和悅以法化人是曰
持戒好樂惠與不逆求者和顏悅色是曰忍
辱所施調意念行方便去諸不善淨修功祚
是曰精進其心清徹不懷穢濁清志定意慇

十六

十九

於一切是曰一心所施人以是功德勸助
佛道亦化衆生使發大意是曰智慧是爲六
何謂戒度無極有六事所奉禁戒慈心爲本
常以無畏加於一切是曰布施無畏不懷瞋
恨護身口意三事無犯是曰持戒常抱慙傷
心哀一切無傷害意猶如慈母育其赤子是
曰忍辱設以方便擁護禁戒寤因慙恥無益
一切是曰精進慈加衆生心學謹慎以爲元
首常專其志不爲放逸是曰一心以是慈慙
所奉禁戒常行精進發起一切諸不達者勸

助佛道是曰智慧是爲六
何謂忍度無極有六事若柔和心志存悅豫
普安一切是曰布施若爲衆生忍衆患難無
數劫中不以爲勞是曰持戒求於生死長遠
之難本末所在不見所湊是曰忍辱常抱和
悅而求方便不以懈廢是曰精進慙傷衆生
諸危厄者而降伏之是曰一心以是忍辱常
行仁和心不懷害勸助佛道是曰智慧是爲
六
何謂進度無極有六事慙傷於俗應病與藥

各令得所是曰布施志在方便無所加害常
行慈心是曰持戒得諸限礙而致解脫如應
惠施是曰忍辱在於異處不失應節一切如
法是曰精進若以勤修晝夜不廢無所毀損
是曰一心以是精進勸佛境界使發道心奉
遵正業是曰智慧是爲六

持六

二十

何謂寂度無極有六事若以慈心向於諸人
愍傷衆生是曰布施憐念一切三界衆生而
降化之入於深法是曰持戒傷於世俗愚冥
之衆示以道宜心導御之是曰忍辱若出家

學無上正真志存寂然不爲放逸是曰精進
諦思法施以開化衆諸不達者而班宣法是
曰一心志性清淨而無垢濁順從滅度不中
寂滅是曰智慧是爲六

何謂智慧度無極有六事若以經典法施於
人使發道心是曰布施若有所說離於衣食
不貪利養是曰持戒若以法施不倚俗業不
用懈倦是曰忍辱入於一切總持諸法無所
不攝各令亘然是曰精進以諦思惟三世大
難數演法施是曰一心若以本淨本無之義

宣布道教有所導示不失其原是曰智慧是爲六

何謂眼報度無極有六事若以好眼愛敬衆人不以加害是曰布施若以其眼有所觀察悉了無益唯法可恃是曰持戒所見曠遠而

特六

并一

無限量不得邊際元不可盡是曰忍辱其眼寂靜而無所著一切衆色悉空本無是曰精進所覩悅豫見者歡喜以法爲樂是曰一心諸來見者身心歸服普共踊躍能至究竟是曰智慧是爲六

何謂耳報度無極有六事耳有所聽無所違失常存在法不爲俗想是曰布施其耳清淨無有穢濁解一切音本悉寂然是曰持戒若有所聽其音清徹而無邪想是曰忍辱耳有所存覩其微細不可限量是曰精進察其懸遠耳悉逮聞知之皆空無益於人是曰一心聞無所有聽無堅固猶如呼響是曰智慧是爲六

何謂鼻報度無極有六事若鼻清徹了一切空不有所嗅是曰布施而其鼻根息無所念

唯忘道心無所損失是曰持戒寂然恬怕而知止足是曰忍辱所喫順誼無所犯負不在情欲是曰精進鼻無所受不貪衆香而無放逸是曰一心鼻有所嗅知其瑕穢無益一切損耗學心是曰智慧是爲六

何謂舌報度無極有六事舌雖得味不以貪樂離於喜悅甘于戒誼是曰布施語言了了唯宣法教是曰持戒若無數衆及其言辭宣示問學是曰忍辱設使識念無限之慧爲人解說是曰精進滅其鹹酢舌之所習五味所

利是曰一心舌有所說常傳道教廣有所曜是曰智慧是爲六

何謂身報度無極有六事身有所豐財業經典以惠世間是曰布施無數衆人咸瞻仰之以奉受言是曰持戒其身所以作人尊貴用

持六

十二

供順佛而有威德是曰忍辱體強有勢靡不依之一切衆生悉共蒙荷是曰精進形柔輒好常以和悅顏貌光澤是曰一心清白潔白多所堪任開化衆生是曰智慧是爲六何謂心報度無極有六事其心平等普順遍

入一切衆生是曰布施若意所念多所悅豫
莫不法行是曰持戒所可度脫樂現在義不
爲非義是曰忍辱其意覺疾僉然通達心無
所礙是曰精進所遵奉行常遵道法順從和
雅是曰一心其稱音響遍入諸法一切衆生
教之定法是曰智慧是爲六

何謂愍他勸助度無極有六事訓化他人有
所施與猶如過去有人其人名曰號是生子
救護天下閻浮利地一切衆生皆勸化之入
佛大道而開導之是曰布施以戒勤修咸安

他人以斯功勲致其報應猶如飛鳥衆輩集
會吐水滅熾火是曰持戒以和哀人用加生
死立如梵天愍念黎庶忍於衆勞是曰忍辱
精勤教人若如病者遭值兩命其壽未盡懷
愍傷心有醫親近念之靡已即越二萬八千

特六

廿三

里野往詣其所致於醫藥療治其病菩薩療
治一切如是是曰精進若以禪思而愍他人
猶如加賓黃色仙人興立城郭哀衆生故是
曰一心若以智慧普安天下使諸念典壽在
天上若在十方受其天身皆消怨賊隨河流

逝乃至龍所是曰智慧是爲六

何謂慙己度無極有六事爲己所興有益之業并安衆人能成辦是曰布施身自隨應積衆德本不爲禍害是曰持戒其體嚴莊若上妙華其色猶然是曰忍辱其爲己身夙興夜寐不以懈廢救衆危厄是曰精進身常精修念己之故願生天上十方佛前是曰一心七反劫燒成已復敗終已復始往反此世不以迷惑如加賓王是曰智慧是爲六何謂法度無極有六事以若干色莊嚴瓔珞

本施所致得是功報是曰布施不住顛倒無所倚著唯志經典是曰持戒設能消除婬怒癡垢衆生之想是曰忍辱以佛經道行度無極無有二行因其方便是曰精進行平等心永除所著心無所求是曰一心光耀振明照于十方一切諸法爲暢分別上中下法真不有二是曰智慧是爲六何謂宜度無極有六事所施之報果致大富因興經道是曰布施其所奉禁果致生天常思法行不慕天安是曰持戒其忍辱果無恐

章句斯則其誼是曰忍辱常精專思欲度一切是曰精進所可禪思勸助所生斯則其誼名曰一心若合集智增益聖慧常不損耗斯則其誼是曰智慧是爲六

何謂剖判解度無極有六事所行精勤不壞

持六

廿四

其身是曰布施以斷衆想希望之業解脫而喜是曰持戒逮得法忍而無廢失是曰忍辱所行吉祥一切普備是曰精進所可禪思致滅度果是曰一心所修聖明致獲諮受逮得金剛三昧是曰智慧是爲六

何謂樂勸助度無極有六事假使布施不志睡眠不起我想如大名稱有九十六諸大叢林在於一切諸大藏處王以惠與開化衆人而受分衛猶如無罪國王之子離於所居終不妄語如身本時救衆危厄不作惡罪是曰布施若以供養父母師友尊敬其身究竟不懈及其經典及知至佛無諸疑網是曰持戒若以柔和護於他人如自棄身不利血脉龍王所護猶曾法師精進勤修三萬二千歲所習作行不以愁感初求懈怠以化一切是曰

精進所以禪思愍傷衆生棄捐諸惡在閻浮
利天下哀念衆生人民受五細滑慈念可愍
故引古喻以明解之是曰一心其至聖明如
大六通是曰智慧是爲六

何謂空度無極有六事若能逮得空行三昧

特六

廿五

不起想願是曰布施其意曠然猶如虛空不
可限量是曰持戒以能獲致不退轉地得受
佛決見十方佛是曰忍辱夙夜勤修而不懈
廢力勢日進是曰精進其心常專定意不亂
正一不忘是曰一心堅固無難一切所作永

無衆患是曰智慧是爲六

何謂無相度無極有六事若常以時救濟危
厄諸窮乏者一切無相是曰布施謹慎諸行
護身口意三無所犯是曰持戒常修謙恪不
懷輕慢是曰忍辱所作功德不以懈廢而用
勸助諸不逮者是曰精進出家志法諸學追
慕道意日進未曾斷絕是曰一心已無三毒
復斷他人姪怒癡垢使歸命三尊是曰智慧
是爲六

何謂無願度無極有六事若能疾逮無所願

本唯垂愍念三界之患是曰布施其離於觀
無所輕慢得無所得乃應道化是曰持戒在
於三界而無所著誘化衆生生老病死是曰
忍辱其內有行常護身口心無所犯負無所
違失是曰精進所修方便去衆瑕穢無益之
行至於解脫是曰一心若被德鎧所志弘廣
濟於一切周旋之難是曰智慧是爲六
何謂行別異度無極有六事坐佛道場日日
常服一麻一米尋求窮乏以欲惠濟不以爲
勞是曰布施若在其身精氣靜定不爲放逸

是曰持戒逮得見佛以學諸法衆行備悉是
曰忍辱其所懷來暢達諸法一切本無解無
分別是曰精進與解脫俱并濟一切衆生危
厄使存道意是曰一心其心靜然入於憺怕
心無所生了其自然是曰智慧是爲六

侍六

廿六

何謂解他度無極有六事昔有賈客離於波
利割身所食心清行淨上佛供養是曰布施
文鄰龍王出見繞身心無所犯住立而侍是
曰持戒釋梵來下見佛寂然不演道法勸助
說法是曰忍辱時以佛眼普觀十方進退隨

時導利群黎是曰精進一心七日觀樹之恩
欲使一切有反復心是曰一心以見勸助便
轉法輪八音暢達周遍十方是曰智慧是為
六

何謂勤用意禪度無極有六事時見佛得道
念勤勞者是曰布施往來教化度於五人觀
現變化聞其所說尋輒啓受是曰持戒棄離
自大順從法律以化不逮是曰忍辱而以甘
露不死之藥而開化之是曰精進五人應時
除異想念是曰一心以道甘露灌飲貧匱消

姪怒癡度五億天人是曰智慧是為六

賢劫經卷第六

第六

音釋

并七

攬盧救切與覽同阿迦臚吒
利切吒許救切鼻梵語也此云質礙
竹嫁切嗅挫氣也鹹酢酢胡謨切燒失
也切鎧苦亥切也

永樂北藏

賢劫經

第四八冊

賢劫經卷第七

西晉三藏竺法護譯

侍七

十種力品第十五

佛告喜王菩薩何謂有處無處深淺遠近度無極有六事從其處所逮得審諦了其本末

侍七

是曰布施所可識知解三界空等無有異是曰持戒諸所曉了悉以分別而得普入仁和之地是曰忍辱其弘誓行至德之業強而有勢是曰精進毀壞衆穢十二緣起令無有異是曰一心所可遵奉而以知時不失聖教是

曰智慧是爲六

何謂知去來今度無極有六事若能除盡所作衆業眼耳鼻口身心所犯是曰布施若能消滅諸緣報應生死禍福是曰持戒斷棄所因五陰六衰因緣之對無有事業是曰忍辱若離罪福自然消除三界生死是曰精進憺怕懼然斷色痛想行識了無所有是曰一心所遵奉行使無所生其志亘然以道爲元是曰智慧是爲六何謂知世若干種類度無極有六事假使衆

生斷若干種衆雜之行不以恣意是曰布施
斷若干種陰蓋諸入奉行遵修六度無極是
曰持戒雖在諸種不計有人了諸虛無是曰
忍辱由在諸品應病與藥令三界衆生三毒
消除是曰精進處於四大除貪不計導御衆
迷消諸所有是曰一心在於諸種思惟識念
解一切空是曰智慧是爲六

持戒心自然解一切本無無所不通是曰忍
辱若能解了男女壽命苦樂善惡觀此六根
了無有本是曰精進其能分別信戒定慧此
五根者習道之元是曰一心若能通暢在所
分別是他人根諸殊異念一切解了衆生此
根是曰智慧是爲六

何謂解世好不好若干行度無極有六事隨
人所好尋爲開化應病與藥是曰布施所集
勸誨慈心一切無所傷害是曰持戒從其所
樂隨時消除一切衆罪所犯諸惡是曰忍辱

決其疑網盡衆懈怠是曰精進消諸所生及無所生都使永盡是曰一心順其所好而令寂然以權方便而消化之是曰智慧是爲六何謂智普入諸行欲縛解縛衆欲方便度無極有六事若能解了衆苦根元而燒盡之熾然道教是曰布施知諸惱源速棄衆患姪怒癡垢是曰持戒體解道誼施以安隱消除衆患是曰忍辱超疾暢達至無上道長樂法樂是曰精進分別諸行罪福所歸五趣本末是曰一心以知行趣有無之處生死泥洹是曰

智慧是爲六

何謂根力覺意一心脫門定意正受度無極有六事若以此法惠斯安隱不造衆惡以恩加人是曰布施若平等施貧貴無二而無偏黨是曰持戒愍傷他人以法勸助入於道義是曰忍辱自愍傷已神寄其中本非我有不計有身是曰精進解一切空消除名稱愛不自大是曰一心以解無常苦空非身無吾我人以此化衆是曰智慧是爲六何謂識念過世度無極有六事若識往古宿

世所更無數劫事以用誨人是曰布施知在
天上人間地獄餓鬼畜生五趣所歷是曰持
戒分別罪福善惡所趣悉伏其心是曰忍辱
曉了塵勞愛欲衆穢而無所著是曰精進其
心體解一切皆空寂無有想是曰一心消滅
一切諸所有業覩見一切衆生根源是曰智
慧是爲六

何謂天眼度無極有六事天眼所覩見於禍
福善惡所趣是曰布施所應奉行不犯殃墮
常志道行是曰持戒所覩廣遠無有邊際見

衆生根是曰忍辱若見一切不以惡狀開化
盲冥是曰精進察衆闇蔽有路無路是非所
趣是曰一心顯示光曜令得自歸緣是得度
是曰智慧是爲六

何謂諸漏盡度無極有六事覩諸穿漏瑕疵
無益棄之習道是曰布施不樂諸漏婬怒癡
念志存道法是曰持戒不習諸垢常修清淨
是曰忍辱開化衆心曉了諸想陰蓋諸入不
爲放逸是曰精進體解諸漏習從道教多所
通達是曰一心入於生死勤在諸漏開化衆

生令發道意是曰智慧是爲六

四無所畏品第十六

佛告喜王菩薩何謂以成正覺解了斯法第一無畏度無極有六事逮得佛道清淨盡患生老病死是曰布施心存無爲志弘誓願無上正真是曰持戒以真諦觀一切皆空無有邪見是曰忍辱一切悉解三界所生悉以無根靡不通達是曰精進爲一切智暢化三界諸天人民及三惡路是曰一心遊八部衆宣布道化各令得所而無所畏所願已成是曰

智慧是爲六第一無畏

何謂平等了諸漏盡第二無畏度無極有六事佛者無漏諸漏已盡一切無難是曰布施無有處所止處已斷無有欲界色無色界是曰持戒所生無生俱無所起是曰忍辱所經名稱玄虛無際不可得元是曰精進志懷誓願以越度世諸有八法是曰一心存于解脫輒獲無失逮無上正真是曰智慧是爲六第二無畏

何謂佛所說法真要無比咸受奉行第三無

畏度無極有六事所可遵修了一切空知起則滅合會則散是曰布施以盡三毒諸行放逸而不馳騁是曰持戒所云滅者盡所生處永無所生是爲忍辱以消衆失眠耳鼻口身心所犯無能得便是曰精進以建立道欲度衆生除衆俗業無益之元是曰一心若至勝門生死以盡慧不可盡是曰智慧是爲六第三無畏

何謂內應等法無能廢意第四無畏度無極有六事其內正法得三昧定無能起心令不

安者自然垢盡是曰布施其無所生亦莫能盡持智慧法是曰持戒消于無常一切法空解道爲常是曰忍辱所謂內事無能蔽者以盡有罪之元是曰精進無能呈礙盡不成就皆使成辦是曰一心所以聖明一切自然無能蔽礙佛道至深能一切決滯劣中容決了明達衆生根元是曰智慧是爲六第四無畏何謂大哀度無極有六事以懷大悲愍傷一切衆生之類心不有恨是曰布施其心平等欲度衆生生老病死未曾偏黨是曰持戒若

於衆生常行守法以仁報之可悅得安是曰
忍辱往來周旋每濟衆生勤苦之患是曰精
進隨其所好上中下行而開化之是曰一心
遊於三界終始無量度生死厄是曰智慧是
爲六

何謂肉眼清淨度無極有六事若能清澄地
種水種心如地種而不可動洗除心垢猶如
水也是曰布施其能建立火種風種燒盡衆
惡是曰持戒設燒生死令無有餘瑕穢悉消
不抱瞋恨是曰忍辱目之所覩無所不見光

明遠照是曰精進所行慇懃見一切元心念
是非是曰一心所觀十方亘然無邊所濟無
厭是曰智慧是爲六

何謂天眼清淨度無極有六事其以天眼見
諸色身端正好醜長短廣狹白黑肥瘦而往

情七

六

化之是曰布施知其身行名字心性身所生
土見身往來周旋之處是曰持戒觀其身行
分別是非合散成敗是曰忍辱察天地壞復
還合成生天人物是曰精進若見報應罪福
善惡道俗明冥是曰一心見諸次第遠近深

淺空無相願度三脫門是曰智慧是爲六
何謂慧眼度無極有六事以成慧眼普見一
切其諸衆生根本始源無所從生矣是曰布
施以能成就逮獲解脫無有衆結是曰持戒
既有所獲建立其心存於道義是曰忍辱所
致堅強建立普遍觀於十方悉亦了了是曰
精進其所觀者猶如眞諦審不虛妄是曰一
心志懷悅豫亦無所生不墮罪患道意無窮
是曰智慧是爲六
何謂法眼清淨度無極有六事若能逮得諸

佛之法十八不共是曰布施自身致斯佛十
八法往濟惡趣十八苦毒是曰持戒所觀因
緣品第高下深淺微細是曰忍辱以觀一切
三界所有本悉自然是曰精進憶識本末應
病與藥以治三病是曰一心所見不虛不爲
愚觀^{特七}巨然開化一切衆人是曰智慧^七是爲六
何謂佛眼清淨度無極有六事以佛眼見無
所障礙悟不覺者是曰布施所察愍傷一切
衆生三苦之惱是曰持戒度脫衆生不遭諸
難永得久安是曰忍辱所視無量玄遠無底

不可爲喻是曰精進觀其根本若枝葉果以熟欲落而就挽之是曰一心見本末然從緣而起以了本無則無所生是曰智慧是爲六何謂自在度無極有六事若得由已作行究竟而不中止是曰布施所行到處輒得所願不違要誓是曰持戒自在立行遠得無想救諸所著是曰忍辱仁和柔順分別以解於一切慧是曰精進一切皆盡慧不可盡是曰一心解一切法明慧聖要化諸不逮是曰智慧是爲六

何謂娛樂度無極有六事所施與者離于希望猶如虛空化五百蓋覆比丘衆若梵志聚名曰頭那井中水泉自然甘美是曰布施若入城里人民普安莖篴樂器不鼓自鳴是曰持戒諸根不具盲聾瘖瘂跛蹇疾病蒙其光明悉除衆患是曰忍辱演其光曜照於十方無量佛土皆荷衆人是曰精進在維耶離城城中內外各各變化八萬四千諸佛身形是曰一心彼時因隨爲八部衆班宣經道各使得解是曰智慧是爲六

何謂難得自歸度無極有六事威儀禮節安然庠序功德甚廣能攝受空是曰布施以能曉了諸佛世尊至德玄遠難不可當是曰持戒所行堅強方便隨時不失其節志願無違應病與藥而開化之將護衆業能化毒蛇提持七在手中以至誠故永無所畏用神足呪故不以爲難是曰忍辱如目捷連疾解化魔佛與其俱度彼土衆不自覺反還在祇樹葉鉢中水旦汙佛地是曰精進如佛弟子舍利弗言一時須更有四十九心起爲生死業佛言不

可計是曰一心如佛言曰時有一城其中衆人而有重罪不計道法誹謗高德如來至真於一夜半爲說經典棄其重罪精進暢達得六神通是曰智慧是爲六十八不共法品第十七

佛告喜王菩薩何謂十八不共諸佛之法事有十八何謂無毀滅度無極有六事應時開導具足德行令無缺失是曰布施若除伴黨不偏所爲爲無有失是曰持戒所說至要言無有失身口心寂是曰忍辱應其果報不違

本旨從始發意至道無二是曰精進從其誓願各使得所不違本要是曰一心至心脫門長獲安隱無有衆難是曰智慧是爲六

何謂無著無虛言度無極有六事所說開化皆宣純淑不爲雜碎是曰布施以得三達知

特七

見去來念常清淨所行無穢是曰持戒不懷害心向於他人恒抱仁慈是曰忍辱隨其人心欲有所好而爲解說便令喜悅是曰精進爲無等倫宣布微妙猶蜜甘露加之於人心使悅豫是曰一心若爲班宣消除衆結狐疑

羅網以自纏縛是曰智慧是爲六

何謂無脫忘度無極有六事其心放捨功德無斷自然定矣是曰布施以一切德勸助其意使發道心是曰持戒所行無邊遵修至義永無罪殃是曰忍辱逮得一切衆德之行正真學法是曰精進常識三世去來今事未曾忽忘是曰一心因其樹生寂然長大諦念道法不以失本是曰智慧是爲六

何謂心定度無極有六事所云平等心無所生興隆道法是曰布施所可宣揚依因遊居

不失道法是曰持戒其所依倚以法開化多
所喜悅是曰忍辱其所遵奉六度無極正真
之道皆爲他人是曰精進自攝其心以恩濟
人而開導之是曰一心一切隨時如其所願
其行無底各令悅豫是曰智慧是爲六

何謂觀寂無爲度無極有六事所願已成吉
如憺怕是曰布施依仰於人而寂然安是曰
持戒行其愍哀察護諸業猶如道場是曰忍
辱一切普護三界衆生示以道心所行無邊
是曰精進所可將養而爲一切愚惑之衆宣

暢正法是曰一心雖爲說法化身口意令無
所犯不著三界是曰智慧是爲六

何謂無有若干度無極有六事若以不生若
千品想存心在道是曰布施其如是想興顯
道德不離正真是曰持戒若以無意不爲思

持七

十

想常一定意是曰忍辱未曾毀犯彼已性行
護身一切是曰精進勤修應行解知其時不
失聖節是曰一心皆能達暢五趣生死往來
周旋一切根源是曰智慧是爲六

何謂所樂度無極有六事若心念樂自護其

心慙傷他人是曰布施設使心思往古今世
慙念己身以哀一切是曰持戒若復喜樂講
說經典不爲俗業是曰忍辱常用隨時一切
至樂無上正真是曰精進假使好喜佛法聖
衆斷衆愛欲不善之行是曰一心若除諸邪
九十六種志甘露味是曰智慧是爲六
何謂不失精進度無極有六事所造勤修奉
行道法德不損耗一切備悉是曰布施若以
心悅哀念一切不以害心向於他人布施精
進是曰持戒若訓誨時示以道法悉能堪受

是曰忍辱若以法明所觀一切無所傷害是
曰精進一切所講乃說其本識其宿命乃了
無際是曰一心所解義理不可限量是曰智
慧是爲六

何謂無有失意度無極有六事意所識念乃

持七

知前世無數億劫而無邊崖是曰布施所憶
迴遠無央數劫積累功德是曰持戒若以察
知如審清淨永無垢濁是曰忍辱識了所好
從初發意古今所行是曰精進心入所念念
一切法進退本末是曰一心斷一切想各各

十一

不同憶念宿世分別曾所更歷是曰智慧是爲六

何謂不失定意度無極衆行有六事受四等心慈悲喜護定意正受是曰布施設能啓受立四意止無身痛想法是曰持戒奉行至德修四意斷斷無所斷是曰忍辱以逮神足飛到十方教化一切是曰精進若行禪思受得成三昧定是曰一心若以聖明諮受道慧而不虛妄是曰智慧是爲六
何謂不失慧度無極有六事若受慧根智不

可量知衆生元是曰布施力勢堅強獲智慧力乃至佛十力是曰持戒逮得覺意寤化導示諸不覺者令得達明是曰忍辱以曉了心啓受道義行不可計是曰精進逮分別解十二緣起知因牽連由不覺故是曰一心以斯聖明致十種力四無所畏十八不共諸佛之法是曰智慧是爲六

何謂不失解脫度無極有六事身力堅固心若金剛不失至要是曰布施處在大衆若在獨處心常如一無所亡失是曰持戒遊于擾

憤衆鬧之中而不迷誤是曰忍辱解知他人
衆生性行所念善惡是曰精進安諦建立無
上大道不滅盡慧是曰一心以無生慧消去
處所使無所存唯志經典是曰智慧是爲六
何謂解度知見度無極有六事所行至實不
爲虛偽輒得如願是曰布施其所覩見唯見
特七
無爲度衆有爲生死之難是曰持戒察欲之
穢觀其本末從因緣起是曰忍辱從地至地
備具諸住建立果處十住之業是曰精進禪
思行道心之所生以逮住處是曰一心若著

衣被加之在臂方便剷除一切衆惡無所亡
失不違解脫是曰智慧是爲六
何謂知身行慧明所轉度無極有六事身行
勤修一心正行守身口意不以爲猒是曰布
施導化其體不殺盜姪而無所犯是曰持戒
奉修十住不使所住有罣礙業是曰忍辱專
精一心立衆德本以施一切是曰精進令無
數人得其報應十方福報是曰一心以身告
教而顯神足飛到十方見諸佛說法是曰智
慧是爲六

何謂口行轉進聖慧度無極有六事口所班宣說無上法曾所更歷解決諸法未曾厭倦是曰布施其音普至入一切心令行清徹是曰持戒開化衆會悉令通暢無上正真是曰忍辱所演法訓其聲周遍徹于十方是曰精

特七

十三

進常憶至行不爲虛損至真專精篤信思惟是曰一心所可班宣未曾虛妄多所安隱一切衆生是曰智慧是爲六

何謂意行轉進度無極有六事若意心正思不在邪心存行念本常清淨是曰布施其以

聞法御導愚冥化諸所著是曰持戒其能導利有無之業立平等行是曰忍辱假使學法棄捐吾我不以自大是曰精進釋離愚癡忘存大明無有暗蔽是曰一心其行深妙卓然有異而無限量是曰智慧是爲六

何謂知過去世所見無罣礙度無極有六事觀其諸果衆種四大了之本無是曰布施察諸陰入色痛想行識本無處所是曰持戒視諸六衰根元甚微緣對而生是曰忍辱觀其善惡罪福所由皆因貪身是曰精進斷衆塵

勞常行清淨無有諸垢是曰一心察衆生盡
十二牽連本無所生是曰智慧是爲六
何謂見於當來本末所有無罣礙慧度無極
有六事其見過去五趣合散猶如春秋熾衰
成敗是曰布施若能分別諸所邪見六十二
事不墮顛倒是曰持戒觀于人元分別合散
本無有本是曰忍辱察於衆生當以何藥而
療治之是曰精進觀其所生剖判進退各有
緣行是曰一心曉了報應自觀可化而往開
度使發道意是曰智慧是爲六

何謂知現在不可限礙度無極有六事觀其
所造因緣之對訓化群生興立功德是曰布
施見其所由解三脫門奉六度無極而致成
就是曰持戒所奉行訓悉離貪欲志慕道法
以法爲樂是曰忍辱觀一切形微妙麤細皆
悉滅盡無常存者是曰精進見於證明三界
如幻一切本元無所違失是曰一心若觀生
死無爲之元有數無數心不處二是曰智慧
是爲六

方便品第十八

佛告喜王菩薩何謂曉了方便度無極有六事若能專精善權方便隨時而入是曰布施其於瑕穢因而開化使悉清淨是曰持戒所作功德則用勸助一切衆生是曰忍辱在所遊至無所傷害而無有失是曰精進志以好喜教誨衆生用四恩濟是曰一心入無量門宣總持要而導利之化于三界使入大道是曰智慧是爲六

何謂純淑度無極有六事若能方便平等誘進一切諸法是曰布施懷來法誨正心無緣

玄微妙慧空無相願若觀八品除去八難志存八正覺了諸法本元是曰持戒觀于諸見分別迷惑不墮邪見是曰忍辱察于五趣應可開化因往救之是曰精進若見可御尋往方便而度脫之是曰一心若見有爲而入其中消諸所著令得滅度是曰智慧是爲六

作七

十五

何謂見自然度無極有六事所逮功德虛無所倚坦然弘曜猶如一心歸錠光佛是曰布施身不懈倦無所貪惜若如月光盛滿盛明照星宿時明眼仁人真審了了是曰持戒若

能觀見一切諸法皆悉如空是曰忍辱所可
禪思皆見諸法適生尋滅悉了別此是曰精
進不見施者而有救濟自觀不及是曰一心
觀身心行口宣法教有益一切而無有二是
曰智慧是爲六

何謂欲行界業因緣罪福度無極有六事見
所習欲爲瑕穢業本悉清淨已立罣礙是曰
布施觀一切法自然寂寞用不達故自作殃
福是曰持戒所觀玄遠極底無際是曰忍辱
自視其緣罪福悉盡無久存者是曰精進緣

對雖滅見所當行方便之宜輒居正真是曰
一心罪福既盡不復更造三界之難見無所
生是曰智慧是爲六

何謂色行因緣業度無極有六事見諸色緣
皆由身作思想不了而橫起是報應之元是
曰布施觀衆色者皆有因緣未必橫來身心
迷故是曰持戒察所生處天上人間若三惡
趣罪福之應是曰忍辱若觀所生而念相處
是曰精進常視報應歡喜悅豫是曰一心護
高寂然下者憺怕悉無所著是曰智慧是爲

六

何謂無色行業度無極有六事若等於色墮
在欲地清淨之處不行妄想是曰布施見其
所行五事之業戒定慧解度知見品是曰持
戒假使能盡因緣之業不生禍福是曰忍辱
勤修至行悉令平等而無偏邪是曰精進若
以篤信其行精修而無垢濁是曰一心所見
常明如晝日行不見闇冥無所破壞無所不
濟是曰智慧是爲六
何謂觀清白行度無極有六事若以觀見住

立處所清白慈地欲逮斯住是曰布施其能
獲致瑞應之業不起三事身口意行是曰持
戒精進奉行四恩之法而無斷絕是曰忍辱
所觀亘然道意巍巍而無邊際是曰精進積
功累德日日增長聖明之行是曰一心察于
清白消除衆生生死諸善惡想及諸法想是
曰智慧是爲六
何謂法種度無極有六事觀諸法苦用不達
故而造禍福是曰布施於其中間心無所處
不在有無是曰持戒若見愛欲疾而消之不

令生長是曰忍辱其有正性未曾違失無上
正真是曰精進具足種性三十七品不斷佛
種是曰一心心成八等速致諸法而不取證
是曰智慧是爲六

八等品第十九

佛告喜王菩薩何謂八等度無極有六事若
信八等篤樂執御不墮八邪是曰布施於八
等行執持道法不爲俗榮是曰持戒既在等
行存平等業而得自在無侵欺者是曰忍辱
一坐不興速成羅漢行度三界無復生死是

曰精進因從八等致於道迹往來不還無著
真人是曰一心以越衆流分別若干懷來斯
義無上正真是曰智慧是爲六

何謂道迹法度無極有六事因其道迹以次
致明消盡陰蓋淫怒癡冥睡眠調戲是曰布
施以盡愛欲無復衆穢不淨之行是曰持戒
七反往來天上世間乃盡衆漏是曰忍辱家
家行乞以福一切世間得安是曰精進其以
一行守身口心捨一切業無益之元是曰一
心其無所著解一切空三界本無是曰智慧

是爲六

何謂往來微塵度無極有六事雖在三界觀其色欲稍稍向減是曰布施其見塵勞愛欲之難心未曾犯是曰持戒察其罪豐轉欲薄妙究竟今無是曰忍辱以明通利觀衆罪業從其行成是曰精進以見燒盡一切愛欲令無有餘是曰一心解暢一切生死之元以去愛著無復衆患是曰智慧是爲六何謂不還度無極有六事以能遠離欲界之著行四恩法四等無厭是曰布施其心無餘

勞穢之難極盡其元不復還世是曰持戒生二十二善施諸天在上修行不捨道業是曰忍辱夙夜勤修存心在法若生二十三善施性天是曰精進若生二十四無結愛天在上亘然心無求天是曰一心若以親近六通至行正士之路致於慧藏是曰智慧是爲六一持七何謂無著度無極有六事以盡亡失忽悞之法至阿羅漢是曰布施不復須待無亡失法自然盡矣是曰持戒若以篤信而得解脫心不懷疑是曰忍辱其心慧解而至滅盡生老

病死是曰精進消盡衆厄三塗之難身自證明是曰一心俱得解脫周旋生死永盡無餘是曰智慧是爲六

何謂緣覺度無極有六事觀於少事處山寂靜不貪身命不爲衆鬧是曰布施興正士業以選擇法正真宜同能將時宜是曰持戒獨處守志不爲放逸是曰忍辱以逮解脫度三界去無復結縛是曰精進若修寂然至于憺怕心無所著是曰一心致一品業正真之本巨然如法無有二業是曰智慧是爲六

何謂菩薩度無極有六事所行救濟常以等心無有諛諂是曰布施得致和性常行安隱用療治心如其所生而開化之是曰持戒若以等心加於衆生不爲傷害是曰忍辱若以奉行深要空法無上大道至真之義致一切

恃七

十九

智是曰精進不倚他意而不復還墮於小節正受平等是曰一心不厭生死以慧開導一切衆生是曰智慧是爲六

何謂盡慧度無極有六事其以盡慧修治所應不墮短乏是曰布施若用善諦療治衆行

身口意淨是曰持戒所行除穢清淨光明而無有相是曰忍辱以斷諸迷樂在正真宣所當宜順佛法教是曰精進無所憒惜一切所有皆能濟厄勤修正真是曰一心以能棄捐諸不可業一切無明逮致巍巍聖達六通至一切智是曰智慧是爲六

何謂無所生慧度無極有六事其愛欲本報欲起者曉了悉空慧無所生是曰布施使無往形亦無還反解無所生是曰持戒不與世法而有緣雜唯純修法是曰忍辱專修脫門

空無相願無所亡失是曰精進所以能見無所生慧用見一切悉無所有是曰一心以斷衆念一切塵垢不懷妄想是曰智慧是爲六何謂建立度無極有六事若正法住設正法沒心不捨道致衣食養及與名聞是曰布施在于法訓無所倚求心等如空是曰持戒其能歡悅四種姓人不倚於四是曰忍辱若以勤修方便果實求于正真無上道果是曰精進在阿須倫時常學經典不捨三寶是曰一心一切世間悉聞其法輒受奉行無有邪心

是曰智慧是爲六

何謂致天眼度無極有六事若以天眼見一切色心無所著了虛無矣是曰布施設能明了觀于無色用行善權不墮欲界是曰持戒假使解達無像之色達之心等無有憎愛是曰忍辱以察生死往來周旋衆難之患不以拘畏是曰精進其觀無念等一切思內外無礙無有所歸是曰一心若視寂然其心憺怕猶如虛空不可限量是曰智慧是爲六何謂天耳度無極有六事若能得聞一切衆

什七

二十

生言語音聲天上妓樂歌舞之聲地獄餓鬼畜生啼哭之音慈心向之是曰布施使人得聽細微之響了一切言悉空無辭是曰持戒一切所行悉隨道業不隨外學六十二見是曰忍辱若以班宣心念是行隨時之宜善權方便化以智慧是曰精進聞一切空悉無萬物諮受經道而執誦持是曰一心總一切音知之盡滅歸於寂然無上正真是曰智慧是爲六

何謂心知自在他人心念度無極有六事若

心由已見諸處所三界之患欲救濟之是曰
布施其心普見善不善義斯心平等不存有
爲是曰持戒觀諸因緣報應之業本無緣對
是曰忍辱若觀過去當來世事悉豫了了見
其本末是曰精進以平等視現在之事皆如
幻化是曰一心普見一切衆行本元無有本
特七
末何所爲要是曰智慧是爲六
何謂識念往古過去度無極有六事見識過
去所生更歷所行是非是曰布施所作成就
以用勸助無上正真是曰持戒不用頻來而

皆滅盡令無所生是曰忍辱以是名號爲無
所有有所觀見見一切本是曰一心以若干
品班宣經道開化三界導利危厄是曰智慧
是爲六
何謂神足飛行度無極有六事以得神足在
所飛騰到於十方是曰布施所行方便常順
法義解五陰空無所破壞是曰持戒興造大
哀愍傷衆生欲度脫之是曰忍辱所行具足
猶如月滿衆星中明而無漏失是曰精進若
能自制五陰六入十二緣起抑伏其志是曰

一心其不精進化今勤修入無極聖是曰智慧是爲六

何謂漏盡度無極有六事以見彼已不計彼我無有衆漏是曰布施以觀諸漏知習所生使無所起是曰持戒視一切漏本悉無根皆以滅盡是曰忍辱而身逮得察諸漏盡盡無所盡不見生死之所歸趣是曰精進其使衆漏根本自然永無有餘是曰一心以精進力拔斯衆漏而無處所見無所趣是曰智慧是爲六

何謂威儀度無極有六事以用威儀使無數人咸用禮節和心歡喜是曰布施普多所悅一切衆生無不喜歡諮受法訓是曰持戒所觀專精而不放逸唯存大道是曰忍辱行來安徐而不卒暴是曰精進威儀不缺禮節備具是曰一心見深遠業明曜無本德行具足是曰智慧是爲六

何謂愍傷度無極有六事若有惡人心懷邪毒以衣食養而救濟之是曰布施見凶害人若遭厄難而救護之因示經道是曰持戒若

外異學有所志願而自貢高悉能忍之是曰
忍辱若爲衆人有所敷演宣其義理猶池蓮
華是曰精進以賢善業而講其義令自調伏
是曰一心若有祠祀因其所興往爲說法言
如審諦化保形子是曰智慧是爲六

何謂行空度無極有六事所施無厭不以爲
倦化令入道不爲俗事是曰布施所作自在
而得由已不從他教是曰持戒所行專精而
不迴還墮于小節是曰忍辱以究竟行不中
取證畢衆祐德是曰精進所應奉行常無所

倚奉修純淑是曰一心隨其所好而造立行
導利一切是曰智慧是爲六

何謂捐捨度無極有六事其以棄捐壽命之
行不以貪身所行自由無所罣礙是曰布施
若棄現在在身口心五趣生死心無所著是

曰持戒以結境界安法奉行四等六度而無
所越是曰忍辱所可放捨捨淫怒癡皆棄一
切餘苦諸見六十二事是曰精進以令衆生
所行純淑不以貢高以捨所行是曰一心以
離衆生愁憂之感心存至法而順律教是曰

智慧是爲六

何謂減度度無極有六事因曉了空不以妄想其至減度致無所生是曰布施心所建立於大道存無處所是曰持戒捨身之安不倚身命開化衆生是曰忍辱以神足力動三千界一切天人無驚怖者是曰精進其心禪思定意正受而無所著不爲放逸是曰一心減度之後散其身骨遍布十方一切蒙恩是曰智慧是爲六
何謂變化度無極有六事分布舍利處處得

之流布天下是曰布施舍利現瑞威神光明見莫不悅是曰持戒衆生見變心抱喜歡因發道心是曰忍辱諸天見威功德巍巍勸之代喜是曰精進若見仙足舍利放光其衣毛起淚即出者是曰一心若覩舍利立至誠願現光威德五色晃曜是曰智慧是爲六
何謂流布法教度無極有六事若得衆人自歸供養給所衆乏是曰布施常守己心令無所生其無所生則無所滅是曰持戒若無所有見其三界佛法人物一切自然是曰忍辱

能令經典道法訓教流在天上周遍天下是
曰精進諸魔官屬見之驚縮無當威顏是曰
一心假使法教興顯流布十方受敬各懷悅
豫稍稍漸得至滅度法是曰智慧是為六
何謂分舍利度無極有六事為舍利求眾供
養具夙夜敬事是曰布施無數之眾悉共歡
喜歸命作禮是曰持戒若復示現光明威神
遠近來觀轉相化心是曰忍辱諸天人民咸
共踊躍知其至尊緣發道意是曰精進若見
舍利無有餘樂思念佛道莫能喻者是曰一

持七

廿四

心嗟歎舍利得妙辯才而無罣礙致入智慧
是為六
爾時世尊重復告語喜王菩薩是二千一百
諸度無極其餘復有九十諸度無極消世九
惱化九十六諸外邪學使入正真佛告喜王
菩薩是二千一百諸度無極說法宣教化諸
貪婬種二千一百諸度無極說法開化諸瞋
恚種二千一百諸度無極說法開覺諸愚癡
種二千一百諸度無極說法訓誨化等分種
是合八千四百諸度無極一變為十合八萬

四千諸度無極佛則醫王法爲衆行一切三界無上良藥療治三毒陰蓋得消等分反逆無反復人因見化導靡不解脫不奉行斯八萬四千諸度無極欲爲百千種人除八萬四千衆垢塵勞逮八萬四千諸三昧門終不能

侍七

廿五

成由是修立八萬四千空行法義以是化導百千種人消除八萬四千衆垢塵勞逮八萬四千諸三昧門是謂佛道深入無極致一切智佛言喜王吾以是法坐佛樹下降魔官屬成最正覺因是解法建立平等在於地分結

加趺坐便致巍巍神妙梵王恭敬忽下稽首歸命求哀往古誓願爲一切衆生今悉集會咸欲聞經梵王垂淚而勤勸助唯濟一切未度迷惑佛成如斯微妙大聖逮最正覺寂然安坐而自靜默心惟此意五濁惡世九十六徑六十二見迷惑卒暴多無反復不受道教不如默然取般泥洹佛坐樹下光明巍巍普照十方淨居身天遙見威光顏貌功勲靡不見見道德灼灼吉祥之業應當流布諸天衆會皆共悅豫建立大光寂寞正真聖達無際

曜明煒煒威德普顯無上清淨三世最尊周
遍一切十方佛界其心解徹動三千國道慧
廣遠難得見聞超絕無底名稱通暢觀此威
神妙光無量顏容盛德智如虛空殊特無喻
於是梵王便重啓佛悚息一心恭恪自歸說

此頌曰

道場演大光	降魔消塵勞	震動三千國
滅衆惡趣患	正身安隱坐	不傾猶須彌
振耀照佛土	處樹莫不蒙	平坐諸根寂
師子據無畏	自觀欲寂滅	勝牀護演耀

在樹王顯威	廣布大道安	消世無益法
滅化三塗厄	觀光顏無獸	心念諦愍傷
審思說尊義	等演法平均	道選三世業
耀三品諸法	以時宣意行	見道猶月滿
色映三十二	世上大聖父	不捨無共樂
神無比梵來	觀世在三火	覺俗以法水
常護滅燒然	是時雨甘露	察精進無斷
迷惑得正路	明眼教無二	唯愍哀時誨
德猶海大山	衆故施覺船	斯度諸沉流
化外險邪學	人縛貪計身	邪見害愛僕

特七

廿六

不得解久獄 導衆可化脫 生邪長睡眠
隨塵不樂道 得定戒願強 何不擊法鼓
人乏匱墮獄 五趣世走求 常不逮無盡
何故不宣祠 無數衆懷信 在寂捨甘露
炎衰解法雨 執覺可降澤 知三世瘡病
不覺心塵疾 得了淨賢藥 何不濟久疹
消衆生闇昧 成大德馬藏 慧光照大千
何不耀佛國 唯愍天世人 墮在四駛瀆
何不濟此厄 護諸墮大壙 佛見諸雜想
天人住叉手 無諂棄非安 何不現道寶

佛眼觀三界 梵天勸人尊 唯哀衆邪見
轉法輪消熱 尊在師子坐 諸天人集斯
立是求潤澤 唯爲轉法輪

賢劫經卷第七

音釋

第七

廿七

懼虛郭切 趺蹇芳遇切 躡許觀切 濡而充切 挽
武遠切 跛蹇跛補火切 蹇蹇九演切 覬覬九演切 覬覬九演切 覬覬九演切
寤覺寤也 寤覺寤也 寤覺寤也 寤覺寤也 寤覺寤也 寤覺寤也 寤覺寤也 寤覺寤也 寤覺寤也 寤覺寤也

永樂北藏

賢劫經

第四八冊

賢劫經卷第八

恃八

西晉三藏竺法護譯

千佛名號品第二十

喜王菩薩復白佛言唯然世尊今此會中寧有菩薩大士得此定意者乎入斯八千四百諸度無極耶及八萬四千度無極法入八萬四千諸三昧門乎佛告喜王菩薩今此會中有菩薩大士得此定意諸度無極復得入斯八萬四千諸三昧門不但此諸開士及當來學斯賢劫中成最正覺一千如來是也除四

如來也前逮無上正真為最正覺者也亦逮是三昧喜王菩薩復白佛言善哉世尊唯以加哀當宣此諸菩薩名字姓號多所哀念多所安隱愍傷諸天及十方人護於正典當令道法而得久存為將來學諸菩薩施顯示光明行無上正真之道而因成就佛告喜王菩薩諦聽諦聽善思念之當為汝說千佛名號喜王菩薩與諸大衆受教而聽爾時世尊便歎詠說諸佛號字

善思義諸佛音

惟念安離垢稱

大名開明珠結
捨所念及智積
無量覺言妙顏
能擁護至誠英
聖慧業將功勲
實事業處天華
名聞意以辯積
有十方大聖愍
在於彼無數天
因越度而獨步

堅師子獨遊步
善意住無極像
慧光耀消強意
蓮華男衆諸安
無思議淨梵施
善思惟無限法
自在門十種力
無所越遊寂然
須彌光極重藏
威神勝大部界

以止護將三世
日光明師子英
示現有光遠照
莫能勝爲最幢
無損減有名稱
大燈明世光耀
除闇冥無等倫
佛告喜王菩薩當歎頌斯諸菩薩等於賢劫
中當成佛者所有名號
拘留孫銓牟尼
其迦葉釋迦文

時八
二

有功勲宣名稱
時節王師子藏
山師子有所施
喜悅稱堅精進
無恐怖無著天
微妙音執功勲

慈氏佛師子燄
善星宿及導師
星宿王修藥氏
牟尼佛等過品
而照明日藏佛
無憂佛互含維
因現義錠光佛
頂光明威神首
閑靜居梵音響
興光佛大山氏

柔仁佛及妙華
大豐名大力佛
寂然英大光明
具足品等二事
月光耀善明佛
照執華功勲光
興盛佛好導醫
難勝氏德幢佛
順次堅無本氏
智金剛憶無畏

寶蓮華力仁將
大威梵無量佛
無虛見施精進
師子幢加法勝
愛名稱德豐多
師子頰號寶稱
號總持雄人月
明珠光山頂英
情性調寶品佛
住立覺了別黨

華光氏與棄愛
龍施佛堅固步
解縛佛不退沒
喜王佛號妙御
衆香手離垢目
滅除穢無量佛
善見佛逮嚴佛
號法事了義理
念勝根樂欲度
超越尊首最佛

雨音聲善思惟
十名聞明珠淨
捨思惟智慧頂
無量意妙顏色
吉祥善有妙英
慧造佛功勲布
寶事佛妙好華
治自在名聞意
光耀燄第十佛
無越樂遊寂靜

有善意離垢稱
堅師子住長樹
善住立有志意
聖慧光誓堅固
人蓮華所在安
光輝佛梵天施
天神燈善思義
積辯才金剛幢
諸佛號各如是
有勢王開天佛

山幢佛燄重聖
不樂越勝大界
月燄光晃照明
所奉行而示現
紫金山師子施
光燄稱堅精進
無著天大燈明
持德尊損於冥
師子誓名寶稱
意中月日無異

光赫然寶藏佛
三世護號德稱
臨以時王首藏
燄照佛光明尊
莫能幢人中王
無損稱離於畏
饒益世微美香
第等倫得自在
消滅穢執甘露
以莊嚴意珠光

首英頂造法本
施所願寶品身
樂意住分別部
柔男子清和佛
龍忻豫香甚豪
功勲鬘饒益龍

特八

第一義決衆理
重根劫欲度濟
師子音號戲樂
龍光佛華山氏
名稱佛勢大天
嚴飾目善行道
了慧佛無量氏
日光耀以決意
照明佛寶英氏
至安隱號柔輒

善勝佛不虛覺
號大威造作現
天隨氏解義矣
無憂佛離垢氏
目華佛離行體
德喜悅三界奉
寶英佛上名聞
以隨時師子身
功德體名稱英
離垢月音現義

妙華英帝石根
無量佛名稱寶
具足意稱高藏
梵天佛總持豪
號法光無毀現
名閑華寶光氏
造光佛無量威
明意佛難勝氏
得力勢遊無限
勇猛佛功福富

月燈光至德耀
號善天永捨垢
無量氏最好耀
以復覺自尊重
福豐饒興威氏
行帝王消畏勞
施與華施齊士
號意寂順香手
無所卑廉恪佛
大吉祥寂然慧

意離垢善寂然
以無勝執殊供
無卑藏無所住
俗之光日善佛
號無量意吉祥
施無勢施名聞
金剛佛將大施
鉤鎖氏號善施
月晃昱燄英佛
號吉義甚山頂

甚調良蓮華氏
離于冥充滿佛
名稱天勤現行
寶月佛師子幢
號不戲樂功德
蓮華葉辯大藏
無量壽淨明珠
名稱月忻喜光
號寂然明王施
寶髻佛以離畏

無著稱遊聖慧
所在安德無損
月氏佛多功勲
樂於慧無所損
無著佛名聞氏
稱明珠號金剛
大根本超衆惡
無所犯實意月
妙導御猶自在
寶藏佛若干月

離垢稱號寂滅
善滅佛寶愛敬
師子黨勝不淨
寶威神賴樂氏
化外業以香手
善妙香堅固鎧
仁賢佛安住月
威神首號善生
慈衆諸日大趣
大名聞號法稱

天供敬閑靜天
寶品佛寶遊步
善意佛光照世
號憶智好清淨
意饒佛山幢旛
威神強號珠鎧
號梵音師子月
莫能勝月氏佛
山光輝至德頂
施光佛饒輝施

作至誠修命業
決了意志念行
師子光號照明
晃昱珠號光勢
明珠月在世尊
閑靜明好寂道
世善樂號無憂
勢力首勢威至
言至誠上安隱
德光明號寶首

以善時善甚重
明珠香勝忻喜
上名聞善山氏
勢無卑勤修饒
吉祥手寶忻樂
光嚴哀所到寂
順十所忻樂力
大勢至功勲藏
饒明佛大光氏
光演香造鎧明

吉象手善華業
執持地意義理
寶舍宅行至義
梵英心面威重
號福光大威耀
至重願無量稱
勝根元衆金剛
意證明無清行
神祇品寂功勲
建立慈至要藏

珍寶佛江海氏
意清徹功德輪
於世月音柔和
意吉利堅固施
寶氏佛號名聞
光不虛消無嫉
英善品妙華群
善思稱以照耀
超越義住無畏
明珠行威解脫

善光明至味佛
聖慧勝梵以生
勢力施師子步
惠與華功德藏
無恐怖意光明
受事業真誠天
積聖慧莫能踰
所施天梵柔仁
火赫皎大威神
善計數根元幢

善度脫等威神
至誠音善覺佛
號華英慧事業
布名聞除卑賤
於斯梵自望天
明珠藏功德室
喜悅喜堅固願
意所趣得消惡
思夷華鳴吼佛
大愛敬善安意

光重耀弘微妙
善決義有境界
救於世福光氏
號富有師子力
覺清徹聖慧步
日晃耀體離垢
柔輒華月光氏
號無怒多有鎧
超出上蓮華上
號極賢寶上氏

主所生精所至
善多佛加施願
寶音佛金剛將
離垢目身解脫
威堅固大光明
分別威無損耗
電施佛行寂然
晃耀田清淨國
光首佛寶清淨
善安明江海施

梵天英善宿意
明達想功德輝
蓮華光善專精
光明王號晃昱
供養至四禪業
功德藏獨遊步
慧光明號天聖
華英佛羅云氏
醫王佛功福手
日光明法藏氏

好妙談隨時義
宣音佛盛滿月
鎧明王電燄英
稱無損蓮華藏
無所得強勢兵
無礙佛覺意靜
御光明應所趣
大篤信星宿王
所覆蓋宣暢王
善意佛德根念

損兵刃號智積
梵天音龍雷電
聖智品吉安祥
號布龍至誠英
寶音聲柔輭響

持八

善住立善了行
和音佛神通英
梵平等妙目療
明了佛無怯弱
號師子號琦薩
蓮華積號華開
顏貌貴主威耀
覺王佛無盡氏
智郡土號最上
音柔響導師元

聲無礙施尊藏
大晃耀應根香
好顏王號吉利
名聞伏和妙藏
燈明王積聖慧
解了行號金髻
悅喜仁安明氏
功勲根法饒益
號虛空微妙慧
加藥佛解脫英

豪慧佛獨遊步
善光明布威稱
師子兵所止宿
福光明住良性
尊天佛大主元
閑靜教號難勝
紫金光號妙好
功福多豐多氏
覺解微一切威
智藏佛積聖慧

可敬畏降伏流
善音響威重帝
解威神尊化身
捐重擔伏衆根
遊安隱無怒覺

持八

稱無礙集至誠
應如念號稱法
言柔軟師子鬘
敬師子法伴侶
顏色盛威神王

九

號佛英蓮華佛
聖智華號作斯
寶牽佛帝王氏
水帝土星明氏
號天華揚名稱

威無量天光耀
功福慧梵天居
無損佛至尊教
無所害瑠璃藏
弓身光極善明

一切勲甚貴光
妙丈夫號月所
燄明佛視無猷
山根本寂然德
暢善聲號快華

珍寶佛元首氏
無量光快意念
師子佛好樂慧
積勢力宜善帝
住於義威德王

慧無等號無限
善光明安隱斯
號極貴宣暢音
身名聞利寂然
意習行蓮華佛
妙辯才號盡極
離怖畏慧清白
最明目覺名聞
無恐懼大顯現
大聖慧度邊際

音響佛名殊勝
解說佛心思義
晃昱業等虛空
無瑕穢號清淨
順品第善光耀
善周遍重根源
安住佛宣辯才
常空佛月寂然
梵天氏好音響
普無際覺了意

樹根元行極親
有力勢號強首
號明味雷震吼
仁賢氏明極快
而寂然號悅豫
心虛空法詞音^{佛八}
德光明有威神
有捷辯寂然輪
日遠聞無垢塵
德幢幡郡辯才

清除音寂功福
敬聖佛以逮得
雨音聲眼愛敬
極富有合集德
法幢幡至聖響
功德佛分別音^十
達根無有意念
仁善生若干月
德至誠殊妙華
妙珍寶懷悅豫

敬愛月無卒暴
悅無量平等業
班宣宜慧無愚
而應住十慧寂
有深意行無量
華光明在三世
天奉事幢旛佛
演甘露極殊異
光明品遊玄妙
積功德演光耀

師子力自在王
無瞋恚滅垢穢
玄妙佛善仁賢
言談帝號大夫
有法力至供養
閑靜供日耀藏
有解脫至真髮
堅雄心真珍寶
言辭淨振光明
無損首師子步

超出難布施華
好愛慧淨玄珠
謙卑行除幢旛
曉了明聞如海
可悅意暢音聲
斷垢塵行極邊
寶遊步紅蓮華
富名聞恨善郡
月遊往定壞冥
福燈度濁累音

顏悅豫紅蓮華
清無虛慧聖明
善思惟好脫門
總持寶成知識
見無業好所樂
多化異天布響
象香首伏怨敵
妙華光師子響
無所動忍細步
而最上精進力

住術意發寂然
吉祥善所言快
燈大光行步強
若干日以隨時
修建立無塵埃
轉增益香光明
柔輒華無罣礙
行玄妙愛敬寶
無極慈善知友
明耀山賢所歎

妙善月覺意華
慧勢力威方便
天音聲順寂然
安樂佛戒光明
安住和有聖慧
因順時音輝耀
寂幢幡趣最道
法所遊而言天
步寂然無量土
興發道斯威神

所現光報善行
實光明所行道
若干品降伏魔
入外學無壞意
取重解斯愛敬
號須彌斯梵天
勝根地所執持
加益華賢所施
好藥力善音說
甚快善無缺漏

逮極善離憂感
功福行德如海
除害非所宿止
能思遠因所誠
道幢幡聖慧響
樂隱佛神足英
日恭恪月宮生
持精明福所哀
法貴佛梵天響
覺舉號大弘廣

名聞稱英妙意
棄愚癡降甘露
宣名稱應性行
愛樂安戲俗志
破衆業青蓮華
宣辯才號光耀^{特八}
御精進天境域
功福意亘明耀
師子步妙無動
執持輪尊勢象

暢神音歸音樹
仁善月辯無限
供養度而懷憂
樂所趣歸所行
調華佛永無底
斯逮致有功勲^{十二}
最上行謂好樂
德無限集威神
行晃耀龍音響
樂哀世法音佛

樂無底號名稱
美好香號虛空
弘明珠善財業
閑寂靜主安隱
建立義建示現
無邊際辯才王
師子髭遊晃昱
無所愁郡土地
安光教應美香
其音強順安隱

雨幢佛雨德行
音響辭天帝王
燈火燄斷根王
師子意流寶名
所有華眉間光
剖判慧由自在
德燈燄月輝耀
心覺解殊勝法
甚有力智慧華
義理氏好愛喜

得致勝執衣鉢

行寂然人師子

有名稱號樓至

是賢劫中有斯千佛興現出世度脫十方一切衆生是千佛等各有名號皆如是像若有人聞受持諷誦執學心懷專精了識行無放

持八

十三

逸和同供養棄衆惡趣勤苦之患長得安隱住于禁戒諸所將順信喜經道應行清淨值具足果此深妙忍根元法忍護一切世若干億劫犯諸惡行不知罪福果之報應聞諸佛名除一切罪無復衆患假使有持是諸佛名

一切尊號致得神足一心定意若有凡庶逮得見聞自在值此斯衆導師御行經典懷來億載無量功祚所解說義暢達音慧因得值見斯三昧定性行清淨心無猶豫所興發慧不著三界以逮總持存在心懷是等當行此

三昧定

千佛興立品第二十一

爾時喜王菩薩復白佛言善哉世尊願說賢劫諸佛名號及佛父母佛子侍者上首聖尊諸弟子等舍利光明壽命短長比丘衆會法

立年數種姓佛教經法流布所可度脫諸天
人民使會者開心開意解皆發道心多所哀
念多所安隱愍傷諸天及十方人一切衆生
又將來世諸菩薩等以得聽受是經法已益
加樂學志願尊法爲顯大明唯垂大哀重爲
散意令三界蒙度佛告喜王菩薩今當說之
諦聽善思唯諾啓受喜王菩薩與諸大衆受
教專精一心皆聽佛言拘留孫如來至真等
正覺所生土地城名仁賢王所治處姓曰迦
葉父名祠祀施梵志種所生母字維耶妙勝

子曰上勝侍者名覺意智慧弟子名維頭神
足曰杪兒其佛身光照四十里一會說經四
萬比丘二會七萬三會六萬皆成聲聞佛在
世時人壽四萬歲正法得住八萬歲舍利并
合作一大寺

特八

十四

拘那含牟尼如來至真所生土地城名占波
梵志種父名施尊母字上妙子曰澤明侯侍
者曰吉善智慧弟子曰最上神足曰不舍佛
在世時人壽二萬歲一會說經七萬比丘衆
二會六萬三會五萬皆得羅漢其佛光明照

二十里正法存立千歲舍利并合興一大寺
迦葉如來所生土地城名神氏其佛光明照
十里梵志種父名梵施母字經業子曰導師
侍者曰普友上首智慧弟子名開門神足曰
坻舍佛在世時人壽二萬歲一會說經二萬
比丘衆二會萬八千三會萬六千皆得道證
正法存立七萬歲舍利并合興一大寺
喜王聽之今我能仁所生土地城名迦維羅
衛君子種姓瞿曇其光正圓照周七尺父名
白淨母字極妙子曰羅云侍者曰阿難智慧

上首弟子字舍利弗神足弟子曰目連今世
人壽百歲或長或短一會說經千二百五十
比丘衆皆得道證舍利普布八方上下正法
存立至五百歲像法存立亦五百歲
慈氏如來所生土地城名妙意王者所處其
佛威光照四十里梵志種父名梵平母字梵
經子曰德力侍者曰海氏智慧上首弟子號
慧光神足曰堅精進佛在世時人壽八萬四
千歲一會說經九十六億二會九十四億三
會九十二億皆得阿羅漢舍利并合共興一

大寺正法存立八萬歲

師子如來所生土地城名曰華土王所治處其佛光明照四十里君子種父名勇師子母字江音子字大力侍者曰善樂上首神足弟子曰雨氏智慧弟子曰慧積佛在世時人壽七萬歲一會說法百億比丘二會九十億三會八十億聲聞集矣皆得道證正法存立億歲舍利普流八方上下
光燄如來所生土地城名星宿主王所治處其佛光明照二千里君子種父名善意母字

妙華子曰以時侍者曰長喜上首神足弟子名雷吼智慧弟子曰尊教其佛在世時人壽九萬歲一會百千億二會九十九億三會九十八億皆得道證正法存立八萬五千歲舍利普流八方上下

牟尼柔仁如來所生土地城名曰上華王所治處其佛光明照四十里父名大山母字須滿光子曰上寶侍者曰尊上上首神足弟子曰超施智慧弟子曰快意佛在世時人壽六萬歲一會八十城二會七十億三會五十億

皆得羅漢正法存立一千歲舍利普流八方上下

華氏如來所生土地城名白蓮華王所治處其佛光明照三百二十里梵志種父名尊石母曰妙華子曰知根侍者曰樂道上首神足

十八

十六

弟子名無害智慧弟子名法力佛在世時人壽五十萬歲一會說法弟子六百億二會三十五億三會三十四億皆得道證正法存立具足千歲舍利普流八方上下次復有佛同號華氏如來所生土地城名甚

大廣王所治處其佛光明照四十里梵志種父名華髮母字法主子字曰鮮潔侍者曰心念上首神足弟子名忻樂智慧弟子曰善忻喜其佛在世時人壽九億歲一會說法十四億弟子共集二會十五億三會十六億皆得道證正法存立十億歲舍利普流八方上下善星如來所生土地城名造賢王所治處其佛光明照四百八十里梵志種父名珍寶母字言談子名宿王侍者曰世愛上首神足弟子曰師子步智慧弟子曰無量意佛在世時

人壽七萬歲一會說法三十姪弟子共集二
會說法二十八姪二會說法三十六姪皆得
道證正法存立一億歲從是以來第一初興
諸如來計斯十一佛隨其衆生所行純淑而
開化之其餘諸佛皆各如是十一也廣布舍

十八

十七

利八方上下

其導師如來所生土地域名最錦王所治處
其佛光明照千三百六十里梵志種父字無
難母字愍傷子曰愛光侍者名大汎流上首
智慧弟子名曰上首神足弟子曰足愍佛在

世時人壽千億歲一會說法弟子七十姪集
二會六十姪三會五十姪皆得道證正法存
立九萬二千歲舍利普流八方上下
大名如來所生土地域名俗人王所治處其
佛光明照三千里君子種父名內進母字捨
嫉子曰照明侍者曰善思上首智慧弟子名
無難音神足弟子曰步無青佛在世時人壽
四十億歲一會說經百千姪諸弟子集從是
以後不可復計正法存立億歲舍利普流八
方上下

大力如來所生土地城名寶威王所治處其
佛光明照千二百里梵志種父名所選母字
甚威子曰師子步侍者曰愛子上首神足弟
子曰善住智慧弟子曰尊施佛在世時人壽
四萬歲一會說經弟子一姪人來集二會二
姪三會一姪皆得道證正法存立八萬四千
歲舍利并合集立一大寺

宿王如來所生土地城名紫金王所治處梵
志種其佛光明照四千里父名施光母字善
意子曰供養侍者名慧力上首智慧弟子名

熾盛音神足弟子曰建立一會說經弟子百
億人集二會九十億三會八十億皆得道證
正法存立千歲舍利普流八方上下

修藥如來所生土地城名談主王所治處其
佛光明照四十里君子種父名善寂母字所

十八

十八

樂子曰須彌幢侍者曰華氏上首智慧弟子
曰尊法神足弟子曰福力佛在世時人壽七
萬七千歲一會說法七十億弟子集二會六
十九億三會六十八億皆得道證正法存立
六萬歲舍利普流八方上下

名稱英如來所生土地城名清威王所治處
君子種其佛光明照百二十里父名光餒母
字談言子字上華侍者曰明受上首智慧第
子字智力神足弟子曰師子力一會說經四
十二姪弟子集二會三十二姪三會三十一
姪弟子集皆得道證正法存立二億歲舍利
并合興一大寺

大光如來所生土地城名安樂王所治處其
佛光明照千六百里君子種父名金剛母字
伏施子曰良田侍者曰寂意上首智慧弟子

名導衆神足弟子曰堅忍佛在世時人壽百
千歲一會說經八十億三千萬弟子集二會
復倍三會六姪皆得道證正法存立三萬歲
舍利普流八方上下

照明如來所生土地城名安隱法王所治處

侍八

十九

其佛光明照三百六十里君子種父名稱
母字善供子曰奉行侍者曰上善群上首智
慧弟子曰善賢神足弟子曰流江佛在世時
人壽五百歲一會說經六十二姪弟子集二
會六十一姪三會六十姪弟子皆得道證正

法存立四萬八千歲舍利普流八方上下

日藏如來所生土地城名華主王所治處其
佛光明照八千里梵志種父名富有母字妙
華子曰燄光侍者曰慧上上首智慧弟子名
智兵神足弟子曰剛兵佛在世時其人壽七
十億歲一會說經百千比丘集二會百億三
會如塵皆得道證正法存立三十億歲舍利
并合興一大寺

月氏如來所生土地城名上寶王所治處其
佛光明照三百二十里君子種父名清部母

字行藥子曰滿宿侍者曰供味上首智慧弟
子曰智最神足弟子曰因法佛在世時人壽
六千歲一會說經二千二百億弟子集二會
千四百億三會千八百億四會一千四百億
皆得道證正法存立萬一千歲舍利并合興
一大寺

光照如來所生土地城名音乘王所治處其
佛光明照二千六百四十里君子種父名福
施母字法主子曰聞上侍者曰善辯上首智
慧弟子曰雨音神足曰慧上佛在世時人壽

百千歲一會說經七十萬弟子集二會八十萬三會九十萬皆得道證正法存立十萬歲舍利普流八方上下

善照如來所生土地域名光燄王所治處其佛光明照六百四十里梵志種父名日輝母

侍八

二十

字月氏子曰大神妙侍者名多堅上首智慧弟子名慧施神足弟子字所在古佛在世時人壽八萬五千歲一會說經五百億弟子集二會四百億三會三百億皆得道證正法存立四萬五千歲舍利普流八方上下

無憂如來所生土地域名智慧王所治處其佛光明照四百里君子種父名執華母字法氏子曰執光侍者曰樂音上首智慧弟子曰兩積神足弟子曰勝施佛在世時人壽百千歲一會說經二姪弟子集二會一姪三會九十五億皆得道證正法存立十三萬歲舍利并合興一大寺

威神如來所生土地域名閻浮上王所治處其佛光明照三百二十里梵志種父名賢天母字愛施子曰明燄侍者曰見敬上首智慧

弟子曰最英神足弟子曰度世佛在世時人壽三萬二千歲一會說經八十億弟子集二會七十八億三會七十六億皆得道證正法存立七十七億歲舍利并合興一大寺

燄光如來所生土地城名燈氏王所治處其

佛光明照千佛土梵志種父名敬法母字蓮

華氏子曰月行侍者曰通慕音上首智慧弟

子曰德首神足弟子曰斯施佛在世時人壽

萬四千歲一會說法十六億弟子集二會十

七億三會十八億皆得道證正法存立二百

一十萬歲舍利普流八方上下

執華如來所生土地城名曰造福王所治處其佛光明照三千二百里君子種父名白蓮華母字施德子曰福首侍者曰好顏上首智慧弟子名無量土神足弟子曰重王佛在世時人壽七萬歲一會說經九十億弟子集二會九十九億三會八十八億皆得道證正法存立億歲舍利普流八方上下

功勲光如來所生土地城名蓮華王所治處其佛光明照二千四百里君子種父名光照

母字德至子曰法辯侍者曰福供上首智慧
弟子曰瑠璃藏神足弟子曰極施佛本世時
人壽三百歲一會說經十六億弟子集二會
十二億三會十八億皆得道證正法存立億
歲舍利普流八方上下

賢劫經卷第八

音釋

銓胡男切 銓都滕切 髭即移切 唯唯以水切 諾應之詞也
奴各切 永弭切 抄沼切 坻直尼切 汎孚梵切

第八

永樂北藏

賢劫經

第四八冊

賢劫經卷第九

侍九

西晉三藏竺法護譯

千佛興立品第二十一之餘

現義如來所生土地城名導御郡王所治處
其佛光明照二千四百八十里梵志種父名

侍九

柔郡母字敬天子曰德稱侍者曰梵音上首
智慧弟子名訓戒意神足弟子曰勝施佛在
世時人壽百歲一會說經六十二妓弟子集
二會七十妓三會八十妓皆得道證正法存
立億歲舍利普流八方上下

錠耀如來所生土地城名寶錦王所治處其
佛光明照二千里君子種父名寶施母字錠
味子曰寶藏侍者曰意悅上首智慧弟子曰
無能當神足弟子曰大力佛在世時人壽五
萬歲一會說經七十萬弟子集二會九十萬
三會百萬弟子皆得道證正法存立二十萬
歲舍利并合興一大寺
興盛如來所生土地城名威光王所治處其
佛光明照四十里梵志種父名善興母字快
意子曰勝友侍者曰師子力上首智慧弟子

曰光優施神足弟子曰山積佛在世時人壽
四萬歲一會說法一億弟子集二會二億三
會三億皆得道證正法存立九萬歲舍利普
流遍於十方

醫氏如來所生土地域名尊吉王所治處其
佛光明照三千八十里梵志種父名旃陀母
字閼上子曰雄施侍者曰月愛上首智慧弟
子曰海氏神足弟子曰龍力佛在世時人壽
七萬歲一會說經二百三十萬弟子集二會
三百五十萬三會三百八十萬弟子皆得道

證正法存立二萬五千歲舍利并合興一大
寺

善導如來所生土地域名善富王所治處其
佛光明照四百里梵志種父名上尊母字月
辭子曰法自由侍者曰世愛上首智慧弟子

侍九

曰雷音神足弟子曰施華佛在世時人壽三
萬六千歲一會說經三十億弟子集二會二
萬八千三會二萬七千弟子皆得道證正法
存立百千歲舍利普流周遍十方
頂髻施如來所生土地域名清天王所治處

其佛光明照四千里梵志種父名重王母字
施披其私子曰山施侍者曰月天上首智慧
弟子曰樂慧神足弟子曰魔所供佛在世時
人壽五千歲一會說經六十二億弟子集二
會六十一億三會六十億弟子皆得道證正
法存立七萬七千歲舍利并合興一大寺
眉間如來所生土地城名悅天王所治處其
佛光明照四千里梵志種父名國重母字謂
施子曰正施侍者曰月天上首智慧弟子曰
慧施神足弟子曰供柔佛在世時人壽五萬

歲一會說經六十二億弟子集二會六十一
億三會六十億皆得道證正法存立七萬歲
舍利并合興一大寺

堅固如來所生土地城名福音王所治處其
佛光明照四千里梵志種父名樹王母字施

侍九

三

珊瑚子曰施世侍者曰首力上首智慧弟子
日月英神足弟子曰動光佛在世時人壽萬
二千歲一會說經百千弟子集二會九萬三
會八萬弟子皆得道證正法存立二萬八千
歲舍利普流遍布十方

首威如來所生土地城名寶氏王所治處其
佛光明照四百里君子種父名柔華母字法
氏子曰愛英侍者曰堅進上首智慧弟子曰
施斷神足弟子曰仁力佛在世時人壽百歲
一會說經百億弟子集皆得道證正法存立
億歲舍利普流遍於十方
難勝如來所生土地城名療吉王所治處其
佛光明照四十億里君子種父名清天母字
福氏子曰月寂侍者曰誠愛上首智慧弟子
曰寶上神足弟子曰雷音佛在世時人壽八

億歲一會說經三十姪弟子集二會五十姪
三會八十姪弟子皆得道證正法存立八十
億歲舍利普流八方上下
德幢如來所生土地城名善柔王所治處其
佛光明照二百里梵志種父名供友母字居
施子曰金剛集侍者曰寶受上首智慧弟子
曰日藏神足弟子曰承御佛在世時人壽億
歲一會說經三十萬姪弟子集二會五十萬
姪三會六十萬姪弟子皆得道證正法存立
三億歲舍利并合興立一大寺

閑靜如來所生土地城名寶妙王所治處其
佛光明照三千四十里君子種父名越度步
母字無所進子曰月訓侍者曰瑠璃藏上首
智慧弟子曰力天神足弟子曰喜愛佛在世
時人壽百千歲如前諸如來所現造業其餘
諸佛亦復如是所度等無有異是故斯會正
法存立五十萬歲其佛土地皆寶合成悉有
衆珍咸生寶樹有衣服樹周流遍國國土人
民所生無有衆難三惡之趣舍利晉布周流
十方

堅重如來所生土地城名佳妙王所治處其
佛光明照二十里梵志種父名寶上母字寶
光子曰持地侍者曰寂意上首智慧弟子曰
音十里神足弟子曰吉利其佛在世時人壽
三千歲一會說法百千弟子集皆得道證一
會無二正法存立七萬七千歲舍利晉流遍
布十方
梵音如來所生土地城名光威王所治處其
佛光明照三千三百二十里梵志種父名上
最母字至誠氏子曰福威侍者曰蓮目上首

智慧弟子曰雪色神足弟子曰施餓佛在世時人壽九萬歲一會說經八十六億弟子集二會九十億三會百億皆得道證正法存立三千歲舍利并合興一大寺

次堅如來所生土地城名華茂其佛光明照

特九

二百四十里君子種父名福愛母字安養子

五

曰時節施侍者曰造義上首智慧弟子曰日月神足弟子曰上金其佛在世時人壽五十萬歲一會說經七十億弟子集二會七十八億三會八十億皆得道證正法存立四萬歲

舍利并合興一大寺

無本如來所生土地城名俗所敬其佛光明照四百里梵志種父名海氏母字棄妬子曰四眼侍者曰降根上首智慧弟子曰善思惟義神足弟子曰響審其佛在世時人壽八萬歲一會說經七萬二千五百人皆得羅漢二會七萬六千三百三會七萬五千人皆得道證正法存立八萬歲舍利普流遍布十方興光如來所生土地城名金光其佛光明照二千刹土君子種父名光燄母字寶施子曰

樂德侍者曰月華上首智慧弟子曰極音神足弟子曰自在佛在世時人壽五億歲一會說經五十億百千弟子集二會四十億百千三會三十億百千皆得道證正法存立七億百千歲舍利普流遍布十方

大明山如來所生土地域名寶淨其佛光明照三千二百里梵志種父名月盛母字曰施子曰善蓋侍者曰寶供上首智慧弟子曰若干覺神足弟子曰知愛佛在世時人壽八千歲一會說經七十億弟子集二會八十億三

會九十億皆得道證正法存立九萬二千歲舍利并合興一大寺

金剛如來所生土地域名善行威其佛光明照百四十里君子種父名明珠光母字青蓮目子曰壽命侍者曰海氏上首智慧弟子曰堅施神足弟子曰尊友佛在世時人壽百千歲一會說經四十億弟子集二會三十億三會三十二億皆得道證正法存立千歲舍利普流遍布十方

憶識如來所生土地域名梅陀氏其佛光明

照三千三百六十里梵志種父名華氏母字
燄光子曰寶捨侍者曰意樂上首智慧弟子
曰無畏神足弟子曰右王佛在世時人壽億
歲一會說經七十姪弟子集二會六十六姪
三會五十姪皆得道證正法存立二億歲舍
利普流遍布十方

無畏如來所生土地城名甚和柔其佛光明
照三千六百里君子種父名施光母字善目
子曰上思夷華侍者曰月氏上首智慧弟子
曰重王神足弟子曰天氏佛在世時人壽百

千歲一會說經八十姪弟子集二會七十八
姪三會七十六姪皆得道證正法存立億歲
舍利普流遍布十方

寶氏如來所生土地城名次堅其佛光明照
百二十里梵志種父名棄妬母字福施子曰
施供養侍者曰進施上首智慧弟子曰無能
當神足弟子曰強步佛在世時人壽萬八千
歲一會說經四十億弟子集二會三十八億
三會十六億皆得道證正法存立七萬歲舍
利并合興一大寺

蓮華目如來所生土地城名華郡其佛光明
照千二百八十里君子種父名上華母字妙
顏子曰天愛侍者曰無憂華上首智慧弟子
名智光神足弟子曰重施佛在世時人壽萬
八千歲一會說經七億弟子集二會三十四
億三會四十億皆得道證正法存立五十六
億歲舍利普流遍布十方
力將如來所生土地城名上賢其佛光明照
二百一十里君子種父名力天母字施安子
曰滿明侍者曰護法上首智慧弟子曰勝王

神足弟子曰善安佛在世時人壽萬六千歲
一會說經六十萬弟子集二會五十萬八千
三會七十五萬二千皆得道證正法存立千
歲舍利并合興一大寺

華光如來所生土地城名善月華其佛光明
照三千一百二十里梵志種父名愛見母字
星宿子曰堅鐙侍者曰覺氏上首智慧弟子
曰義氏神足弟子曰祥幢佛在世時人壽二
萬二千歲一會說經三十億弟子集二會三
十二億三會亦三十二億皆得道證正法存

立五萬歲舍利普流遍布十方

伏愛如來所生土地城名上財其佛光明照
三百二十里君子種父名時氏母字賢首子
曰訓寂侍者曰愍傷上首智慧弟子曰善宿
神足弟子曰思夷華佛在世時人壽百千歲
一會說經九百億弟子集二會八十億三會
七十億皆得道證正法存立五十萬歲舍利
普流八方上下

大威如來所生土地城名富祠其佛光明照
二百里梵志種父名寶藏母字威氏子曰照

上侍者曰善多上首智慧弟子曰燄光神足
弟子曰紫藏佛在世時人壽五千歲一會說
經七萬弟子集二會七萬五千三會八萬人
皆得道證正法存立二萬一千歲舍利并合
興一大寺

梵氏如來所生土地城名上味其佛光明照
百二十里梵志種父名愛無憂母字旃陀氏
子曰勝兵侍者曰甚調上首智慧弟子曰進
土神足弟子曰金剛結佛在世時人壽萬二
千歲一會說經億弟子集止有是一會皆得

道證正法存立萬四千歲舍利并合興一大寺

無量耀如來所生土地城名神氏其佛光明照二千八百里君子種父名尊音母字月光子曰欣喜侍者曰喜兵上首智慧弟子曰樂

特九

九

響神足弟子曰燄光佛在世時人壽八萬歲一會說經二百億弟子集二會四百億三會六百億皆得道證正法存立亦八萬歲舍利普流八方上下

龍施如來所生土地城名寶錦其佛光明照

二十里君子種父名持勝母字法氏子曰福力侍者曰寶城上首智慧弟子曰燄最神足弟子曰雄天佛在世時人壽七萬六千歲一會說經八萬弟子集二會七萬八千三會七萬五千人皆得道證正法存立千歲舍利并合興一大寺

堅步如來所生土地城名上賢其佛光明照二百里君子種父名師子髮母字那羅施子曰法音侍者曰善應上首智慧弟子曰寶施神足弟子曰月施佛在世時人壽億歲一會

說經百億弟子集二會九十九億三會九十
八億皆得道證正法存立五萬歲舍利普流
遍布十方

不虛見如來所生土地城名逮受其佛光明
圓照七尺君子種父名清施母字柔甘目子
曰餤味侍者曰聞乳上首智慧弟子曰安明
友神足弟子曰伊沙羅佛在世時人壽百歲
一會說經九十六億弟子集二會九十八億
三會百億皆得道證正法存立千歲舍利普
流遍布十方

精進施如來所生土地城名沾波其佛光明
照四十里梵志種父名賢吼母字首意子曰
無憂天侍者曰大神便上首智慧弟子曰樂
尊神足弟子曰月首佛在世時人壽千歲一
會說經八十特九姪弟子集皆得道證正法存立
三千歲舍利并合興一大寺

賢力如來所生土地城名得樂志其佛光明
照四百里君子種父名寶威母字福意子曰
常施侍者曰石樂上首智慧弟子曰慧殊神
足弟子曰海意其佛在世時人壽六千歲一

會說經八百萬億弟子集皆得道證由得自在正法存立二萬一千歲舍利普流遍布十方

欣樂如來所生土地城名財富其佛光明照百六十里梵志種父名梵天母字供首子曰大威侍者曰行步安上首智慧弟子曰多福神足弟子曰樂目佛在世時人壽八萬四千歲一會說經七十三億弟子集二會七十二億三會七十一億皆得道證正法存立九千歲舍利普流遍布十方

不退沒如來所生土地城名長威其佛光明照二千八百里君子種父名醫王母字宿首子曰華天侍者曰力無勝上首智慧弟子曰稱無量神足弟子曰勇步佛在世時人壽二萬一千歲一會說經六十億弟子集二會五十八億三會五十六億皆得道證正法存立九千歲舍利并合興一大寺

師子幢如來所生土地城名烏扇加其佛光明照三百六十里君子種父名法幢母字福友子曰貴施侍者曰大神上首智慧弟子曰

愛施神足弟子曰勤涼佛在世時人壽二萬八千歲一會說經二十二億弟子集二會二十一億三會二十億皆得道證正法存立八千歲舍利普流遍布十方

勝智如來所生土地城名寶燄其佛光明照四百里君子種父名曰藏母字華目子曰樂成侍者曰法氏上首智慧弟子曰修成神足弟子曰善法佛在世時人壽八萬歲一會說經三十六億弟子集二會三十七億三會三十八億皆得道證正法存立六百萬歲舍利

并合興一大寺

法氏如來所生土地城名愛天梵志種其佛光明照二百八十里父名莫勝母字聞氏子曰勝天根侍者曰日施上首智慧弟子曰大樂神足弟子曰施藥佛在世時人壽億歲一會說經八億弟子集二會七億三會六億皆得道證正法存立一億歲舍利普流遍布十方

喜王如來所生土地城號所在吉其佛光明照三千二百里君子種父名最上母字首歸

悅子曰念聞乳侍者曰智和安上首智慧弟子曰寶上神足弟子曰執人天佛在世時人壽五千歲一會說經四十億弟子集二會三十八億三會三十七億皆得道證正法存立百千歲舍利并合興一大寺

特九

十二

妙御如來所生土地域名寶藏其佛光明照四十里君子種父名曰施母字寶氏子曰德光侍者曰海身上首智慧弟子曰行妙施神足弟子曰上施一會說經九十億弟子集二會九十八億三會百億皆得道證佛在世時

人壽億歲正法存立三億歲舍利普流遍布十方

敬英如來所生土地域名世樂其佛光明照二十里梵志種父名豐世母字欣樂子曰外氏侍者曰尊燈上首智慧弟子曰安上神足弟子曰退施佛在世時人壽百千歲一會說經五十億弟子集二會四十八億三會四十六億皆得道證正法存立一億歲舍利并合興一大寺

妙天如來所生土地域名善意其佛光明照

千二百里梵志種父名真味母名法意子曰
月上侍者曰威英上首智慧弟子曰愛音神
足弟子曰無憂一會說經七十億百千弟子
集二會六十億百千三會五十億百千皆得
道證正法存立二萬歲佛在世時人壽四萬

侍九

十三

歲舍利普流遍布十方

多勲如來所生土地城名香氏其佛光明照
三百六十里君子種父名受施母字威首子
曰威神侍者曰青蓮上首智慧弟子曰無垢
施神足弟子曰施興忻樂一會說經十四億

弟子集二會十六億三會十八億皆得道證
佛在世時人壽二萬五千歲正法存立五萬
歲舍利并合興一大寺

衆香手如來所生土地城名福香其佛光明
照千二百八十里君子種父名首樂母字妙
華子曰寶上光侍者曰誠英上首智慧弟子
曰愛目神足弟子曰勝力一會說經六十六
億弟子集二會六十四億三會六十二億皆
得道證佛在世時人壽七萬歲正法存立亦
七萬歲舍利普流遍布十方

順觀如來所生土地城名度門其佛光明照
四十里梵志種父名施顏母字寶趣子曰所
生侍者曰意悅上首智慧弟子曰施明神足
弟子曰意錦一會說經七十億弟子集二會
六十八億三會六十六億皆得道證佛在世
時人壽九十億歲正法存立九十億歲舍利
普流遍布十方

雨音如來所生土地城名宿愛其佛光明照
十七百六十里梵志種父名明施母字威首
子曰其法侍者曰甚諦上首智慧弟子曰月

藏神足弟子曰力步一會說經七十億弟子
集二會七十五億三會八十億皆得道證佛
在世時人壽九萬歲正法存立百千歲舍利
并合興一大寺

特九

十四

照二十里梵志種父名念堅母字福祇子曰
華施侍者曰力施上首智慧弟子曰無喻神
足弟子曰捨嫉一會說經百千萬弟子集二
會八十萬三會七十萬皆得道證佛在世時
人壽千歲正法存立八萬四千歲舍利普流

遍布十方

快意如來所生土地城名快見其佛光明照
五百六十里君子種父名宿天母字威氏子
曰華氏侍者曰俱進上首智慧弟子曰普施
神足弟子曰超步一會說經二十八億弟子

集二會二十五億三會亦二十五億皆得道
證佛在世時人壽三萬歲正法存立六萬歲
舍利普流遍布十方

離垢如來所生土地城名地威其佛光明照
四十里梵志種父名首藏母字華辭子曰智

威侍者曰無限上首智慧弟子曰有志神足
弟子曰郡氏一會說經八十萬弟子集二會
九十萬三會百萬皆得道證佛在世時人壽
六萬五千歲正法存立二萬歲舍利普流遍
布十方

特九

十五

名聞如來所生土地城名無憂其佛光明照
四千里君子種父名最上母字威施子曰上
首侍者曰法住上首智慧弟子曰石氏神足
弟子曰愛經一會說經百億弟子集二會九
十億三會八十億皆得道證佛在世時人壽

七萬歲正法存立二十萬歲舍利普流遍布十方

大稱如來所生土地域名好園其佛光明照八百八十里梵志種父名首積母字日施子曰勝離意侍者曰聞我思上首智慧弟子曰名蜜郡神足弟子曰斷施一會說經五百億弟子集二會三百億三會二百億皆得道證佛在世時人壽八萬歲正法存立五萬歲舍利普流遍布十方

照百二十里君子種父名覺喜母字思夷氏子曰思兵侍者曰無量寂上首智慧弟子曰寶威神足弟子曰逮致一會說經九百億弟子集二會千億三會千二百億皆得道證佛在世時人壽九萬歲正法存立億歲舍利普流遍布十方

堅彊如來所生土地域名安思其佛光明照千國土君子種父名神氏母字樹言子曰餒樂侍者曰明珠味上首智慧弟子曰樂諧神足弟子曰甚調一會說經三千億弟子集二

會三十八億三會五億皆得道證佛在世時
人壽三萬歲正法存立九萬歲舍利并合興
一大寺

師子步如來所生土地城名清白氏其佛光
明照千三百二十里君子種父名若干塵母

字妙藥子曰不陀留侍者曰意行上首智慧

特九

十六

弟子曰多豐神足弟子曰與護一會說經百
七十八萬弟子集二會百二十萬三會百四
十萬皆得道證佛在世時人壽萬八千歲正
法存立七億歲舍利普流遍布十方

神樹如來所生土地城名上閻浮其佛光明
照億里君子種父名樹王母字意英子曰愛
俗侍者曰施耀上首智慧弟子名藥解神足
弟子曰二財一會說經四十八億弟子集二
會三百五十億三會三百三十億皆得道證
佛在世時人壽萬八千歲正法存立七十萬
歲舍利并合興一大寺

轉勝如來所生土地城名藥氏其佛光明照
三百六十里君子種父名見敬母字財施子
曰勇施侍者曰法與上首智慧弟子曰了想

神足弟子曰大根名聞一會說經七十六億
弟子集二會七十四億三會七十二億皆得
道證佛在世時人壽八萬歲正法存立百千
歲舍利普流遍布十方

智慧如來所生土地城名賢施其佛光明照

特九

四百四十里君子種父名釋施母字蜜威子

十七

曰梵天侍者曰法稱上首智慧弟子曰根意
神足弟子曰尊氏一會說經四十億弟子集
二會三十億三會二十億皆得道證佛在世
時人壽三千歲正法存立一萬歲舍利并合

興一大寺

善住如來所生土地城名閑威其佛光明照
四百里梵志種父名護無害母字樂音子曰
具戒侍者曰覺嫉上首智慧弟子曰上與神
足弟子曰執鐙一會說經四萬六千弟子集
二會二萬五千三會四萬三千皆得道證佛
在世時人壽五百萬歲正法存立八萬歲舍
利并合興一大寺

虛空如來所生土地城名愛居其佛光明照
百二十里君子種父名根施母字天豪子曰

水天侍者曰智結上首智慧弟子曰上意神足弟子曰法首一會說經九十億弟子集二會八十億三會七十億皆得道證佛在世時人壽千歲正法存立萬二千歲舍利普流遍布十方

無量覺如來所生土地域名善蓋其佛光明照三百八十里梵志種父名生明眼母字龍施子曰妙好侍者曰賢天上首智慧弟子曰心音神足弟子曰大枝步一會說經七十億二會五十億三會四十億皆得道證佛在世

時人壽億歲正法存立六十億歲舍利普流遍布十方

善顏如來所生土地域名威氏其佛光明照五百二十里君子種父名樂音母字樂氏子曰所在言侍者曰上與上首智慧弟子曰福

十八

十八

慧神足弟子曰無懼一會說經七億弟子集二會九億三會十億皆得道證佛在世時人壽三千歲正法存立萬六千歲舍利并合興一大寺

聖慧如來所生土地域名善清白其佛光明

照五百六十里梵志種父名伊耨檀母字離塵子曰勇猛侍者曰阿難上首智慧弟子曰意行神足弟子曰須達一會說經二十二億弟子集二會二十一億三會二十億皆得道證佛在世時人壽二萬八千歲正法存立六萬歲舍利并合興一大寺

光明如來所生土地城名瑠璃光其佛光明照三千三百三十里君子種父名愛敬母字意樂子曰愛光侍者曰園觀上首智慧弟子曰樂愛神足弟子曰調友一會說經八十二

億弟子集二會八十七億三會八十六億皆得道證佛在世時人壽萬歲正法存立三千歲舍利普流遍布十方

堅誓如來所生土地城名日遊其佛光明照四十里梵志種父名天愛母字善意音子曰

侍九

十九

尊實侍者曰柔音上首智慧弟子曰言施神足弟子曰柔輒一會說經百億弟子集二會九十七億三會九十五億皆得道證佛在世時人壽一億歲正法存立四十億歲舍利并合興一大寺

吉祥如來所生土地城名母愛其佛光明照
二百八十里梵志種父名錦王母字華元子
曰無量手侍者曰養友上首智慧弟子曰法
事神足弟子曰勝友一會說經五十億弟子
集二會八十二億三會八十六億皆得道證
佛在世時人壽五萬歲正法存立億歲舍利
普流遍布十方
誠英如來所生土地城名愛響其佛光明照
四十里梵志種父名福外母字賢氏子曰愛
名稱侍者曰尊友上首智慧弟子曰月賢神

足弟子曰樹目一會說經八十億弟子集二
會七十億三會六十億皆得道證佛在世時
人壽一億歲正法存立八億歲舍利并合興
一大寺
青蓮如來所生土地城名甚華威其佛光明
照四百八十里君子種父名總持母字忻施
子曰功福侍者曰難勝上首智慧弟子曰樂
法神足弟子曰藥氏一會說經十萬弟子集
二會九萬九千三會九萬八千皆得道證佛
在世時人壽五百歲正法存立萬五千歲舍

利并合興一大寺

鉤鎖如來所生土地城名集堅其佛光明照
二百里君子種父名愛目母曰施善志子曰
仁賢侍者曰明珠髻上首智慧弟子曰覺友
神足弟子曰若干月一會說經六十億弟子

侍九

二十

集二會五十億三會九十億皆得道證佛在
世時人壽一萬二千歲正法存立三萬歲舍
利普流遍布十方

安氏如來所生土地城名意樂其佛光明照
百二十里梵志種父名無量寶母字豐盛氏

子曰地尊侍者曰堅強上首智慧弟子曰月
耀神足弟子曰師子一會說經九十六億二
會九十四億三會九十二億皆得道證佛在
世時人壽八萬四千歲正法存立亦八萬四
千歲舍利普流遍布十方

慧業如來所生土地城名福富其佛光明照
四百里君子種父名無憂母字愛海子曰和
善覺侍者曰善施上首智慧弟子曰現在聖
神足弟子曰福愛一會聖衆不可計億二會
八百億三會七百億皆得道證其佛在世時

人壽八萬歲正法存立五倍佛散舍利如布
醫藥爾時安住巍巍難逮若有聞名百一斯
等不久成佛正覺況復奉供是千如來諸弟
子學不足言耳諸菩薩等逮不退轉無所從
生法忍一生補處度脫十方不可稱計

特九

廿二

賢劫經卷第九

賢劫經卷第十

西晉三藏竺法護譯

持十

千佛發意品第二十二

喜王菩薩復白佛言善哉世尊唯垂愍哀說此劫中千佛本末昔始作行得為菩薩時在何佛所初發道意持十積功累德每生自剋供養諸佛自致正覺度脫一切佛告喜王菩薩諦聽諦聽善思念之當為汝說發意本末喜王菩薩與諸大衆受教而聽佛言拘留孫佛本宿命時見月意如來心中

亘然如冥觀明知道無上三界最尊則求寶蓋貢上其佛初發道意精進不懈自致正覺度脫一切

拘那含佛本宿命時見師子如來貢上寶璣及須曼華因發道意積功累德自致正覺度脫一切

其迦葉佛本宿命時生梵志家作幼童子見思夷最如來心中解悅脫身所著妙好寶帶貢上其佛初發道意行菩薩道不中懈廢自致正覺度脫一切

佛言今我成佛號釋迦文本宿命時作良醫
師主治人病得醫功夫寶物衣具見往古佛
與吾同號亦字能仁如來之至尊因持衣物
貢上其佛初發道意行四等心四恩六度空
無相願不中取證逮得無所從生法忍見錠
光佛示現受決欲濟一切三界衆生自致正
覺度脫一切
慈氏如來本宿命時作轉輪聖王見佛名逮
無極因發道心請佛聖衆供以甘饍貢上光
寶以施一切所在仁慈愍諸不逮周旋生死

如恒河沙劫不以爲勗自致至佛度脫一切
值其上壽人命八萬四千歲時
師子如來本宿命時從初發心佛名晃昱音
因其發心以五寸五納衣奉上其佛供事世
尊行菩薩法自致成佛

特十

二

光燄如來本宿命時曾作賈客入海獲致琦
珍從無量光佛所初發道心時見世尊心中
忻喜以明月珠貢上其佛因其道心行菩薩
法自致成佛度脫一切
牟尼如來本宿命時從悅意如來初發道心

時作凡人財富無量見佛心開珠校飾蓋貢
上其佛因其道心行菩薩法心中願言以是
功德歸流十方皆見覆護精進不懈自致正
覺度脫一切

善目如來本宿命時從琦妙佛初發道心于
時見佛心中燿然貢上華香因其道意行菩
薩法奉四等心四恩四辯六度無極愍傷十
方致最正覺度脫一切危厄衆生蒙濟弘安
善宿如來本宿命時從安悅如來初發道心
時爲長者見佛歡悅貢上交露妙好重閣供

養其佛因其道意行菩薩法欲度十方自致
成佛度脫一切

華氏如來本宿命時見導御佛初發道心時
本貧厄因其發心知三界空便脫死人衣貢
上其佛奉菩薩法欲度衆生富以七財使諸
衆生莫致貧厄十方覆護自致成佛度脫一
切

第二華氏如來至真等正覺本宿命時從超
越首佛初發道心持洗口柳枝一枚貢上其
佛因其道意行菩薩法度脫衆生自致正覺

救衆危厄三界之難

導師如來本宿命時見至誠佛初發道心時
作凡人以身所有好牀坐具及赤梅檀貢上
其佛因其道心行菩薩法欲濟十方自致得
佛度脫一切

大名如來本宿命時從洪稱佛初發道心時
欲入城見佛出城因爲稽首歸命供養貢上
至心而奉好竹心自念言使諸衆生行直如
竹莫有邪志由是之故常遇三寶自致正覺
救濟十方

大力如來本宿命時從師意佛初發道心時
生香家作子賣衆好香見佛入城心中大悅
貢上其佛木蜜澡灌手執美香殊異雜熏隨
尊侍衛願一切衆生悉入道門因是自致得
成正覺度脫一切

星宿王如來本宿命時從施音佛初發道心
時在其國貧無所有爲人客作牧牛使令見
佛欣然以時節華貢上其佛行菩薩道精進
不懈自致正覺度脫一切
修藥如來本宿命時從微妙香佛初發道心

時作御師見佛世尊恭順歸命無上大聖以卑遜心與佛談言由是之故除三界難自致成佛一切蒙恩

名稱英如來本宿命時從燈電佛初發道心見佛說法則以幢幡上其如來旣夜然燈夙夜勤修自致成佛度脫^{特十}三界之難^四五趣之患皆恃福慶靡不得安

英妙如來本宿命時從蓮華佛初發道心其身爾時適行犂種見佛歡喜捨犂牛去稽首佛足以解脫華供養上佛願使衆生犂道德

田自致得佛由是遵行四等四恩三脫六度便成正覺度脫一切

大光如來本宿命時從大定光佛初發道心時在其國最爲貧厄入行曠野見佛僧衆以錢上佛供養至尊在曠野中燒香然燈願三界衆生心空意淨猶如曠野三世普明無三毒冥故自致得佛度脫一切

解陰如來本宿命時從梵音佛初發道心時作皮師貢上其佛妙好履屣願使一切近致車乘然後皆成五通之馳由是功德自致成

佛度脫一切

照明如來本宿命時從離慢意佛初發道心
時作轉輪聖王以八萬四千行樹貢上施佛
便造精舍經行其中精進不懈自致成佛度
脫一切

特十

日藏如來本宿命時從無量威佛^五初發道心
時爲大姓梵志作子以拘翼華貢上其佛緣
是之故自致正覺度脫一切

月氏如來本宿命時從名稱華佛初發道心
時爲金師家作子以好寶杖貢上其佛由是

之故自致成正覺度脫一切

光曜如來本宿命時從無量明佛初發道心
時生其國最爲貧匱負薪草行欲於市賣見
佛欣然無以貢上以草奉佛願使功德歸流
十方自致成佛度脫一切

善照如來本宿命時從悅意威佛初發道心
時作園監見佛欣然以思夷華貢上至尊行
菩薩法心自念言使諸衆生心輒如華因從
精進自致成佛度脫一切

無憂如來本宿命時從離意稱佛初發道心

時生尊者家爲長者子取最上華以散佛上
慕求大道無上正真緣是之故自致正覺度
脫一切

威神如來本宿命時從德鎧佛初發道心時
作長者子以明月珠及紅蓮華貢上其佛精
進不懈自致正覺度脫三界五趣之患
燄光如來本宿命時從善見佛初發道心時
作賈客數入大海以赤梅檀好牀卧具貢上
其佛因行菩薩道自致成佛度脫三界生死
之厄

執華如來本宿命時從悅意威佛初發道心
生彼世時爲長者子以身好衣用乳浣之燒
好名香貢上其佛欲令功德歸流十方一切
蒙濟緣是之故自致正覺度脫一切

勲光佛如來本宿命時從不藏威佛初發道
心時作凡人見佛悅豫稽首歸命特十則以明鏡
衆珍琦寶貢上其佛行菩薩法緣是之故自
致正覺度脫一切

現義如來本宿命時從無量音佛初發道心
往昔世時作轉輪聖王見佛至尊無上大道

以若干交露重閣精舍貢上其佛願使衆生
德猶虛空緣致正覺度脫一切

錠耀如來本宿命時從明娛樂佛初發道心
在彼世時香家作子採衆華香以上聖尊伏
心制意與其家室六十億眷屬衆俱供養其
佛諮受道法行菩薩法自致正覺度脫一切
光威如來本宿命時從普稱佛所初發道心
時作仙人居在山中以好白氎布經行處貢
上其佛知之甚尊行菩薩法自致正覺度脫
一切

醫氏如來本宿命時從離憶佛初發道心時
爲醫家作子見佛欣喜以持丸藥衆香華物
貢上其佛願一切衆生除三毒病緣是興意
行菩薩法自致正覺度脫一切

善導如來本宿命時從其柔順佛初發道心

持十

時爲油家子以油然燈貢上其佛願令十方
各蒙道明緣是之故自致正覺救濟一切
興盛如來本宿命時從廣普稱佛初發道心
貢上其佛細好白氎布經行處勸助所施因
是興意奉菩薩行愍念群生自致正覺度脫

一切

醫所如來本宿命時從離垢佛初發道心生
在醫家學醫弟子見佛欣喜貢上其佛若干
丸藥緣行開士自致正覺度脫一切

頂髻施如來本宿命時從普現佛所初發道
心時作校飾瓔珞家子貢上其佛御乘將護
及寶瓔珞供養奉事行菩薩法精進不懈自
致正覺度脫一切

堅固如來本宿命時從莫能勝佛初發道心
時作轉輪聖王見佛世尊八萬四千七寶牀

席坐具机筵貢上其佛因興道意行菩薩法
自致正覺度脫一切

首威如來本宿命時從威王光佛所初發道
心曾爲賈客入大海中以明珠貢上其佛
斯珠光明照四十里緣是精進自致正覺無
上大道度脫一切

難勝如來本宿命時從堅步越佛初發道心
時主載材見佛欣然以楊柳枝貢上其佛洗
口及齒緣是淨行自致正覺度脫一切
德幢如來本宿命時從柔稱佛所初發道心

貢上其佛水器大釜以用洗浴身垢消除令
體清淨道立光明普行施德自致正覺度脫
一切

閑靜如來本宿命時從無上佛所初發道心
其人時作寶瓔珞師家子莊嚴瓔珞貢上其
佛以紫金色履屣^{皆十}牀香布施奉上願一切衆
生皆得定意緣是之故自致正覺度脫一切
堅重如來本宿命時從大清悅佛初發道心
供施其佛清白細氎溫其浴室洗浴聖衆及
奉雜香緣興道意行菩薩法自致正覺救濟

十方取要言之不能一二講說千佛本末
梵音如來本宿命時從柔音佛所初發道心
時爲國王監放牧羊時梵音佛始成正覺在
野澤中見其如來心懷悅豫分所服麤半奉
如來緣行菩薩無上大道精進不懈自致正
覺度脫一切

堅強如來本宿命時從無動步佛所以手撮
取雜寶琦珍供散其佛作大導師家子因施
發意緣斯功德自致正覺度脫一切
極上欣妙如來本宿命時從無量清淨佛所

初發道心時爲王太子名娛樂在沙竭國佛
成正覺振其光明普照十方緣行菩薩自致
正覺度脫一切

興光如來本宿命時從威首先佛初發道心
時作轉輪聖王以好衣服珍琦異寶貢上其
佛福施一切緣是精進自致正覺無上大道
度脫一切

大明山如來本宿命時從住道佛所初發道
心以無憂華貢上其佛積功累德每生自剋
以大慈悲愍念一切自致正覺度脫一切

金剛如來本宿命時從堅固佛所初發道心
在忉利天作天帝釋以天意華繖陀勒華雨
下紛紛貢散其佛緣是行道自致正覺度脫
一切

憶識如來本宿命時從愛解脫佛所初發道
心以妙紫金寶珠瓔珞盡用貢上其佛供散
佛身而發道意自致正覺度脫一切
無畏如來本宿命時從不恐佛所初發道心
作性慵悞而喜戲笑以作妓樂擊鼓歌歎供
養樂佛自致正覺度脫一切

寶氏如來本宿命時從無量音佛所初發道
心時作大臣以華好香貢上其佛緣行菩薩
自致正覺度脫一切

蓮華目如來本宿命時從普觀佛所初發道
心以自己身所著寶帶牀卧貢奉用上如來
欲令一切衆生功德自致正覺度脫一切
力將如來本宿命時從大御佛所初發道心
時作醫王持一阿摩勒果貢上其佛緣其成
行自致正覺度脫一切

華光如來本宿命時從一切威佛所初發道

心時作金師以寶華飾貢上其佛緣斯具行
自致正覺度脫一切

伏愛如來本宿命時從誨供佛所初發道心
曾作博戲家子以好香鑪貢上其佛緣斯積
行自致正覺度脫一切

大威如來本自宿命時從照曜^十首佛所初發
道心時作尊者子以好衣服貢上其佛緣斯
積行自致正覺度脫一切

梵氏如來本宿命時從班宣尊佛所初發道
心時作太官令以石蜜甘蔗餚貢上其佛緣

斯積德自致正覺度脫一切

無量耀如來本宿命時從淨光明佛所初發
道心爲他賈作以有好蓋貢上其佛緣斯積
德自致正覺度脫一切

龍施如來本宿命時從師子頻伸佛所初發
道心時爲華鬘師家作子以華寶器貢上其
佛緣斯積德自致正覺度脫一切

堅步如來本宿命時從離意勝佛所初發道
心時爲珠師家作子以寶珠瓔珞牀席坐具
貢上其佛緣斯積德自致正覺度脫一切

不虛見如來本宿命時從喜見佛所初發道

心時家作醫師主療治病以好雜藥貢上聖

衆使治衆病緣斯積德自致正覺度脫一切

精進施如來本宿命時從度無量佛所初發

道心時作轉輪聖王興起持十精舍樓閣房室其

數百千以赤梅檀十一以爲衆牀布好坐具貢上

其佛緣斯積德自致正覺度脫一切

賢力如來本宿命時從名聞光佛所初發道

心時作凡人以百味供貢進其佛及與聖衆

而常飯食十姪弟子緣斯積德自致正覺度

脫一切

欣樂如來本宿命時從弘稱佛所初發道心
時爲豪貴長者梵志作子以真珠校飾好妙
拂及奇異扇貢上其佛緣斯積德自致正覺
度脫一切

無退沒如來本宿命時從寂根佛所初發道
心時作使者以五比羅果貢上其佛緣斯積
德自致正覺度脫一切

師子幢如來本宿命時從清和音佛所初發
道心時作凡人將犂耕田以一阿摩勒果貢

上其佛緣斯積德自致正覺度脫一切

勝智如來本宿命時從無能毀轉法輪佛所
初發道心時作履屣師以訶梨勒果貢上其
佛緣斯積德自致正覺度脫一切

法氏如來本宿命時從無量響佛所初發道
心時作力士求以好幢貢上其佛緣斯積德
自致正覺度脫一切

喜王如來本宿命時從降念佛所初發道心
時作香師以好雜香貢上其佛緣斯積德自
致正覺度脫一切

妙御如來本宿命時從神足威佛所初發道
心時爲幼童以三品果貢上其佛緣斯積德
自致正覺度脫一切

愛英如來本宿命時從功勲王佛所初發道
心時爲國王明智太子以華貢佛緣斯積德

持十

十二

自致正覺度脫一切

妙天如來本宿命時從嘆度無極佛所初發
道心時作賈客貢上甘美蜜鉢緣斯積德自
致正覺度脫一切

多勲如來本宿命時從大力佛所初發道心

時爲國貧人貢上其佛一文六尺經行之處
緣斯積德自致正覺度脫一切

衆香手如來本宿命時從曜妙淨佛所初發
道心時爲賣香家子因香水灑其世尊經行
之處緣斯積德自致正覺度脫一切

順觀如來本宿命時從見無罣礙佛所初發
道心時在山居以好繒氎作校飾蓋貢上其
佛緣斯積德自致正覺度脫一切

雨音如來本宿命時從師子步佛所初發道
心時作陶師而以澡罐貢上其佛緣斯積德

自致正覺度脫一切

善思如來本宿命時從普觀佛所初發道心
時作採華家子以一蓮華貢上其佛緣斯積
德自致正覺度脫一切

快意如來本宿命時從施超度佛所初發道

特十

十三

心時作尊者子須曼華鬘貢上其佛緣斯積

德自致正覺度脫一切

離垢如來本宿命時從善見佛所初發道心
夜卧精舍貢上其佛拭手巾緣斯積德自
致正覺度脫一切

名聞如來本宿命時染家作子從善哉像佛
所初發道心盛阿醯勒取滿手華供散佛上
緣斯積德自致正覺度脫一切

大稱如來本宿命時從意稱佛所初發道心
時在其國最爲窮匱以拘須摩好柔妙華貢
上其佛緣斯積德自致正覺度脫一切

明珠髻如來本宿命時從寶淨佛所初發道
心時作幼童以滿手雜香供散其佛緣斯積
德自致正覺度脫一切

堅強如來本宿命時從熾盛光佛所初發道

心時作天上神妙天子以天好扇貢上其佛
緣斯積德自致正覺度脫一切

師子步如來本宿命時從度超越佛所初發
道心曾為蓋師盛陽暑時貢上其佛蓋及履
屣緣斯積德自致正覺度脫一切

神樹如來本宿命時從寶淨佛所初發道心
時作牧羊人於野牧羊在塗路見佛欣然即
取樹皮貢上其佛緣斯積德自致正覺度脫
一切

轉勝如來本宿命時從決了覺佛所初發道

心曾作牧羊人以取好鉢盛滿中乳貢上其
佛緣斯積德自致正覺度脫一切

智積如來本宿命時從慧英佛所初發道心
時作凡人布設法座一日供養佛比丘衆緣
斯積德自致正覺度脫一切

善住如來本宿命時從動覺佛所初發道心
曾為治皮家作子貢上其佛滿一朶毛緣斯
積德自致正覺度脫一切

虛空如來本宿命時從行意佛所初發道心
時作客作人以美水漿貢上其佛斷所作務

已所食具上佛供養緣斯積德自致正覺度脫一切

承樂如來本宿命時從善根佛所初發道心貢上其佛施服上尊下黑良衣所用細氎緣斯積德自致正覺度脫一切

無量覺如來本宿命時從威音佛所初發道心在其方面貢上其佛所可坐樹緣斯積德自致正覺度脫一切

善顏如來本宿命時從光音佛所初發道心時採衆果以青蓮華五莖貢上其佛緣斯積

德自致正覺度脫一切

聖慧如來本宿命時從善住佛所初發道心時作比丘處在閑居淨除其佛所經行處緣斯積德自致正覺度脫一切

光明如來本宿命時從無量威佛所初發道

特十

心居在城市持百千價坐具牀机十五衆香貢上

其佛緣斯積德自致正覺度脫一切

堅誓如來本宿命時從緣思佛所初發道心作華鬘師以華貢上其佛緣斯積德自致正覺度脫一切

吉祥如來本宿命時從閑稱佛所初發道心
其時負薪行道值風雨因入精舍見佛弟子
以殊勝華貢上其佛緣斯積德自致正覺度
脫一切

誠英如來本宿命時從勲華如來初發道心
時適洗浴以已發心貢上其佛好香手自施
與緣斯積德自致正覺度脫一切

青蓮華如來本宿命時從妙華光如來所初
發道心時生尊者家作子聰明勇慧以紅蓮
華貢上其佛緣斯積德自致正覺度脫一切

鈎鎖如來本宿命時從難勝佛所初發道心
時主香市衆事販賣以赤梅檀塗佛經行地
緣斯積德自致正覺度脫一切

安氏如來本宿命時從軟嚮佛所初發道心
時國王遣行出作使者以三法衣與衆眷屬
貢上其佛緣斯積德自致正覺度脫一切
慧業如來本宿命時從善現佛所初發道心
與大衆俱以大幢蓋和心同意貢上其佛緣
斯積德自致正覺度脫一切
爾時世尊粗舉千佛都校本末使諸一切大

集會衆知其至要欲嘆其德因而頌曰

在諸佛所建立福祚 所修行功少不足言

而獲報應果實如是 何所明知不發道心

虛空尚可盡度其際 其大海水亦可分量

少少信喜樂向佛所 其德之報無能限量

不墮八難不值蔽礙 十六 緣斯乃致無爲安業

是故遇佛最勝福田 恭恪奉事行無放逸

今我現在若滅度後 取佛舍利猶如芥子

信尊懷喜若供養者 其福無底德不可思

空虛之界及衆生界 發一切智心施佛德

有斯四法誰敢底邊 唯佛獨知無能盡限

猶如貧匱虛乏窮厄 喜得大藏周四十里

若發道心其德如是 所住救濟一切衆生

其十力尊以八娛樂 斯以恩加五百佛護

曾見八萬上首諸佛 佛以班宣四可悅義

曉了分別八十四義 爾乃六萬諸法之門

敷演七十六慧道地 佛以解暢十八諸行

其十吉祥意五方便 斯十行本變百十億

諸緣覺等所不能逮 何況倚著衆聲聞黨

其餘諸相衆好八十 諸佛威儀功勲聖達

不可窮極無以爲喻 是故名佛不可思議
若有發心最尊佛道 雖處世間永安之業
既遊方俗爲大財富 所至無倚無所繫屬
降伏衆魔遠得甘露 以七寶業濟飽衆厄
願在世間必過度俗 猶如大雨普潤天下
雖復遭苦無數百千 十七 不久當成功勲威德
一切世間皆歸斯無 是故行道勿以爲勞
皆能含忍衆苦之患 若以罪報墮於惡趣
若承功勲必生天上 何所明智與愚諍訟
無明迷惑慧智志安 智致道果癡不覺之

是故行道悉以忍之 愚喜諍亂智無所訟
由斯棄捐衆不應業 習其精修智明之行
以能捨斯不倚利養 常當勤修奉此三昧
一一思念諸佛道德 忍無央數億劫劫難
佛之功勲不可思議 雖更衆苦固習道慧
以忍爲鎧及行定意 立精進幢樂種禁戒
智慧爲藥力無等倫 降伏衆魔遠甘露果
慈心徒黨奉行道友 勸度無極無所毀壞
行空宅室憺怕爲食 所習行業一切智德
是故常志無放逸行 決解奉訓如上所教

猶如鷹鳴毀散雲雨 當得普智勢不得久
歎古品第二十三

於是佛復告喜王菩薩乃往過去久遠世時
有佛號無量精進如來至真等正覺明行成
爲善逝世間解無上士道法御天人師號佛
世尊爲百千億諸弟子衆天龍鬼神說是定
意時有國王名德華聞佛所說是定意義告
其八萬四千諸后嫫女及其千子是深要定
難可分別斯義所趣甚多巍巍而不可逮既
不可了雖不能行當求開解唯口誓願心思

本行當勸斯定佛之所演甚快無量一切等
心咸共勸助世尊所講甚善甚善以是勸助
超八十劫生死之難在於居家逮得總持名
曰事業無復疑結皆共篤信如佛所說以斯
德本值見三^{特十}妓諸佛世尊皆從諸佛逮此三
昧不墮惡趣^{十八}勤苦之路三惱之患不遭八難
無閑之厄因是行業逮成無上正真之道爲
最正覺方當成佛道度脫十方莫不蒙濟於
喜王意所趣云何爾時德華王豈異人乎莫
造斯觀所以者何見今現在無量光如來是

也其王千子今賢劫中千佛興者是也勸助
斯定神足威德巍巍如是何況諷誦奉行習
持如上法教佛復告喜王菩薩乃往過去無
央數劫時有佛號樂無量施與十妓衆眷屬
圍旋而爲說法其紫金光在所照耀斯光所
照入赤梅檀木篋美香展轉相熏普周十方
因已精勤慈愍一切奉清白行致是功報時
轉輪王名曰擇明以是比像供養之具奉行
平等正覺皆悉普周一切聖衆一一精舍皆
與給使彼亦咸聞是三昧定意因行斯業皆

悉普周一切正法佛所宣布亦共一心諮受
要義時佛侍者名曰無損智博聞最上不失
佛意隨時之宜不違繩墨其佛應時告彼侍
者佛曉了解是三昧定如吾本學此三昧法
不可忘家能分別暢斯義甚遠時轉輪王聞
此至教心自念言在國穢濁出乃清淨寧可
棄國除去鬚髮捨家捐業服著袈裟行作沙
門釋濁就清乃應佛教輒如所計棄國捨城
不貪四方除去鬚髮被服袈裟行作沙門及
與千子八萬大臣八萬四千諸后嫫女皆從

時十

十九

出家悉作沙門咸往詣佛稽首足下長跪又
手諮問世尊此三昧定時佛知心性以是三
昧具足七日廣爲解說斯等聞之展轉相謂
是三昧法甚難見聞我等寧可好諦書寫此
三昧定持諷誦學爲人具說咸共書寫供養
奉事各執經卷少能諷誦壽終之後皆共和
同見六十姪諸佛正覺各從諸佛所聞是三
昧皆棄捐出家作沙門普得斯定以是德本
悉當得佛如本所誓不違正願佛言喜王欲
知爾時普廣意轉輪聖王則錠光如來是也

其佛侍者名曰無損智比丘者維衛佛是也
其王千子是賢劫中過千佛已六十五劫當
斷無佛然後有劫號名大稱皆同斯劫成最
正覺其彼世時八萬大臣在大名稱劫而復
學道過劫已中間斷絕竟八十劫都無佛興
然後有劫名喻星宿其八萬大臣於斯劫中
成最正覺過星宿劫中間斷絕竟三百劫中
亦無佛興然後有劫名清淨光此轉輪聖王
諸后姪女八萬四千當於其劫成最正覺各
各異號佛言喜王斯三昧定果報無極巍巍

如是是故喜王今佛囑累一切菩薩若有菩薩志性仁和心無所慕不貪身命唯念當求是三昧定若有菩薩至欲速成無上正真之道為最正覺當勤精進學斯三昧定意受持諷誦一心奉行為他人說廣解其義佛於是

特十

二十

頌曰

欲求志道義	逮得佛正覺	當慕勤學此
天中天尊業	其餘諸學業	無有如斯利
唯當立正住	修至誠道行	若信樂此德
所生處不戀	所誓願若斯	得其福報應

是故奉和心 不懷諛諂意 勤修專精行
如中所言教

佛所咨嗟斯諸勝	若有欲覩此神聖
廣欲布教法之訓	當習斯教如前行
若能勸助德具足	若復執持諷誦讀
衆生不能盡其際	何況聞之能奉行
有分別說化他意	御行是曜所志道
逮得相好諸佛法	則常逮得是三昧
消除罪疊因降魔	消滅諸見愛盡然
娛樂清淨諸佛土	行斯三昧不難致

輒獲解脫成具光
總持一切所治業
則成所願逮正覺
住斯定意皆能辯
佛已嘆此說其教
汝等造行是餘法
來世之時勿懷恨
言我違失一切智
今所咨嗟度無極
若有慕求慧印道
若遇不能行此義
倚著身者無聖明
將來末俗及逆人
消滅諸法長惡趣
大智之士以用憂
常畏衆度無放逸
佛復告喜王若有菩薩千劫之中奉六度無
極捨善權方便不如一時聞是三昧正受以

用勸助古昔以來所立福慶此斯經典所建
功祚百倍千倍萬倍巨億萬倍無以爲喻所
以者何斯典至要去來今佛之所由生大目
阿彌陀阿閼如來賢劫千佛三世無限皆由
是定自致成佛猶如虛空含受一切萬種所
有十方三界有無諸形斯定如是無上正真
包含大道開化黎庶皆入法身佛說是經時
不可計菩薩聞之亘然皆立不退轉地無央
數人悉發無上正真道意十方會者皆咸蒙
恩八十億載諸天人民遠塵離垢諸法眼生

是諸天人聞佛所說善心生焉道意明矣散
華周遍三千大千世界以覆佛上此三千世
界六反震動天住虛空共百千妓以娛樂佛
及諸大衆喜王菩薩等三十億人普皆一時
得是三昧時天帝釋前白佛言快哉法化其
義至深妙哉難及從古至今未曾見聞如是
真義諸度無極種種別異品品所宣靡不盡
暢內外表裏法教所開三毒五陰十二牽連
四大六衰諸蔽睡眠不總除宣示四等四
恩六度無極空無相願大慈大哀善權方便

敷演道化以消衆生八萬四千衆結塵勞尋
輒滅除四魔爲伏真道法藥療三界病三達
之船載度十方去來今佛之所由生歎諸過
去無央數佛元始諸尊發意以來積行至真
自致成道化諸當來菩薩所行千佛本末發
意成佛國土父母諸子侍者左右上首衆所
學教弟子吾等聞之如冥覩明若有學是賢
劫三昧經典之要吾與官屬往營護之當令
心安意定不忘在其左右而宿衛之勅衆邪
鬼自然消除令諸學士恣意精修長得安隱

佛言善哉天帝吾代爾喜乃欲助衛無上大道去來今佛之所由生除權方便六度無極三十七品一切諸法所不能逮其學斯法超越生死疾成正覺爾時四天王前白佛言我等世尊放捨天上自然之樂往詣法師而擁護之百由旬外今無伺求得其便者使講法師廣布道化古大聖教永得久存今賢劫中千佛本末周流十方諸當來學聞之慕及從是得成使此三昧而不斷絕興隆三寶一切蒙濟

囑累品第二十四

爾時世尊告賢者阿難受斯本法古今諸佛之所由生也人命難得經道難值佛世難遇所以知難千佛過已六十五劫世無有佛中間過絕過大稱劫八十劫中亦復無佛過星宿劫經三百劫特十懸斷法教佛不復興至淨光劫乃當有佛是故知之佛世難值世人可傷投在盲冥不識道教流墮生死輪轉無際若在地獄燒炙毒痛不可復計億載年歲餓鬼飢渴窮乏甚因生死不得苦惱焦然不可計

數脫出無期畜生禽獸轉相食噉受斯毒害
動有劫數從冥入冥從苦入苦出於地獄復
入餓鬼出於餓鬼復入畜生地蟲屎蟲草蟲
冥蟲一一說之不可終極痛不可言甚可憐
傷佛出世間皆爲斯類開示語言不肯信受
放心蕩逸如盲投冥如狂溺水由迷趣峪不
見衆難佛以大慈顯揚大道班宣諸度八萬
四千以無量法以化衆生八萬四千衆結之
患四魔之難皆爲降伏不計吾我使發無上
正真道意行菩薩法濟生死苦無三惡趣自

度脫彼無三界患然後來世諸學四輩聞菩
薩法知之爲快不能諷讀抱著心懷喜雜句
說不忘深妙空法之義開至深慧亘然無際
又樂所習以爲第一有聞大道謂不可聽欲
得易解說其罪福攀緣稱說倚俗神仙世典
雜言謂之至妙咸共學聽歡喜無量以自忻
慶荷宿功福聞講深法反復解義各言復重
而不可知便睡眠寐或卧不聽正法沒盡皆
由是矣佛言我往過去無數劫時喜雜句說
妄想倚住六度無極不能自達通致大道至

錠光佛乃了亘然捨衆妄想心無所著乃能
逮得無所從生法忍爲錠光佛所見授決解
三世空以無礙法尋覩於今五濁之世多逆
少順罪不可計在於末世示現佛身度餘濁
俗使行道法濟三界難悉令永安佛告阿難
受是過去諸佛學業當來現在諸度無極八
千四百變爲八萬四千及其賢劫千佛本末
宿命所行從初發心至成佛道國土壽命父
母妻子上尊弟子得度人數所當開化由如
種樹下子在土視不可知人不見之又本其

子稍稍生長因成大樹甚高巍巍然後大樹
廣有所覆枝葉華實多所饒益遠近衆人菩
薩如是從初發道心以來種少少福積功累
德遂至無限諸度無極自致成佛度脫一切
賢者阿難受持諷誦爲他人說將來菩薩所
當奉行若於千劫行六度無極善權方便不
如聞是經典之要福多於彼何況至心受持
諷誦宣示同學四輩一心奉行福不可喻慙
懃書寫勿失一字所以者何去來今佛之所
由生宣示同學普流十方一切蒙慈乃報佛

永樂北藏

賢劫經

第四八册

澡罐

濯子皓切洗也
 罐古玩切瓶屬

菊

居六切屈
堂曰菊

趣谷

蜀趣
切逡
水須
注切
溪走
曰也
峪峪
余

余

蜀切水注溪曰峪